

Matiyu

Ɔkalan Konkonse Ɔbono Ɔ Nmarase

Kyu Lii Yesu So Mɔ

Yesu Kirisito Gesu Gɛbono Dɔ Ɔ Lii Mɔ

¹ Yesu Kirisito gi lii daa aye Isirale awura Oloobu Deefidi ɔpaa dɔ, ne Deefidi mɔ gi lii aye Isirale awura aye-naana gyangbarase Aberaham ɔpaa dɔ. Ɔwole baare dɔ gere ne a nmarase Yesu mɔ-naanaana gekoroge gigyan so gigyan so yela. A nmarase mɔmɔ-anyen lii aye Isirale awura ɔnaana gyangbarase abere kpaa fo Yesu-lee abere dɔ de fe' nye bii gesu gɛbono dɔ Yesu Kirisito gi lii mɔ.

² Oloobu Aberaham mɔ-bi ne n gye Ayisiki, Ayisiki mɔ-bi ne n gye Gyeekɔpo. Gyeekɔpo mɔ-biana ne n gye Gyuda mɔ-re mɔ-daana de mɔ-tedeana.

³ Gyuda mɔ-biana ne n gye Perese de Saara. (Mɔmɔ-nyi ne n gye Tamare.)

Perese mɔ-bi ne n gye Hesuron, Hesuron mɔ-bi ne n gye Ram.

⁴ Ram mɔ-bi ne n gye Aminadabe, Aminadabe mɔ-bi ne n gye Naason. Naason mɔ-bi ne n gye Salimon,

⁵ Salimon mɔ-bi ne n gye Bowase. (Bowase mɔ-nyi ne n gye Rahabe.) Bowase mɔ-bi ne n gye Obede. (Mɔ-nyi ne n gye Ruuti.)

Obɛdɛ mɔ-bi ne n gyɛ Gyɛsi,

⁶ Gyɛsi mɔ-bi ne n gyɛ Wura Deefidi.

Wura Deefidi mɔ-bi ne n gyɛ Solomon. (Nkana Solomon mɔ-nyi mɔ-kuli ne n gyɛ Yuraya.)

⁷ Solomon mɔ-bi ne n gyɛ Rɛhobowan,

Rɛhobowan mɔ-bi ne n gyɛ Abigya.

Abigya mɔ-bi ne n gyɛ Asa,

⁸ Asa mɔ-bi ne n gyɛ Gyehosafatɛ.

Gyehosafatɛ mɔ-bi ne n gyɛ Gyoram,

Gyoram mɔ-bi ne n gyɛ Usiya.

⁹ Usiya mɔ-bi ne n gyɛ Gyotam,

Gyotam mɔ-bi ne n gyɛ Ahasɛ.

Ahasɛ mɔ-bi ne n gyɛ Hɛsekaya,

¹⁰ Hɛsekaya mɔ-bi ne n gyɛ Menasɛ.

Menasɛ mɔ-bi ne n gyɛ Amon,

Amon mɔ-bi ne n gyɛ Gyosaya.

¹¹ Gyosaya mɔ-bi ne n gyɛ Gyekoniya mɔ-rɛ mɔ-daa de mɔ-tɛdɛana.

Gyekoniya baarɛ abɛrɛ dɔ ne Babilon awura mɛ nyise aye Isirale awura adedaabo kpaa kyena Babilon.

¹² Mɛ bo Babilon mɔ, Gyekoniya gi korogɛ Sɛɛletɛɛ.

Sɛɛletɛɛ mɔ-bi ne n gyɛ Serubabele.

¹³ Serubabele mɔ-bi ne n gyɛ Abiwudi,

Abiwudi mɔ-bi ne n gyɛ Eliyakim.

Eliyakim mɔ-bi ne n gyɛ Asoro.

¹⁴ Asoro mɔ-bi ne n gyɛ Sadokɛ.

Sadokɛ mɔ-bi ne n gyɛ Akim,

Akim mɔ-bi ne n gyɛ Eliwudi.

¹⁵ Eliwudi mɔ-bi ne n gyɛ Eliyeesa,

Eliyeesa mɔ-bi ne n gyɛ Matan.

Matan mɔ-bi ne n gyɛ Gyeekɔpo,

16 Gyeeƙoƙo mɔ-bi ne n gye Gyosefo, Mariya mɔ-kuli.

Mariya baare ne n koroge Yesu obono o gye Kirisito mɔ. Mɔ ne Wurubuaare gi wolaa toge yee o laa sun de o' baa gyi gewura mɔ Wurubuaare ade so mɔ.

17 Imɔso aye-naana gyangbarase Aberaham gi koroge, ne mɔ-bi gi baa koroge. Ne mɔ-naana obono gi koroge. Me koroge-koroge genen gyan'gyan abara so gikpadɔ gudu ginan pei ne i baa koroge Wura Deefidi. Genen kee ne Deefidi gi koroge, ne mɔ-bi gi baa koroge, ne mɔ-naana obono gi baa koroge. Me koroge-koroge genen gyan'gyan abara so gikpadɔ gudu ginan pei ne Babilon awura me nyise aye Gyuda awura adedaabo kpa kyena Babilon osowole so mɔ. Genen kee ne lii ibono me kpe Babilon genen mɔ, anaana obono o te genen owi obono do mɔ gi koroge, ne mɔ-bi gi baa koroge. Ne mɔ-naana obono gi koroge. Me koroge-koroge genen gyan'gyan abara so gikpadɔ gudu ginan pei ne i kyu koroge obono Wurubuaare gi wolaa toge yee o laa sun de o' baa gyi gewura mɔ Wurubuaare ade so mɔ.

Gyosefo Gi Kuu Oderi Wu Yesu Gekoroge Ilaa

18 Fe' nu genɔobono i ba ne me kyu koroge Yesu Kirisito mɔ. Imɔ ne nan baa toge faa. Owi obono Gyosefo kya ye Yesu mɔ-nyi Mariya ne men ti de de abara mɔ, me san wu daa yee Mariya laa koroge gebii naa de Wurubuaare Oduduu mɔ so.

19 Gyosefo, Mariya mɔ-kuli mɔ, gye isa obono o kya gyi gesintin sa Wurubuaare, ne oŋ kya laare

fɛɛ okyii mɔ o' gyi ipeeli sansana. Imɔso o kyu gɛwɔnsa yɛɛ ɔ laa kine mɔ ɲara dɔ.

²⁰ Ɔ kya sa genen gɛwɔnsa gɛdɛ mɔ, ɔ naa dɛ ginsi gidɛ, ne Wurubuaarɛ dɔ ɔsɔɔ ɔko gi ba mɔ asɛ oderi dɔ, ne ɔ tɔgɛ sa mɔ yɛɛ, “Gyosefo, Wura Deefidi mɔ-naana, gɛɲ sa fo' sele yɛɛ foɲ baa dena fo-ka Mariya. Ɔtɔ ɔbono ɔ dɛ faa, Wurubuaarɛ Oduduu mɔ ne n yɛgɛ ne ɔ dɛ mɔ.

²¹ Ɔnyen ne ɔ laa korogɛ, ne fo laa yela mɔ-ginyen yɛɛ Yesu, i kya nyiile yɛɛ ɔ laa mɔlɛgɛ mɔ-ade lii mɔmɔ-ilaa nyɛnyɛn giwɔra dɔ.”

²² Mariya ilaa idɛ pɛwu i ba daa de i' nyɛ kyena de Wurubuaarɛ agyɛbi abono ɔ wolaa tɔgɛ yela dedaa mɔ. Ɔ wolaa tɔgɛ imɔ yela naa de mɔ-ikalan ɔtɔgɛbo mɔ so yɛɛ,

²³ “Ɔbono ɔ mɛɲ nyi ɔnyen mɔ

laa da ɔtɔ de ɔ' korogɛ gɛbii nyensɛɛ,
ne mɛ laa tɛrɛ gɛmɔ yɛɛ Imanuɛlɛ.”

(Imanuɛlɛ gɛsɛ ne n gye yɛɛ “Wurubuaarɛ bo aye asɛ.”)

²⁴ Gyosefo gi kyingi mɔ, o kyule ilaa ibono Wurubuaarɛ dɔ ɔsɔɔ mɔ gi tɔgɛ mɔ mɔ, ne o kyu Mariya dena.

²⁵ Mɔ-rɛ mɔ berɛ, mɛ mɛɲ dɛ ginyen de gikyii kaabore ɔ korogɛ gɛbii mɔ. Ne Gyosefo gi yela mɔ-ginyen yɛɛ Yesu.

2

Abelensɛ Ako Mɛ Ba De Mɛ' Baa Faala Yesu

¹ Mɛ korogɛ Yesu daa Betelɛhɛm, Gyudiya gɛsinkpan so owi ɔbono Herode gye Gyudiya wura mɔ. Mɛ korogɛ mɔ mɔ, abelensɛ abono

mε nyi agyεkpebi ilaa mο ako mε lii de owi obaaliiten so ba Gyεrusalem osowolε so.

² Mε baa taase yεε, “A' kerε gebii gebono mε koroge ne gε laa baa gyi gεwura sa Gyuda awura mο. A wu gεmο-gigyεkpebi gi baa lii de owi obaaliiten so. Imο ne a ba de a' baa ηmii gεmο de a' kyu buubuu obono ο gye gεmο-lεε mο kyu sa gεmο faa.”

³ Wura Herode gi nu ilaa ibono so mε naa mο, i kyogede mο-gisen dο. Genen kee ne i kyogede Gyεrusalem awura mο pεwu asen dο ne.

⁴ Wura Herode gi tere Wurubuaare asunbi alεbo abelense de mοmο Gyuda awura nbara anmarasebo mο pεwu baa gyan. Ne ο taase omο yεε, “Nyamese obono mε ηmarase mο-ilaa yela yεε Wurubuaare laa sun de ο' baa gyi gεwura aye pεwu so mο, fone ne mε laa koroge mο?”

⁵ Ne mε lεε genο yεε, “Mε laa koroge mο daa Betlehem, Gyudiya gesinkpan so. I kya nyiile yεε Wurubuaare gi wolaa yege mο-ikalan otogebo oko gi ηmarase Betlehem osowolε mο so ilaa yela.

⁶ Ο ηmarase yεε,
‘Fo, Betlehem, Gyudiya gesinkpan so osowolε,
Gyudiya isowolε dο mο, mε kya kyu fo yεε
fon gye osowolε gbaa oko.

Iη gye genen.

Fo mο dο ne mε laa koroge wura belε.

Mο ne nan kerε Wurubuaare ade Isirale awura mο so.’ ”

⁷ Herode ade mο mε toge mο genen mο, ο tere asafo mο lii nkan, ne ο taase omο de ο' bii abere abono mε wu gigyεkpebi mο gi lii mο.

⁸ Mε tɔgε mɔ mɔ, o nyiile ɔmɔ yεε mε' kpe Betelehem, ne ɔ tɔgε denge ɔmɔ-ansi yεε, “Fε' kpa a laare gebii mɔ dandan. Fε wu gεmɔ mɔ, fε' yεgε me-aso a' nu de me kee n' kpa a ηmii gεmɔ de n' kyu buubuu ɔbono ɔ gye gεmɔ-lεε mɔ sa gεmɔ.”

⁹ Asafo mɔ mε nu Wura Herode ilaa tɔgεse mɔ, ne mε kyon. Mε kya kpe mɔ, mε kii wu gigyekpebi gibono mε wolaa wu owi ɔbaaliiten so mɔ gi gyangbara gi sa ɔmɔ. Aberε abono gi fo nfono gebii mɔ gε bo mɔ, gi yeλε.

¹⁰ Mε wu gigyekpebi mɔ gi yeλε genen mɔ, i wɔra ɔmɔ ɔkon gikyɔ kyɔde.

¹¹ Mε loo geten mɔ dɔ, ne mε wu gebii mɔ gεmɔ-re gεmɔ-nyi Mariya. Mε wu gεmɔ mɔ, mε ηmii gεmɔ ne mε kyu buubuu sa gεmɔ. Mε bugi mɔmɔ-atɔ ne mε lεε ilaa boɔgyalonse sa gεmɔ. Ilaa mɔ ne n gye sika kɔkɔɔ de onufuii de gitikee.

¹² Imɔ ide gemara mɔ, Wurubuaare gi ka sa asafo mɔ oderi dɔ yεε mεη' baa kii naa de Herode ase. Imɔso mε kyu de ɔkpa banban ɔko kpe gεwi.

Mε Kyu Kyokyoo Mɔ Sele Kpe Igyipiti

¹³ Asafo mɔ mε kyon mɔ, imɔ genye mɔ Wurubuaare dɔ ɔsɔɔ ɔko gi ba Gyosefo ase oderi dɔ baa tɔgε mɔ yεε, “Koso puru gebii mɔ gεmɔ-re gεmɔ-nyi de fε' sele kpe Igyipiti gesinkpan so. Fε' kyena nno kaabore aberε abono nan tɔgε fo yεε fε' kii ba. Wura Herode kya laare gebii mɔ imɔɔten.”

¹⁴ Imɔso Gyosefo gi koso ne o puru gebii mɔ gεmɔ-re gεmɔ-nyi genye gebono sele kpe Igyipiti.

15 Mε kyena nno kaabore Wura Herode gi wu'. Mε kyu gebii mɔ kpe Igyipiti genen mɔ, ilaa ibono Wurubuaare gi wolaa tɔge yela naa de mɔ-ikalan ɔtɔgebo mɔ so mɔ i yege i ba gesintin. I kya nyiile yeε Wurubuaare gi wolaa tɔge yela yeε,

“Nε tere me-bi lii Igyipiti gesinkpan so.”

Mε Mɔɔ Npii

16 Wura Herode gi wu yeε asafo mɔ mε penε mɔ men baa naa de mɔ ase mɔ, i wɔra mɔ ginyadon gikyɔ kyɔde. Imɔso o sun asa, ne mε kpe Betlehem ɔsowole mɔ-re mɔ-nsowolebi pɛwu ibono i kyaabɔɔ mɔ mɔ, ne mε mɔɔ nbii nyense nbono pɛwu gi fo nsi nnyɔ kyu kpelege mɔ. I kya nyiile yeε Herode gi nu lii asafo mɔ ase yeε gigyekpebi mɔ gi lii mɔ, imɔ-nsi nnyɔ ne.

17 Kyu naa de nbii ndε lewu so ne ilaa ibono Wurubuaare ikalan ɔtɔgebo Gyemaya mɔ gi tɔge yela mɔ i ba gesintin. I kya nyiile yeε Gyemaya baare gi wolaa wu asa gikpen giko lewu ilaa tɔge yela yeε,

18 “Mε nu osulon Rama ɔsowole so.

Ako mε kya su ne mε kya saawo ken-ken.

Oloobu Reekyele mɔ-naanaana ne n kya su ma-a sa mɔmɔ-biana.

Mε tɔge wɔra mɔmɔ kpon. Mε men nu.

I kya nyiile yeε mɔmɔ-biana men baa mε bo no.”

Mε Lii Igyipiti Kpe Nasarete

19 Wura Herode lewu gemara mɔ, Wurubuaare dɔ ɔɔɔ ɔko gi baa lee mɔ-nyoro nyiile Gyosefo oderɔ dɔ Igyipiti.

²⁰ Ne ɔ tɔge mɔ yee, “Koso, puru gebii mɔ gemɔ-re gemɔ-nyi de fo' kii kpe Isirale gesinkpan so. Abono nkana me kya laare gebii mɔ-imooten mɔ me wu'.”

²¹ Genen so Gyosefo gi koso puru gebii mɔ gemɔ-re gemɔ-nyi kii kpe Isirale gesinkpan so.

²² ɔ fo nno mɔ, o nu yee Herode lewu gemara mɔ, mɔ-bi Arekilose ne n yii mɔ-se giyaa Gyudiya gibaafon so. O nu genen mɔ, i wɔra mɔ gifuu yee me' kii kpe nno kpaa kyena. Ne Wurubuaare gi gya mɔ oderi dɔ yee ɔɲ sa o' kpe nno. Imɔso me bage kpe Galeli gibaafon so.

²³ Me fo nno mɔ, me kpaa kyena ɔsowole oko so me kya tere mɔ yee Nasarete. Me kyu gebii mɔ kpaa kyena nno genen mɔ, i yee ilaa ibono Wurubuaare ikalan atogebɔ mɔ me wolaa tɔge kyu lii gemɔ so mɔ i ba gesintin. I kya nyiile yee me wolaa tɔge yela yee,

“Me laa tere mɔ yee Nasaretenyen.”

3

Gyon Gi Tɔge Tɔge Sa Asa

Yee Me' Lɔrɔ Mɔmɔ-Ge kyena Dɔ Gyoo Wurubuaare

¹ Genen owi obono mɔ, Gyon obono ɔ baa gyere asa Wurubuaare sagyere mɔ gi kpe ɔ te Gyudiya gipen dɔ ɔ kya tɔge ɔ sa abono me kya kpe mɔ ase mɔ yee,

² “Fe' nu feye-nyoro gese de fe' kyeege lii ilaa nyenyen giwɔra dɔ. Ide kon ne Wurubuaare laa yeege mɔ-ge wuragyi dɔ akyenabi a' ba asa dɔ.”

³ Wurubuaare ikalan otogbo, Isaya, gi wolaa wu Gyɔn baare ilaa nmarase yela yee,

“Asa me laa nu oko gigyebi' gipen do

o laa kpen o kya toge yee,

‘Fe' lɔro feye-gekyena do gyoo Wurubuaare

de o' nye naa de okpa ntintin ba feye ase.’ ”

⁴ Gyɔn gegbe suuse mo, me kyu daa gekpatitii ifuu kyu luo gemo, ne o kyu gebue owole wɔra liide. Mo-ilaa gyise ne n gye nkpenfuree nko oyuduu de nmasan.

⁵ O bo gipen mo do nno mo, asa sakyɔ me kya lii Gyerusalem osowole so, Gyudiya gesinkpan pewu so, de gesinkpan gebono ge kyaaboo Gyɔdan obon mo pewu so me kya kpe mo ase.

⁶ Me kya kpaa lee ilaa nyenyen ibonoana me wɔra mo toge, ne o kya gyere omo Wurubuaare sagyere Gyɔdan obon do.

⁷ Farasii de Saadusii akpen do awura sakyɔ kee me kpe mo ase yee o' gyere momo Wurubuaare sagyere. Gyɔn gi wu momo genen mo, o toge sa momo yee, “Fe de fee awoo abono a bo giboro mo gikpen! Wurubuaare ginyadon geke mo ge kya ba. O laa biide asa nyenyen pewu giso. Imoso feye kee fe wu yee i kaabore fe' sele lii Wurubuaare ginyadon mo do?”

⁸ Fe' wɔra ilaa wɔrase ibono i laa lee nyiile yee fe nu feye-nyoro gese gesintin mo daa.

⁹ Feŋ sa fe' penɛ feye-nyoro yee ibono fe kpe nye fe gye Aberaham opaa do asa faa so mo, Wurubuaare laa yegɛ kyee feye. N' toge feye yee Wurubuaare laa taale yegɛ abui ade a' bingiri Aberaham opaa do asa.

¹⁰ Anyamese me de fee iyii. Oyii kamaase obono oṅ kya soro abi mo, Wurubuaare gi ti puru mo-gekyoo o laa ne mo too kyu kpaa wora ogya do.

¹¹ Me, n de daa nkyu n kya gyere feye Wurubuaare sagyere de i' lee nyiile yee fe nu feye-nyoro gese, fe laa kyeege lii feye-ilaa nyenyen giwora do. Obono o laa ba me-gemara mo bere, o don me ilaa kamaase do. Fee n' ba gese de n' puru mo-ayaawole keda sa mo gbaa mo, men fo. Genen kaase obono mo, Wurubuaare Oduduu de ogya ne o laa kyu gyere asa Wurubuaare sagyere.

¹² “Kaase obono gi ti baala de o' barage ilaa dense aworabo lii ilaa nyenyen aworabo do. O laa kyu ilaa dense aworabo mo kyu kpaa yela mo ase de o' biide ilaa nyenyen aworabo mo giso gekpaa-gekpaa. I laa wora fee genooobono me kya fon omologo mo. Me kya kyu omologo abi mo yela geten dense de me' kyu afonfontee mo kpaa fue de me' yii amo ogya. Genen ogya obono men kya nu giwu'.”

Gyon Gi Gyere Yesu Wurubuaare Sagyere

¹³ Nke nbono do mo ne Yesu gi lii Galeli gesinkpan so kpaa tu Gyon Gyoodan obon mo ase yee o' gyere mo Wurubuaare sagyere.

¹⁴ Yesu gi toge mo genen mo, Gyon men laare de o' kyule. O taase Yesu yee, “Fo ne n kaabore fo' gyere me Wurubuaare sagyere. Ne fo ne n kii ba me ase yee n' gyere fo Wurubuaare sagyere?”

¹⁵ Ne Yesu gi lee genoo yee, “Yeege de i' ba genen aberede do. Imo-okpa so ne de a' nye wora ilaa ibono i gyee Wurubuaare gelaare mo pawu.” Yesu

gi tɔgɛ genen mɔ, Gyɔn gi nu gɛɛ, ne o gyere mɔ Wurubuaare sagyere mɔ.

¹⁶ ɔ kpe gyere Yesu Wurubuaare sagyere mɔ ta mɔ, Yesu gi lii nkyu mɔ dɔ. ɔ baa diire mɔ-ansi kere mɔ, Wurubuaare dɔ i bugi, ne o wu Wurubuaare Oduduu gi kpelegɛ lii nno fɛɛ bonbuɛ baa gyan' mɔ so.

¹⁷ Wurubuaare gi tɔngɛ lii soso yɛɛ, “Me-bi ne. Mɔ-ilaa i bo me-gisen dɔ. ɔ kya gyi me-ginsi.”

4

Ilaa Nyenyɛn Pɛwu Gɛmu Gi Soo Yesu Idoɔ

¹ Imɔ gɛmara mɔ Wurubuaare Oduduu mɔ gi kyu Yesu kpe gipen dɔ de ilaa nyenyɛn pɛwu gɛmu mɔ ɔ' nyɛ soo mɔ idoo kere yɛɛ ɔ laa nyɛ mɔ de o' nu mɔ aɛ?

² Yesu bo gipen mɔ dɔ mɔ, ɔ nminde gɛnɔ toloowi kalaade genen-n nke ikue-inyɔ. Nke ikue-inyɔ mɔ gɛmara mɔ, akon a kya mɔɔ mɔ.

³ Nfono mɔ, ilaa nyenyɛn gɛmu mɔ, mɔ ɔbono ɔ kya soo anyamesɛ idoo mɔ, gi ba mɔ aɛ baa tɔgɛ mɔ yɛɛ, “Nengyene gɛsintin fo gyɛ Wurubuaare mɔ-bi mɔ, tɔgɛ abui adɛ yɛɛ a' bingiri agyudɔ.”

⁴ Yesu gi kine, ne ɔ tɔgɛ sa mɔ yɛɛ, “Mɛ nmarasɛ Wurubuaare agyɛbi ɔwɔlɛ mɔ dɔ yɛɛ, 'I mɛn gyɛ agyudɔ wɔlɛ so ne nyamesɛ laa nyɛ gɛkyena;

i gyɛ daa Wurubuaare gɛnɔ dɔ gigyɛbi kamaasɛ so.' ”

⁵ Lii nfono mɔ, ilaa nyenyɛn pɛwu gɛmu mɔ gi kyu Yesu kpe Gyɛrusalem ɔsowɔlɛ ɔbono Wurubuaare gi lɔrɔ yela sa mɔ-ɔson mɔ. Mɛ fo

nno mɔ, ilaa nyenyen pɛwu gɛmu mɔ gi kyu Yesu gyan' Wurubuaare ɔson obu mɔ nfono i bo legelege mɔ,

⁶ ne o kii soo mɔ ɔdoɔ kere yɛɛ, “Nengyene fo gye Wurubuaare mɔ-bi gesintin mɔ, lɛɛ fo-nyoro kpaɔ too gɛɛ; Wurubuaare agyebi ɔwɔlɛ mɔ dɔ mɔ, i tɔgɛ yɛɛ,

‘Wurubuaare laa tɔgɛ sa mɔ Wurubuaare dɔ isɔɔ mɔ yɛɛ mɛ' kere fo so.’

Ne

‘mɛ laa kɔɔlɛ fo. Gisidi gbaa fo maŋ sisi.’ ”

⁷ Yesu gi kine, ne ɔ lɛɛ gɛnɔ yɛɛ, “Wurubuaare agyebi mɔ kee a tɔgɛ yɛɛ,

‘Gɛŋ sa fo' daase fo-Wura Wurubuaare kere yɛɛ ɔ laa wɔra fo-gɛlaare sa fo.’ ”

⁸ Yesu gi kii kine gɛnen mɔ, ilaa nyenyen pɛwu gɛmu mɔ gi kyu Yesu kpe gibii beɛ giko gimu so, ne ɔ yɛgɛ Yesu gi wu gɛsinkpan so isowɔlɛ kpei-kpei pɛwu imɔ-rɛ imɔ-nyisigyi mɔ.

⁹ O nyiile Yesu gɛnen mɔ, ne o kii soo Yesu ɔdoɔ kere yɛɛ, “Nengyene fo laa ŋmii de fo' kyu buubuu son me mɔ, nan kyu ilaa ibono nɛ nyiile fo faa pɛwu sa fo.”

¹⁰ Nfono mɔ Yesu gi lɛɛ gɛnɔ kine yɛɛ, “Lii me ase, ilaa nyenyen pɛwu gɛmu! Mɛ ŋmarase Wurubuaare agyebi ɔwɔlɛ mɔ dɔ yɛɛ,

‘Ŋmii de fo' kyu buubuu sa fo-Wura Wurubuaare.

Mɔ-wɔlɛ guan ne i kaabore fo nyamesɛ fo' son.’ ”

¹¹ Yesu gi lɛɛ gɛnɔ gɛnen mɔ, ilaa nyenyen pɛwu gɛmu mɔ gi taa mɔ yɛgɛ, ne Wurubuaare dɔ isɔɔ mɛ kpe mɔ ase kpaɔ kere mɔ so.

Yesu Gi Kyon Kpe Galeli

¹² Yesu gi nu yεε mε keda Gyon tii de obu mɔ, ɔ lii nfono kyon kpe Galeli gεsinkpan so.

¹³ Ɔη baa kyena Nasarete ɔsowole so. Ɔ kyon kpaa kyena Kapεeniyon ɔsowole ɔbono ɔ bo Galeli ɔbon bele mɔ gigengen giko so. Genen gigengen gibono gi bo de Sebulun de Nafitali nsinkpan so.

¹⁴ Ɔ kpaa kyena nno daa de asa abono mε bo nno mɔ mε' nye Wurubuaare fatela ɔbono Isaya dare mɔ-ɔwole dɔ mɔ. Isaya gi wɔra Wurubuaare ikalan ɔtɔgebo. Mɔ-ɔwole mɔ dɔ mɔ, ɔ tɔge

¹⁵ yεε

“Fε' nu Sebulun de Nafitali nsinkpan so asa ilaa. Genen gεsinkpan gεbono gε bo de Gyɔɔdan ɔbon gibenbe giko so

kyu kpe de Galeli ɔbon bele mɔ ase.

Asa sakyɔ abono mε mεη kya son Wurubuaare mɔ mε tε saare Gyuda awura dɔ Galeli nno.

¹⁶ Asa abono mε tε ilaa nyenyen gibiri dɔ mɔ mε laa nye Wurubuaare fatela o' wu ɔmɔ hayin.

Gεsinkpan so nfono mε mεη nyi Wurubuaare ase gεkyena ɔkpa mɔ, ide kon gedε gε laa kε mɔmɔ.”

¹⁷ Lii owi ɔbono Yesu gi kpe Galeli mɔ, o yii gεε ɔ kya tɔge ɔ kya sa asa yεε, “Fε' nu feye-nyoro gεε de fε' taa feye-ilaa nyenyen giwɔra yεε. Ide kon ne Wurubuaare laa yεε mɔ-gεwuragyi dɔ akyenabi a' ba asa dɔ ne.”

Yesu Gi Yii Gεε Ɔ Kya Lεε Mɔ-Akasebo

¹⁸ Gεke gεde mɔ, Yesu naa Galeli ɔbon bele mɔ gigengen so mɔ, o wu iken alεbo anyɔ ako, Simon Piita mɔ-re mɔ-tede Andiru, me kya too asewu.

¹⁹ Yesu gi wu mɔmɔ mɔ, ɔ tɔge sa ɔmɔ yeε, “Fe' baa buu me de fe' wɔra me-akasebo. Ne wu yeε nkana fe gye iken alεbo. Npere bere nan yege fe' san laare daa asa de me' nye Wurubuaare ase gεkyena.”

²⁰ ɔ tɔge sa mɔmɔ genen mɔ, ayaa abono so mɔ, me taa mɔmɔ-asewu mɔ yege, ne me naa buu mɔ.

²¹ Me naa kpe ansi dɔ ηmaraa mɔ, o kii wu ɔnyen ɔko mɔ-re mɔ-tede, Gyeemesi de Gyɔn, Sebedi mɔ-biana. O wu mɔmɔ mɔ, mɔmɔ-re mɔmɔ-se me bo gikolii dɔ me kya lɔrɔ mɔmɔ-asewu, ne ɔ tɔge mɔmɔ yeε me' baa wɔra mɔ-akasebo.

²² Ayaa abono so mɔ, me taa mɔmɔ-gikolii mɔ de mɔmɔ-se yege, ne me naa buu mɔ.

Yesu Gi Nyiile Asa Wurubuaare ɔkalan Mɔ Ne ɔ Kye Alɔbo

²³ Yesu gi kingi de Galeli gesinkpan so pɛwu ɔ kya tɔge Wurubuaare ɔkalan konkonse mɔ ɔ kya sa asa. Wurubuaare gewuragi dɔ akyenabi mɔ ilaa ne ɔ de ɔ kya nyiile ɔmɔ genen. ɔ naa mɔmɔ Gyuda awura akyangbon dɔ ɔ kya nyiile asa, ne ɔ naa asa mɔ dɔ ɔ kya kye mɔmɔ-alɔbi kpei-kpei kamaase.

²⁴ Mɔ-ilaa wɔrase i kpaa nu gyan' de Siiriya gesinkpan so, imɔso asa me sola mɔmɔ-alɔbo pɛwu ba mɔ ase. Alɔbo mɔ me kya lɔ alɔbi nyenyen de alɔbi kpei-kpei. Ako me kya lɔ gilɔ

tɔrɔsɛ ne ako mɛ gye ɔtɛgɛsɛana, ne ɔ kye mɔmɔ pɛwu. Ɔ kosore ilaa nyenyɛn oduduu kpɛi-kpɛi lii ako so kee.

²⁵ Sakpii bele naa o buu mɔ. Ako mɛ lii Galeli, ne ako mɛ lii Isowolɛ Gudu gɛsinkpan so. Ako mɛ lii Gyɛrusalem de isowolɛ sɛnsɛ ibono i bo Gyudiya gɛsinkpan mɔ so. Ako kee mɛ lii gɛsinkpan gɛbono gɛ bo Gyɔɔdan ɔbon gibenbɛ giko mɔ so.

5

Yesu Gi Nyiile Asa Ilaa Gibii Giko So

¹ Yesu gi wu sakpii bele mɔ mɔ, ɔ dii kpe gibii giko so, ne ɔ kpelege kyena. Mɔ-akasebo mɔ mɛ baa kyena kyaabɔɔ mɔ,

² ne o yii gɛsɛ ɔ kya nyiile ɔmɔ ilaa yɛɛ,

³ “Amudɛnsɛbo ne n gye abono ilaa i tiri mɔmɔ ne mɛ kɛɛ daa Wurubuaarɛ mɔ.

Wurubuaarɛ gɛwuragyi dɔ akyenabi a gye mɔmɔ-lɛɛ.

⁴ Amudɛnsɛbo ne n gye asa abono mɔmɔ-asen dɔ i kya dɛɛ mɔmɔ mɔ.

Wurubuaarɛ laa yɛgɛ mɔmɔ-asen a' tɔrɔ mɔmɔ.

⁵ Amudɛnsɛbo ne n gye asa abono mɛ kya bara mɔmɔ-nyoro gɛsɛ mɔ.

Mɔmɔ ne nan baa nyɛ gɛsinkpan mɔ so gɛkyena gɛbono Wurubuaarɛ gi ka yela sa mɔ-adɛ mɔ.

⁶ Amudɛnsɛbo ne n gye asa abono mɛ kya laarɛ mɛ' gyi gɛsintin sa Wurubuaarɛ

ne i kya tiri mɔmɔ fɛɛ akon abɛɛ bolefɔ ne n dɛ ɔmɔ mɔ.

Wurubuaare laa kpaa mɔmɔ de me' taale gyi gesintin sa mɔ.

⁷ Amudensebo ne n gye asa abono me kya su asa gitolon mɔ.

Wurubuaare laa su mɔmɔ gitolon kee.

⁸ Amudensebo ne n gye asa abono mɔmɔ-asen dɔ i fuuli mɔ.

Me laa nye wu Wurubuaare de mɔmɔ-ansi.

⁹ Amudensebo ne n gye asa abono me kya bara gisen yuuli asa dɔ mɔ.

Wurubuaare laa tere mɔmɔ yee mɔ-biana gesintin.

¹⁰ Amudensebo ne n gye asa abono me kya gyi gesintin sa Wurubuaare,

ne ako me kya ka mɔmɔ-ansi kyu lii imɔ so mɔ.

Wurubuaare gewuragyi dɔ akyenabi a gye mɔmɔ-lɛɛ.

¹¹ Amudensebo ne n gye feye abono fe gye me-akasabo

ne me so ne asa me kya saale feye,

ne me kya ka feye-ansi,

ne me kya kee abon kpɛi-kpɛi ma-a gyan feye so.

¹² Fe' yɛɛ i' wɔra feye ɔkon de fe' kyaa.

I lii feɛ Wurubuaare nteɛla bele gi de sa feye Wurubuaare dɔ.

Fafaanan ne me ka Wurubuaare ikalan atogɛbo abono me kyena kyena kyon mɔ ansi kee ne.”

Yesu Akasebo Me De Fee Nfole De Fatela

¹³ Yesu gi da gikpale sa mɔ-akasebo mɔ yee, “Fe de feɛ nfole sa gesinkpan so asa. Ne feɛ nfole gi ta nmɔ-ɔkon mɔ, nne ne fe laa wɔra de gi' kii

wɔra ɔkon? Nmo-agyan a ta. Me laa too nmo fue daa de asa me' kyise nmo de ayaa.

14 “Ɛe de fee fatela sa gesinkpan so asa. Feye so mo, asa me laa bii Wurubuaare gesintin okpa mo kusaa fee genɔɔbono ɔsowole gyan gibii so ne ɔɲ kya ɲara mo.

15 Ɔko men bo no ɔ laa nyɔga fatela de o' kyu fee gelɔbi bun mo so. Ɔ laa kyu kyɔlɔga daa de i' nye wu ɔkamaase ɔbono ɔ bo geten mo do mo.

16 Genen kee ne i kaabore fe' yege feye-idense ibono fe kya wɔra mo i' wɔra fee fatela de asa me' nye wu de me' yen feye-se Wurubuaare ɔbono ɔ bo soso mo.

Yesu Anyiilebi Kyu Lii Mosisi Nbara Mo So

17 “Ɛe nyi yeɛ ne ba de n' baa kyeege Mosisi nbara mo abee ilaa ibono Wurubuaare ikalan atogɛbo mo me toge yela mo daa? Kuaa, ne ba daa de n' baa yege i' ba fee genɔɔbono me ɲmarase yela mo.

18 Gesintin ne n' kya toge feye faa, fee genɔɔbono Wurubuaare do ɲ tii yela okara faa mo, Wurubuaare nbara nbono ɔ yela mo, ba-a nmo-gigyebi kolon gi man kyeege kaabore ilaa kamaase ibono me ɲmarase yela mo i ba gesintin.

19 Lii genen so mo fo ɔbono fo laa toge yeɛ nbara nko gin tiri ne fo man gyi nmo so mo, fo kee fo man wɔra nyamese tirise Wurubuaare gewuragi gekyena mo do. Ne fo ɔbono fo nyiile asa kee yeɛ ɲ tiri yeɛ me' gyi Wurubuaare nbara mo nko so mo, fo kee fo man wɔra nyamese tirise Wurubuaare gewuragi gekyena mo do. Fo

ɔbono, mɔ, fo laa gyi nmɔ so ne fo laa nyiile asa yee mɛ' gyi nmɔ so mɔ, fo ne nan wɔra nyamese tirise Wurubuaare gewuragi gekyena mɔ dɔ.

²⁰ N' tɔge feye yee nengyene fe maɲ gyi gesintin don ibono nbara aɲmarasebo mɔ de Farasii awura mɔ me kya wɔra mɔ, fe maɲ nye Wurubuaare gewuragi dɔ gekyena mɔ kpa-a.

Yesu Ilaa Nyiilese Kyu Lii Ginyadon So

²¹ “Fe nu yee dedaa mɔ, Wurubuaare nbara aɲmarasebo mɔ me tɔge yee,

‘Feɲ sa fe' mɔɔ isa. ɔbono ɔ mɔɔ isa mɔ, me' kperɛ mɔ nbele agyibo ase.’

²² Mi-i me mɔ, n kya tɔge mi-i tigi feye yee fo ɔkamaase ɔbono fo kpe nye sɔɔ ginyadon wɔra fo-nanbo gbaa mɔ, me' kperɛ fo nbele agyibo ase. Fo ɔbono fo saale fo-nanbo yee ɔɲ bo giko dɔ mɔ, me' kperɛ fo nbele agyibo abelense ase. ɔbono, mɔ, ɔ laa tɔge sa mɔ-nanbo yee ɔɲ bo asa dɔ mɔ, mɔ berɛ, ɔ kya sa mɔ-nyoro ɔkpa de o' kpe ɔgya ɔbono Wurubuaare kya biide ilaa nyenyɛn awɔrabo giso mɔ dɔ ne.

²³⁻²⁴ “Lii imɔ ide so mɔ, nengyene fo ɔko fo kpe Wurubuaare asunbi ɔlɛten fo' kpaa lɛɛ asunbi ne fo nyingi yee fo tɔrɔ fo-nanbo so mɔ, taa fo-asunbi atɔ mɔ yege nno de fo' kpe de fo-re fo-nanbo mɔ fe' kpaa tɔge lɔrɔ pei de fo' lɔɔ kii baa lɛɛ genen asunbi abono sa Wurubuaare.

²⁵ Nengyene ɔko gi tere fo ɔko nbele ne fe kya kpe nbele mɔ ogyiten mɔ, fe' wolaa tɔge lɔrɔ ɔkpa dɔ nno pei de fe' lɔɔ loo. I mɛɲ gye genen mɔ, fonbii ɔ laa kyu fo kpe nbele ogyibo mɔ ase

de obono, mɔ, o' kyu fo kpaa wɔra ngbe awura obelense abaa dɔ de ɔ' keda fo tii de obu.

²⁶ Gesintin ne n' kya tɔge feye faa, me keda fo tii de obu genen mɔ, fo laa sii nno genen-n kpaa fo owi obono ɔkara me' wu yee fo ka fo- ilaa nyenyen giko mɔ ta, pei de me' loo tigi fo.

Yesu Ilaa Nyiilese Kyu Lii Gedena Genyida So

²⁷ “Ɛe nu me naa kyena tɔge yee,
‘Geɲ sa fo' lii fo-ka abee fo-kuli gemara.’

²⁸ Mi-i me mɔ, n kya tɔge mi-i sa feye yee fo obono fo wu ɔkyii ne fo sa gewɔnsa yee fo nye mɔ, fo laa laare mɔ mɔ, fo ti nyida gedena ne.

²⁹ “Nengyene fo ɔko fo gyise ginsi gi kya wu ilaa ne i kya yee fo kya wɔra ilaa nyenyen mɔ, logede gimɔ lee fue! Fo-nyoro geteeko i lii giden ne fo nye kyena Wurubuaare ase mɔ, i boran don ibono Wurubuaare laa kyu fo-nyoro gimumuli too wɔra ɔgya dɔ mɔ.

³⁰ Ne fee fo gyise gibaa ne n kya yee fo kya wɔra ilaa nyenyen mɔ, kebi gimɔ fue. Fo-nyoro geteeko i lii giden ne fo nye kyena Wurubuaare ase mɔ, i boran don ibono Wurubuaare laa kyu fo-nyoro gimumuli too wɔra ɔgya dɔ mɔ.

Yesu Ilaa Nyiilese Kyu Lii ɔkyii Gikine Ilaa So

³¹ “Genen kee ne me naa kyena tɔge yee,
‘Obono ɔ laa kine mɔ-ka mɔ, i kaabore ɔ' sa mɔ gikine ɔwole.’

³² Mi-i me mɔ, n kya tɔge mi-i sa feye yee nengyene i meɲ gye yee fo-ka gi lii fo-gemara daa so ne fo kine mɔ ne ɔkyii mɔ gi kpaa dena obanban mɔ, fo ne n yee mɔ ɔ nyida gedena genen. Ne onyen obono ɔ dena genen ɔkyii

ɔbono mɔ, mɔ, kee gi tɔɔ Wurubuaare gelaare adenabi nbara. Wurubuaare kya kyu imɔ yee ɔko mɔ-ka ne ɔ laare genen.

Yesu Ilaa Nyiilese Kyu Lii Ntan Gika So

³³ “Genen kee ne fe nu yee dedaa mɔ nbara anmarasebo mɔ me toge sa asa yee,

‘Nengyene fe ka ntan sa Wurubuaare mɔ,
fe’ gyi nmo so; feŋ sa fe’ yege i’ gbangε.’

³⁴ Mi-i me mɔ, n kya toge feye yee, ntan ne n gye ntan, feŋ sa fe’ ka. Feŋ sa fe’ ka yee ‘a kere fee soso,’ i lii fee soso nno mɔ, i gye Wurubuaare gewura gegyapaa.

³⁵ Feŋ sa fe’ toge yee ‘a kere fee gesinkpan.’ Gesinkpan ne n gye Wurubuaare ayaa okyiseten. Feŋ sa fe’ ka yee ‘a kere fee Gyerusalem.’ Wurubuaare gye Wura bele sa ɔkamaase, ne Gyerusalem ne n gye mɔ-ɔsowole gbaa’ gesinkpan gede so.

³⁶ Feŋ sa fe’ ka yee ‘a kere fee aye-amu’. I kya nyiile yee fe man taale yege feye-amu ɔman kolon o’ fuuli abee o’ biiri.

³⁷ Fe’ yege feye-‘en’ ɔ’ wɔra ‘en’, de feye-‘kuaa’ ɔ’ wɔra ‘kuaa’. Ilaa ibono i laa kii bola imɔ ide so mɔ, i laa lii daa ɔbonsan, nyamese nyenyen mɔ ase.

Yesu Ilaa Nyiilese Kyu Lii Akyobo So

³⁸ “Me kii toge sa adedaabo mɔ yee,
‘ɔbono ɔ boori mɔ-nanbo ginsi mɔ, me’ boori mɔ-lεε kee ka giko.

ɔbono ɔ kyigi mɔ-nanbo ginyi mɔ, me’ kyigi mɔ-lεε kee ka giko.’

³⁹ Me, mɔ, n kya tɔge mi-i sa feye yee nengyene ɔko gi wɔra fo ɔko ilaa nyenyen mɔ, gen sa fo' kyu ilaa nyenyen ka mɔ gikɔ. ɔko gi da fo ɔtan gyise so mɔ, kisee benɛ-lɛɛ mɔ kee sa mɔ de o' kii da.

⁴⁰ Fo de ɔko gikɔ ne ɔ tere fo nbɛɛ, ne yee ɔ laa kyu fo-gɛgbɛ kyu yii giyaa mɔ, tɛsɛ kyu fo awo gɛgbɛ kee bola mɔ.

⁴¹ ɔko gi nyise fo yee fo' sola mɔ-gesola sa mɔ gikpaaten kolon mɔ, sola sa mɔ de fo-rɛ mɔ fe' naa akpaaten anyɔ.

⁴² ɔko gi kole fo ilaa iko ne fo bo mɔ, sa mɔ. Ne ɔko kya laare de ɔ' paa fo ilaa iko ne fo bo imɔ mɔ, paa mɔ.

⁴³ “Fɛ nu mɛ tɔge gɛde gɛko yee,

‘Fɛ' laare feye-nanboana ilaa de fe' kyo feye-akyobo.’

⁴⁴ Me bere n kya tɔge feye yee fe' laare feye-akyobo kee ilaa de fe' dalaa sa asa abono mɛ kya ka feye-ansi mɔ.

⁴⁵ Fɛ kya wɔra genen mɔ, fe laa wɔra feye-se ɔbono ɔ bo soso mɔ mɔ-biana. I lii fɛɛ Wurubuaare kya yɛge owi kya lii sa anyamesɛ dense de anyenyen pɛwu. ɔ kya yɛge nyangbon kya da sa abono mɛ kya gyi gesintin sa mɔ de abono mɛn kya gyi gesintin sa mɔ mɔ pɛwu.

⁴⁶ Fɛ kya laare asa abono mɛ kya laare feye-ilaa wole mɔ, nne so ne Wurubuaare laa tɛɛla feye? Lenpoo asɔbo abono mɛ kya kudi asa gyi mɔ gbaa kee mɛ kya laare daa abono mɛ kya laare mɔmɔ-ilaa mɔ.

⁴⁷ Nengyene fe kya faala daa feye-subuana wole mɔ, fe wɔra ilaa don asa sense mɔ ne? Gesinkpan

so asa kpei-kpei abono me men kya son Wurubuaare mo gbaa me kya faala momo-subuana genen.

⁴⁸ Imoso fe' yeye feye-ginyamese dense gi' ta gudu fee genobono feye-se Wurubuaare-lee gi ta gudu mo.

6

Gidense Aworabi

¹ “Fe laa wora gidense mo, fe' kere feye-nyoro so doodan de in sa i' ba yee asa so ne fe kya wora de me' wu de me' yen feye. Nengyene genen ne n gye feye-nwansa mo, fe man baa nye nteela nko lii feye-se Wurubuaare obono o bo soso mo ase.

² Fee fe wora idense sa ayenbo mo, feŋ sa fe' kyu imo kyu da gikpengboo. Genen ne abono me kya diire momo-nyoro mo me kya wora momo-akyangbon do de sansana de asa me' nye yen momo ne. Me wora genen mo, nteela nbono me laa nye mo pewu ne.

³ Nengyene fo kyu bene wora gidense sa yenbo mo, geŋ yeye de gyise o' bii

⁴ de genen gidense gibono fo wora mo giŋ sa gi' lii gewi. I ba genen mo, fo-se Wurubuaare obono o kya wu asiiri do mo ne nan teela fo.

Adalaabi

⁵ “Fe laa dalaa kee mo, feŋ sa fe' wora fee asa abono me kya son Wurubuaare ansi so giyan mo. Me kya dalaa mo, momo-ilaa laarese ne n gye yee me' kpaa yele momo-akyangbon do abee sansana de nyamese kamaase o' nye wu momo yee momo ne n yele me kya dalaa faa. Gesintin

ne n' kya tɔge feye faa, me kya wɔra genen mɔ, nteela nbono me laa nye mɔ pewu ne.

⁶ Feye bere, fo ɔko fo laa dalaa mɔ, loo fo-obu dɔ de fo' tii gisin wɔra fo-nyoro de fo' dalaa sa fo-se Wurubuaare obono asa men kya wu mɔ de ansi mɔ. Mɔ obono ɔ kya wu asiiri dɔ mɔ laa nu fo-gɛdalaa.

⁷ “Ƒe laa dalaa mɔ, feɲ sa fe' tɔge ilaa kolon fe kya kpe fe kya ba bolo-bolo. Genen ne asa abono men nyi Wurubuaare agyebi mɔ me kya dalaa ne. Mɔmɔ ase mɔ me nyi daa yee nengyene me kya dalaa ilaa kolon me kya kpe me kya ba bolo-bolo genen mɔ, imɔ ne nan yegɛ mɔmɔ-ikpere i' nu mɔmɔ ase.

⁸ Feye bere, feɲ sa fe' wɔra fee mɔmɔ. Pei de fe dalaa mɔ, feye-se Wurubuaare ti o nyi ilaa ibono i tiri feye mɔ.

⁹ “Imɔso ɔkpa obono so fe laa kyu dalaa mɔ ne n gye yee:

‘Aye-se, fo obono fo bo soso,
yegɛ asa me' buu fo yee fo-nkon ne n gye
Wurubuaare.

¹⁰ Yegɛ fo-gɛwuragyi dɔ akyenabi a' ba asa dɔ.

Yegɛ fo-gɛlaare ge' wɔra gesinkpan so,
fee genɔobono fo-gɛlaare ge kya wɔra soso
fo ase nno mɔ.

¹¹ Sa aye nde geke geɗe-leɛ ilaa gyise.

¹² Kyu aye-ilaa nyenyen kyu kyee aye
fee genɔobono aye kee a kyu ilaa nyenyen
ibono asa me wɔra aye mɔ kyu kyee ɔmɔ
mɔ.

¹³ Kpaa aye de ilaa iko in sa i' nye aye penɛ de a'
wɔra ilaa nyenyen.

Men sa fo' yegge de a' loo ilaa nyenyen pewu gemu
mo abaa do.

[I lii fee gewuragi, olon, de nyisigi
i gye daa fo-lee gekpaa-gekpaa. I' ba genen.]'

¹⁴ “Nengyene fe kyu asa ilaa nyenyen ibono me
wora feye mo kyu kyee omomom, feye-se obono o
bo soso mo kee laa kyu feye-lee ilaa nyenyen kyu
kyee feye.

¹⁵ Nengyene fe man kyu asa ilaa nyenyen kyee
momomom, feye-se Wurubuaare kee man kyu
feye-lee ilaa nyenyen kyu kyee feye.

Geno Anmindebi

¹⁶ “Fe laa nminde geno kee mo, fe men sa
fe' booda. Genen ne asa abono me kya son
Wurubuaare ansi so giyan mo me kya wora ne.
Me kya taa momomom-nyoro yegge de okamaase gi nye
ne o wu momomom o' nye bii yee me nminde nom.
N kya toge feye gesintin yee me kya wora genen
mo, nteela nbono me laa nye mo pewu ne.

¹⁷ Feye bere fo oko fo laa nminde geno mo, foro
fo-ansi de fo' pubuu fo-gimu

¹⁸ de oko-re oko o men sa o' bii yee fo nminde
geno. Genen mo, fo-se Wurubuaare obono asa
men kya wu de ansi mo wole ne o' bii sa fo. Mo
obono o kya wu asiiri do mo ne nan teela fo.

Fe' Kyu Feye-Ansi Gyan' Wurubuaare Do Ilaa

So

¹⁹ Fe men sa fe' baala ato yela sa feye-nyoro gese
gere.

Gerena mo ntakpenbi gi laa nyida amom abee a
laa kuu ideri
abee iyu me laa boori loo puru koso.

²⁰ Fɛ' wɔra idense gese gere de fe' kpaɔ nye imo so nteela Wurubuaare do.

Wurubuaare do-lee nteela bere, ntakpenbi gin kya nyida imo ne in kya kuu ideri ne iyu men kya nye boori loo nno kpaɔ puru.

²¹ I lii fee nfono feye-atɔ a bo mo nfono kee ne feye-nwɔnsa gi bo.

²² "Feye-nwɔnsa gi boran mo, fe de fee obono mo-ansi a boran mo. Feye-ansi a boran mo, fe laa wu ilaa kamaase.

²³ Ne fee feye-ansi an boran mo, feye-ilaa kamaase i bo daa gibiri do. Nengyene feye-gewɔnsa gebono ge kya yege fe kya nu ilaa gese mo ge nyida mo, fe laa wɔra fee agyaatanbo. Fe laa tansi kyena gibiri do sirim!

²⁴ "Nyamese oko men bo no o laa taale son awura anyo. O laa laare oko ilaa de o' kyo oko, abee o laa buu oko, ne o man kyu obanban mo tere sei. Fe man taale son Wurubuaare de fe' kii son aterenbi.

Fen Sa Fe' Suiili Kyu Lii Feye-Gekyena Do Ilaa Tirise So

²⁵ "Imoso n kya toge mi-i sa feye yee fen sa fe' suiili kyu lii feye-gekyena do ilaa tirise so, fee ilaa ibonoana fe laa gyi abee fe laa nun abee fe laa kyu gyan' feye-nyoro so mo. Wurubuaare obono o sa feye nkpa mo man taale sa feye agyudo kee? Obono o sa feye nyoro gibi mo man taale sa feye ilaa ibono fe laa kyu gyan' feye-nyoro so mo?

²⁶ Fe' taa laa ansi kere nbuii. Gin kya duu, gin kya tee, ne gin bo agyudo ikoolayelaten. Imo-re imo genen gbaa faa, feye-se obono o bo soso mo

kya sa mómó agyudó owi kamaase dó. Ne fýe mó de-e? Fè men̄ nyi yéé fè don nbuii gbaa bun?

²⁷ Fýe dó ané ne nan sa gèwónsa mó-nyoro so de ó' taale kyu ba-a gèkè kolon bóla mó-nkpa so?

²⁸ “Ne menetó so ne fè kya suiili ilaa ibono fè laa kyu gyan' fýe-nyoro mó so? Fè' laa ansi keré genóobono iyii i kya wóra afototo mó. In̄ kya wóra gesun, ne in̄ kya luo akuru sa imó-nyoro.

²⁹ Imó genen gbaa mó, n kya buu mi-i sa fýe yéé, Wura Solomon mó-ré mó-awurató pèwu mó, ó men̄ nyé akuru abono a wóra ódan fo genen afototo adé.

³⁰ Iyii ibono i kya bingiri ngya mó gbaa ne Wurubuaaré kya gyere imó lóró kanpé faa. Fýe anyamesé ne ó laa léé ansi yéé de fè' naa gibolonbukpan? O, fýe asa adé! Gisóogyi gibono fè bo sa Wurubuaaré mó gin̄ kyo.

³¹ Fèñ baa suiili yéé, ‘Mené ne a laa gyi? Mené ne a laa nun? Mené ne a laa kyu gyan' aye-nyoro so?’

³² Asa abono mé men̄ nyi Wurubuaaré agyebi mó ansi ne n kya pèéré genen ilaa idéana so. Fýe-sé óbono ó bo soso mó nyi yéé i tiri fýe.

³³ Fýe beré, fè' laaré daa genóobono Wurubuaaré gèwuragyi dó akyenabi a laa ba asa dó mó de fè' nyanga ansi gyi gesintin sa Wurubuaaré. Fè ti fè kya wóra genen mó, Wurubuaaré laa yéé ilaa sènsé idéana pèwu kee i' yii fýe-abaa.

³⁴ Imóso fè men̄ sa fè' suiili kyu lii óké-léé so. Óké gèkè mó gè laa bara gémó-léé. Imóso in̄ kaabore fè' baa kyu óké-léé gikpon kyu too ndé-léé gikpon so.

7

Yesu Gi Nyiile Asa Yee Me Men Sa Me' Toge Yee Jko Men Boran

¹ “Fen sa fe' kere oko ilaa wɔrase de fe' toge yee on boran de Wurubuaare kee o men' kere feye-ilaa wɔrase toge yee fen boran.

² Genɔɔbono okara fe kya kyu toge yee feye-nanboana men boran mo, genen kee ne Wurubuaare laa kyu toge yee fen boran ne. Okpa obono so fe laa kyu bun feye-nanboana gipuee mo, Wurubuaare laa kyu genen okpa obono so kee bun feye gipuee.

³ Menɛ n wɔra so ne fo kya wu fo-nanbo ilaa nyenyen pii ibono o kya wɔra mo toge ne fon kya wu fo-lɛɛ ibele ide? I de daa fee fo wu gikpara gi bo oko ginsi do, ne fon kya wu yee gegyakpaabi ge taa fo-lɛɛ do.

⁴ Nne so ne fo laa toge sa fo-nanbo yee, ‘O, menanbo, kere, gikpara gi bo fo-ginsi do. Yee n' lee gimɔ sa fo.’ --Yee gegyakpaabi ge taa fo-lɛɛ do?

⁵ O, gikereansi anyamese! Fe' lee ngyakpaabi nbono gi taa feye-ansibi do mo de fe' nye wu doɔdan kpaa lee akpara abono a bo feye-nanboana lee ansi abi do mo.

⁶ “Fen sa fe' kyu Wurubuaare okalan mo kpaa toge sa asa abono Wurubuaare gelaare ilaa giwɔra in fe momo-giso mo. Genen asa abono me de daa fee igyoono kpense. Fe wɔra genen mo, me laa kyu ginyadon kisee dun feye. I de daa kee fee fe kyu awurato too sa akuuri. Me laa kyise-kyise amo daa nugidi gyan.

Fe' Kole Wurubuaare

⁷ “Fε' dalaa kole Wurubuaare; ɔ laa sa feye. Fε laare mɔ, fε laa nye. Fε ηmεε Wurubuaare gisin mɔ, ɔ laa tigi feye.

⁸ I kya nyiile yεε ɔkamaase ɔbono ɔ kpe ɔ kya kole Wurubuaare mɔ, ɔ laa sa mɔ. Ne ɔbono ɔ kpe ɔ kya laare mɔ, ɔ laa nye, ne ɔbono mɔ, ɔ kpe ɔ kya ηmεε Wurubuaare gisin mɔ, ɔ laa tigi mɔ.

⁹ Feye dɔ ɔse ɔmɔ ne n bo no yεε mɔ-bi laa kole mɔ bodobodo de o' kyu daa gibui kyu sa mɔ?

¹⁰ Abεε mɔ-bi laa kole mɔ ɔken de o' kyu daa giwɔɔ sa mɔ?

¹¹ Feye abono fε gye ilaa nyenyen awura mɔ gbaa ne n kya bii kyu ilaa dense kyu sa feye-biana faa. Meneto so ne aye-se ɔbono ɔ bo soso mɔ man kyu ilaa dense kyu sa asa abono mε kya kole mɔ mɔ?

¹² “Genɔɔbono fε kya laare fεε asa mε' wɔra sa feye mɔ, fε' wɔra imɔ ɔnan kee sa asa. Mosisi nbara mɔ de Wurubuaare ikalan atɔgebo mɔ ilaa nyiilese mɔ gese pewu ne.

¹³ Fε' loo de gebunono pi-i gebono ge de kpe Wurubuaare ase gekyena mɔ dɔ mɔ. Wurubuaare gisobiide geten mɔ gebunono lεε mɔ bere ge ηmange, ne ɔkpa ɔbono ɔ de kpe genen gebunono mɔ ase mɔ gye daa otinpon. Asa sakyɔ mε naa mɔ so.

¹⁴ Gebunono gebono ge de kpe Wurubuaare ase gekyena mɔ dɔ mɔ geη ηmange, ne ɔkpa ɔbono ɔ de kpe genen gebunono mɔ ase mɔ gye daa gekpasuεε. Asa kalese ne n kya wu genen ɔkpa ɔbono bii.

Asa Ako Mε Kya Kεε Abon Yεε Wurubuaare

Ɔkalan Ne Me Kya Tɔge

15 “Ɛɛ' dɛsɛ fɛyɛ-nyoro so de asa abono mɛ kya kɛɛ abon yɛɛ Wurubuaarɛ ikalan ne mɛ kya tɔgɛ mɔ. Ansi so mɔ, mɛ dɛ fɛɛ isandɛ, yɛgɛ mɔmɔ-itɔ dɔ mɔ, mɛ don agbowugbowu.

16 Mɔmɔ-ilaa wɔrasɛ ne fɛ laa kyu bii mɔmɔ-gisen dɔ ilaa. I dɛ daa fɛɛ gɛnɔɔbono fɛ kya kɛɛ oyii abi kyu bii mɔ-gidebi mɔ. Mɛ kya tɛɛ mango lii giwii oyii so? Mɛ kya tɛɛ payaa abi lii fɔlɔgɛ oyii so?

17 Nyamesɛ ɔbono mɔ-gisen dɔ i boran mɔ kya wɔra daa ilaa dɛnsɛ, ne ɔbono mɔ-gisen dɔ iɲ boran mɔ kya wɔra daa ilaa nyenyɛn.

18 I dɛ daa fɛɛ iyii. Oyii ɔbono ɔ bo alanfiya mɔ maɲ taalɛ sɔrɔ abi nyenyɛn, ne oyii ɔbono ɔ kya lɔ mɔ maɲ taalɛ sɔrɔ abi dɛnsɛ.

19 Oyii kamaasɛ ɔbono ɔ maɲ sɔrɔ abi dɛnsɛ mɔ mɛ laa ɲɛ mɔ kyu wɔra ɔgya dɔ.

20 Imɔso asa ilaa wɔrasɛ ne fɛ laa kyu bii yɛɛ mɛ gye Wurubuaarɛ ikalan atɔgɛbo gɛsintin?

21 “I mɛɲ gye nyamesɛ kamaasɛ ɔbono ɔ kpɛ nyɛ ɔ kya tɛɛ me yɛɛ, ‘Me-wura, me-wura’ mɔ ne nan nyɛ ɔkyɛnaten Wurubuaarɛ gɛwuragyi mɔ dɔ. Gɛnɛn mɔ, asa abono mɛ kya wɔra mɛ-sɛ ɔbono ɔ bo soso mɔ gɛlaarɛ mɔ wolɛ.

22 Gɛkaabono Wurubuaarɛ laa gyi anyamesɛ pɛwu nbɛlɛ mɔ, asa sakyɔ mɛ laa tɛɛ me yɛɛ, ‘Aye-wura, aye-wura’ de mɛ' tɔgɛ sa me yɛɛ, ‘A tɔgɛ Wurubuaarɛ ikalan sa asa, a gya ilaa nyenyɛn oduduu kpɛi-kpɛi koso asa so, ne a wɔra ilaa gbaa'gbaa ibono i lɛɛ Wurubuaarɛ ɔlon nyiile asa mɔ fo-ginyɛn dɔ.’

23 Nfono ne nan tɔgɛ tigi mɔmɔ yɛɛ, 'Mɛn nyi fɛye. Fɛ gyɛ daa ilaa nyenyɛn awɔrabo. Fɛ' naa me-ansi so!'

Yesu Yɛɛ Asa Mɛ' Gyi Mɔ-Ilaa Tɔgɛsɛ So

24 “Ɔkamaasɛ ɔbono ɔ kya nu me-ilaa tɔgɛsɛ idɛ ne ɔ kya wɔra imɔ so ilaa mɔ, ɔ dɛ fɛɛ ɔsɛbo ɔbono o yii obu. Ɔ laa yii gɛsɛ ɔpɔɔrɛ mɔ, o kuru kpaa tu gifolɛ, pɛi ne ɔ too ɔpɔɔrɛ gyan' gifolɛ mɔ so.

25 Gɛkɛ gɛdɛ mɔ, nyangbon gi baa da, afuu belɛ a da ne ibon i bɔla baa da de genen obu mɔ. Imɔ genen gbaa mɔ, ɔ mɛn boori, i lii fɛɛ ɔ pɔrɔ mɔ dandan gyan gifolɛ so.

26 Nyamesɛ ɔbono, mɔ, ɔ kya nu me-ilaa tɔgɛsɛ idɛ ne ɔ mɛn kya wɔra imɔ so ilaa mɔ, kaasɛ mɔ dɛ fɛɛ ɔnyɛn ɔbono oŋ nyi ɔlaako ne o yii obu gyan' daa giŋesii so mɔ. Ɔ mɛn kuru gɛsɛ ɔpɔɔrɛ mɔ geten.

27 Gɛkɛ gɛdɛ mɔ, nyangbon de afuu belɛ a baa da, ne ibon i bɔla baa da de obu mɔ. Obu mɔ yii daa giŋesii so so mɔ, ɔ tɔrɔ daa wurum!”

28 Yesu gi tɔgɛ genen ilaa idɛana ta mɔ, mɔ-ilaa nyiilesɛ mɔ i wɔra sakpii ɔbono o nu imɔ mɔ giyan.

29 I lii fɛɛ mɛ nu mɔ-anyiilebi mɔ, mɛ wolaa wu yɛɛ Wurubuaare ne n sa mɔ genen ilaa nyiilesɛ mɔ. I mɛn gyɛ genen ne mɔmɔ-nbara aŋmarasɛbo mɔ mɛ kya nyiile ilaa ne.

8

Yesu Gi Kye Okononbu Ɔko

¹ Yesu gi nyiile asa ilaa mɔ ta mɔ, mɔ-rɛ sakpii bele ɔbono o buu mɔ mɔ mɛ kpelegɛ lii gibii mɔ so mɛ kya ba.

² Nfono mɔ okononbu ɔko gi lii tu mɔ. Okononbu mɔ gi kpelegɛ ηmii mɔ-ayaa dɔ, ne ɔ tɔgɛ mɔ yɛɛ, “Me-wura, nengyene i gyɛ fo-gɛlaare dɔ mɔ, fo laa taale kyɛ me.”

³ Ɔ kole Yesu genen mɔ, Yesu gi tengɛ mɔ-gibaa kpaa yii mɔ, ne ɔ lɛɛ genɔ sa mɔ yɛɛ, “I gyɛ me-gɛlaare; fo-gilo mɔ gi' ta.” Ayaa abono so mɔ, okononbu mɔ alɔɔ mɔ a ta, ne

⁴ Yesu gi tɔgɛ mɔ yɛɛ, “Gɛη sa fo' tɔgɛ sa ɔko-rɛ ɔko yɛɛ me ne n kyɛ fo. Naa kpaa wɔra nbara ilaa ibono Mosisi gi yela sa okononbu kamaase ɔbono mɔ-gilo gi ta mɔ. Imɔ ne n gyɛ yɛɛ fo laa kperɛ fo-nyoro kpaa nyiile Wurubuaare asunbi ɔlɛɛbo de ɔ' kerɛ fo-nyoro pɛwu gyan'. Ɔ laa wu yɛɛ fo-gilo mɔ gi ta, de fo' kyu fo-afaala kyu sa mɔ de ɔ' kyu lɛɛ asunbi sa Wurubuaare sa fo. Imɔ ne nan yɛgɛ asa mɛ' bii yɛɛ fo-alɔɔ mɔ a ta gɛsintin.”

Yesu Gi Kye Asogya ɔbelense Ɔko Dega

⁵ Yesu gi kyon kpe Kapɛɛniyon. Ɔ loo nno mɔ, Rom awura asogya ɔbelense ɔko gi lii kpaa gyangara mɔ ne ɔ kole mɔ

⁶ yɛɛ, “Me-wura, me-dega dɛ me-gɛten dɔ, ɔ kya lɔ ibono i bo lon. Nfono ɔ kpɛ ɔ dɛ mɔ ne ɔ dɛ. Ɔ tansi ɔ kya yiyɛɛ. Imɔso gyan' me-giwoo.”

⁷ Yesu gi kyule sa mɔ yɛɛ, “Nan kpaa kyɛ mɔ sa fo.”

⁸ Yesu gi tɔgɛ mɔ genen mɔ, asogya ɔbelense mɔ gi lɛɛ genɔ sa Yesu yɛɛ, “Me-wura, me ɔdɛ

menj kaaborɛ ibono fo' kpe me-gɛten dɔ. Fo kpe nyɛ lɛɛ gɛnɔ mɔ, me-dega mɔ gilɔ mɔ gi laa ta.

⁹ Me gbaa-gbaa kee n gye ɔbelɛnsɛ ɔbono n bo abelɛnsɛ ako gɛsɛ. Ne n' bo abono, mɔ, mɛ bo me gɛsɛ mɔ. Nengyene nɛ lɛɛ gɛnɔ yɛɛ, 'fo ɔdɛ, kpe faa' mɔ, kaasɛ mɔ laa kpe, abɛɛ n' tɔgɛ yɛɛ, 'fo ɔdɛ, ba gɛrɛ' mɔ, kaasɛ mɔ laa ba. Nengyene nɛ tɔgɛ me-dega yɛɛ 'wɔra idɛ!' mɔ, imɔ ne ɔ laa wɔra."

¹⁰ Yesu gi nu ɔbelɛnsɛ mɔ ilaa tɔgɛsɛ mɔ mɔ, i dɛ mɔ-gɛnɔ gikyo. Nfono ne Yesu gi kisee tɔgɛ sa sakpii ɔbono o buu mɔ mɔ yɛɛ, "Gɛsintin ne n' kya tɔgɛ mi-i sa fɛye faa, ba-a aye Isirale awura mɔ dɔ gbaa, menj wu nyamesɛ ɔbono ɔ bo gisɔɔgyi belɛ gidɛ ɔnan sa me fɛɛ Rom ɔbelɛnsɛ baarɛ.

¹¹ N kya tɔgɛ mi-i sa fɛye yɛɛ gɛkaako mɔ asa sakyɔ mɛ laa lii nsinkpan kpɛi-kpɛi so baa nyɛ ikyenaten Wurubuaarɛ gɛwuragyi mɔ dɔ taa aye-Isirale awura ako yɛgɛ. Genen asa abono mɔmɔ-rɛ aye-naanaana Aberaham de Ayisiki de Gyeekɔpo mɛ laa wɔra abaa gyi.

¹² I san aye Isirale awura abono nkana Wurubuaarɛ gɛwuragyi mɔ gɛ gye aye-lɛɛ mɔ, aye dɔ abono menj sɔɔ Wurubuaarɛ gyi mɔ berɛ, Wurubuaarɛ laa lɛɛ mɔmɔ lii mɔ asɛ kyu kpaa too wɔra nfono i tansi i bo gibiri mɔ. Genen gibiri gibono dɔ mɔ osulon de anɛbi giwɛ ne n bo nno."

¹³ Nfono ne Yesu gi tɔgɛ sa asogya ɔbelɛnsɛ mɔ yɛɛ, "Naa fo kya kpe. I' wɔra sa fo fɛɛ gɛnɔɔbono fo sɔɔ me gyi faa." Genen owi ɔbono dɔ gbaa-gbaa mɔ, mɔ-dega mɔ gi nyɛ alanfiya mɔ-gɛten dɔ.

Yesu Gi Kye Alobo Sakyo

¹⁴ Yesu gi naa kpe Piita gēwi. Ɔ loo gēten mɔ dɔ mɔ, o wu Piita mɔ-saa kyiise de ɔ kya lɔ ɔkyagyii,

¹⁵ ne Yesu gi yii mɔ. O yii mɔ mɔ, ɔkyagyii mɔ gi taa mɔ yegē, ne ɔ taale kii koso keda mɔ-gisafo.

¹⁶ Imɔ gēdɔde mɔ asa mē kyu alobo de asa sakyo abono ilaa nyenyen oduduu kpēi-kpēi i tē mɔmɔ so mɔ kyu ba Yesu ase. Yesu gi kpe lēe gēnɔ daa ne ilaa nyenyen oduduu mɔ i koso mɔmɔ so. Ɔ kye asa abono mē kya lɔ mɔ pēwu kee.

¹⁷ Yesu gi wɔra gēnen ilaa ide mɔ, i kyena de ilaa ibono Wurubuaare ikalan ɔtɔgēbo Isaya gi wolaa tɔgē lii mɔ so mɔ. Ɔ tɔgē yēe,

“Ibono a gyē nbaari so mɔ,
o kyu imɔ yēe mɔ-nyoro ne i gyē.
Ne ɔ kye aye-alɔtɔ sa aye.”

Asa Ako Mē Kole Yesu Yēe Mē Laa Buu Mɔ

¹⁸ Yesu mɔ-rē mɔ-akasebo mɔ mē bo Galeli ɔbon belē mɔ ase, ne Yesu gi wu yēe sakpii mɔ gi kyaabɔɔ mɔ mɔ, ɔ tɔgē sa mɔ-akasebo mɔ yēe, “A' fara kpe gibenbe.”

¹⁹ Mē kya laare mē' kyon mɔ, Gyuda awura nbara ɔnmarasebo ɔko gi ba Yesu ase, ne ɔ kole Yesu yēe, “Ɔbelense, nan buu fo kpe gēten kamaase gēbono fo kya kpe mɔ.”

²⁰ Ne Yesu gi tɔgē sa mɔ yēe, “Agbowugbowu gbaa mē bo ibo dēse, ne nbuii mē bo asisaa. Me, anyamese pēwu mɔmɔ-daa mɔ bere, mēn bo me-gimu okunten.”

²¹ Yesu akasebo mɔ dɔ ɔko bere gi kole mɔ yēe, “Me-wura, yegē me n' kpaa pule me-sē pēi de n' lɔɔ baa buu fo.”

²² Yesu gi tɔgɛ sa mɔ yɛɛ, “Fo berɛ, baa buu me daa de asa abono Wurubuaare ase gekyena mɔ ilaa in fɛ ɔmɔ-giso mɔ mɛ' pule abara.”

Yesu Gi Yɛgɛ Afuu A Taa Gida Yɛgɛ

²³ Yesu gi dii loo gikolii dɔ mɔ-rɛ mɔ-akasebo mɔ, ne mɛ kyon.

²⁴ Mɛ kpaa fo nkyu mɔ nsana getɛɛko mɔ de-e, afuu bele ako a tigi, a kya da ginyadon so. I yɛgɛ nkyu gi kya loo gikolii mɔ dɔ. Genen aberɛ abono mɔ Yesu berɛ gi dɛ ginsi gide.

²⁵ Nfono mɔ, mɔ-akasebo mɔ mɛ da mɔ kyingi, ne mɛ tɔgɛ mɔ yɛɛ, “Aye-wura, mɔlɛgɛ aye! A kya laare de a' sii.”

²⁶ Yesu gi lɛɛ genɔ yɛɛ, “O, fɛye asa adɛ! Menɛ n wɔra ne i bo fɛye gifuu genen? Gisɔɔgyi gibono fɛ bo sa me mɔ pɛwu ne?” Nfono ne ɔ koso ne ɔ tɔgɛ afuu mɔ yɛɛ a' taa gida yɛgɛ de nkyu mɔ, mɔ, gi' wɔra bɔyin. Nfono mɔ, ilaa kamaase i sii faa kurun.

²⁷ Mɔ-akasebo mɔ mɛ wu genen mɔ, i wɔra mɔmɔ giyan. Mɛ san ma-a taase abara yɛɛ, “Menɛ nyamesɛ ɔnan ne? Kerɛ, afuu de nkyu gbaa gi kya nu mɔ-gɛdɛ.”

Yesu Gi Kosore Ilaa Nyenyɛn Oduduu Anyen Anyɔ Ako So

²⁸ Yesu mɔ-rɛ mɔ-akasebo mɔ mɛ fara nkyu kpe gibenbɛ Gadara awura gesinkpan so. ɔ fo nno mɔ, anyen anyɔ ako mɛ lii ibuni opuleten baa gyangara mɔ. Ilaa nyenyɛn oduduu kpɛi-kpɛi i tɛ mɔmɔ so, i kya yɛgɛ mɛ kya tansi wɔra asa abono mɛ kya kyu de nno mɔ anyanyan. Imɔso asa mɛ seɛ de mɛ' kyu de ɔkpa ɔbono.

29 Anyen anyo ade me wu Yesu mo, ilaa nyenyen oduduu kpei-kpei ibono i te momo so mo i kpen ken-ken taase Yesu yee, "Wurubuaare mo-bi, aye-re fo mene ase? Fo ba de fo' baa wora aye-aworofoo pui de Wurubuaare gisobiide owi mo o' loo fo abee?"

30 Aberere abono mo, akuuri gikpen bele giko gi yele gi kya gyi sindi nfono.

31 Imoso ilaa nyenyen oduduu kpei-kpei ibono i te anyen mo so mo i kole Yesu yee, "Nengyene fo laa gya aye koso mo, yeege a' kpa kyena akuuri gikpen gide so."

32 Yesu gi lee genoo yee, "Fe' koso naa." Imoso ilaa nyenyen oduduu kpei-kpei mo i koso anyen mo so kpa kyena akuuri mo so. Ayaa abono so mo, akuuri gikpen mo pewu gi sele kpelege de ogee kpa loo obon do, ne nkyu mo gi gyi momo.

33 Anyen abono me kya kere akuuri mo so mo, me sele kpe nten do kpa toge ilaa ibono i ba momo-akuuri mo so de ilaa ibono Yesu gi wora sa anyen anyo mo pewu sa asa.

34 Osowole mo so asa me nu genen mo, momo pewu me lii baa kere Yesu. Me wu mo mo, me de mo gisere yee o' lii momo-gesinkpan so.

9

Yesu Gi Kye Otogese

1 Yesu gi dii loo gikolii mo do kii fara obon mo kpe osowole obono so o te mo.

2 Yesu bo nno mo, asa ako me sola otogese oko de gifengen kyu bara mo yee o' kye mo. Yesu gi wu yee asa ade me soo mo gyi yee Wurubuaare olon bo mo do mo, o toge sa otogese mo yee,

“Me-bi, yεge fo-gisen gi' tɔrɔ fo. Ne kyu fo-
ilaa nyenyen ibono fo wɔra Wurubuaare mɔ kyu
kyεε fo.”

³ Nfono mɔ Gyuda awura nbara anmarasebo
ako me tɔge sa mɔmɔ-nyoro yεε, “ɔnyen baare
kya tonge fεε mɔ ne n gye Wurubuaare!”

⁴ Yesu gi bii mɔmɔ-nwɔnsa dɔ. Imɔso ɔ taase
mɔmɔ yεε, “Mene n wɔra so ne fe kya sa genen
nwɔnsa nyenyen nde?”

⁵ Nan tɔge ilaa inyo sa ɔtegeεε baare. Giko ne
n gye yεε,

‘Ne kyu fo-ilaa nyenyen ibono fo wɔra Wu-
rubuaare mɔ kyεε fo.’

Ginyɔse mɔ ne n gye yεε,

‘Koso de fo' naa.’

Imɔ ide dɔ mɔ, imɔmɔ ne fe laa wu de feye-ansi?

⁶ N kya laare de fe' nye bii yεε me, anyamese
pewu mɔmɔ-daa mɔ, n bo ɔkpa gesinkpan so
de n' kyu asa ilaa nyenyen ibono me wɔra
Wurubuaare mɔ kyεε mɔmɔ.” Genen so mɔ
o kisee tɔge sa ɔtegeεε mɔ yεε, “Koso puru fo-
gifengen de fo' naa kpe gewi.”

⁷ Gesintin mɔ, ɔtegeεε mɔ gi koso, ne ɔ naa kyon
kpe mɔ-gewi.

⁸ Sakpii mɔ gi wu genen mɔ, i de ɔmɔ-geɔ ne
me yen Wurubuaare yεε o kyu genen ɔlon baare
ɔnan kyu sa nyamese.

Yesu Gi Tere Matiyo Yεε ɔ' Wɔra Mɔ-ɔkasebo

⁹ Yesu gi lii nfono ɔ kya kpe mɔ, o wu ɔnyen
ɔko te mɔ-gesun ɔwɔraten. Me kya tere mɔ yεε
Matiyu. Genen Matiyo mɔ gye daa lenpoo sɔɔbo.
Yesu gi wu mɔ genen mɔ, ɔ tɔge sa mɔ yεε, “Baa

buu me de fo' wɔra me-ɔkasebo.” Gesintin mɔ, Matiyo gi koso buu mɔ.

¹⁰ Imɔ gemara mɔ, Yesu mɔ-re mɔ-akasebo mɔ me kpe Matiyo gɛwi. Me te me kya gyi mɔ, lenpoo asɔɔbo abono Gyuda awura ase mɔ me gye asa nyenyen mɔ de ilaa nyenyen awɔrabo sense sakyɔ me baa tu mɔmɔ, ne mɔmɔ-re mɔmɔ me wɔra abaa gyi dabɔle.

¹¹ Farasii awura mɔ me wu genen mɔ, me baa taase Yesu akasebo mɔ yee, “Mene n wɔra so ne fɛye-ɔbelense kya wɔra abaa gyi de lenpoo asɔɔbo de ilaa nyenyen awɔrabo sense daa?”

¹² Yesu gi nu genen mɔ, ɔ lee genɔ sa Farasii awura mɔ yee, “Fɛe genɔɔbono ɔlɔbo tiri ɔkyebo mɔ, genen kee ne ilaa nyenyen awɔrabo me tiri me ne. I menɔ gye abono me bo alanfiya mɔ ne n tiri ɔkyebo.

¹³ Me nmarase ilaa ibono nan baa tɔge faa yela Wurubuaare agyebi ɔwɔle mɔ dɔ yee, ‘Me, Wurubuaare, n kya laare fe' su asa gitolon daa;

i menɔ gye asunbi abono fe laa lee sa me mɔ ne n' kya laare.’

Fɛ' nu genen ilaa ide, fe' kase imɔ gese, de fe' bii yee ilaa nyenyen awɔrabo ne ne ba de n' baa tɔge yee me' wɔra me-akasebo. I menɔ gye abono me nyi yee me ti me gye gesintin awura mɔ.”

Ako Me Taase Yesu Ilaa Kyu Lii Nnɔ Giɲminde So

¹⁴ Nfono mɔ Gyɔn ɔbono ɔ gyere asa Wurubuaare sagyere mɔ akasebo ako me ba Yesu ase baa taase mɔ yee, “Aye-re Farasii awura a kya

ηminde nno. Ne mene n wɔra ne fo-lɛɛ akasebo mo bere men kya ηminde nno daa?"

¹⁵ Yesu gi lɛɛ genɔ da momo gikpalɛ yɛɛ, "I men gyɛ abere adɛ ne mɛ laa wɔra genen. I dɛ daa fɛɛ genɔɔbono aye Gyuda awura a kya kpɛii ɔkyii mo. A' kyu yɛɛ me ne n gyɛ ɔkyiifo mo-kuli mo. Me-kyɛmenɛana mɛ ba me asɛ a san a kya gyi ɔkon mo, i laa sa de mɛ' boɔda? Kuaa. I laa baa fo owi ɔko mo, i laa baa puru ɔkyiifo mo kuli mo lii mo-kyɛmenɛana mo asɛ. Lii genen owi ɔbono kyu kyon mo, i laa sa de mɛ' ηminde nno kon."

Akyenabi Pobɔɔ Abono Yesu Gi Bara Mo Gikpalɛ

¹⁶ Yesu gi kii da momo gikpalɛ kyu nyiile yɛɛ mo bere ɔ bara akyenabi pobɔɔ. ɔ da gikpalɛ mo yɛɛ, "Nengyene gikuru dedaa gi tɛɛ mo, men kya kyu gikuru pobɔɔ gipanan kyu baa tii ɔtɛten mo. Fɛ wɔra genen mo, gikuru pobɔɔ mo geten i laa kyigi lɛɛ de i' wɔra ɔbo bele nye ibono i wolaa tɛɛ mo.

¹⁷ A' kii laa ansi kere genɔɔbono mɛ kya kyu nta kyu wɔra nbuɛ iwolɛ do mo de a' kere. ɔko man kyule kyu nta pobɔɔ kyu wɔra nta ɔwɔraten iwolɛ dedaa do. ɔbono ɔ wɔra genen mo, gyɛɛbi ne ɔ kya laare. Nta mo gi laa paade nta ɔwɔraten iwolɛ mo de nta mo gi' duuli fue de iwolɛ mo, mo, kee i' nyida. Mɛ kya kyu nta pobɔɔ kyu wɔra daa nta ɔwɔraten iwolɛ pobɔɔ do. Genen ne mɛ laa kere nta mo nmɔ-rɛ nmɔ-iwɔraten mo pɛwu so ne i man gyi gyɛɛbi."

Yesu Gi Kyingi Gebolonbubii Gɛko Ne ɔ Kye ɔkyii ɔko

18 Yesu san ɔ kya tɔngɛ de mɔmɔ mɔ, Gyuda awura ɔbelɛnsɛ ɔko gi baa ηmii mɔ-ayaa dɔ kolɛ mɔ yɛɛ, “Me-bi kyiisɛ gi kpɛ wu' ayaa adɛ so ne. Imɔ genen gbaa mɔ, fo kpɛ ne fo kpaa kyu fo-abaa gyan' mɔ so mɔ, ɔ laa kyingi.”

19 Yesu gi nu ɔbelɛnsɛ mɔ asɛ, ne mɔ-rɛ mɔ-akasɛbo mɔ mɛ koso buu mɔ.

20 Mɛ kya kpɛ mɔ, ɔkyii ɔko gi naa de Yesu gɛmara-gɛmara, ne ɔ kpaa yii Yesu gɛgbɛ ginɛbi. I kya da de genen ɔkyii ɔbono mɔ, imɔ-nsi gudu nnyɔ ne.

21 Pɛi ne ɔ laa yii Yesu gɛgbɛ mɔ genen mɔ, ɔ tɔgɛ sa mɔ-nyoro yɛɛ, “Me-gibaa gi taa kpɛ nyɛ yii mɔ-gɛgbɛ mɔ, n nyi ibono i laa kye me.”

22 O yii gɛgbɛ mɔ genen mɔ, Yesu gi kiseɛ kerɛ. O wu mɔ mɔ, ɔ tɔgɛ sa mɔ yɛɛ, “Me-bi, yɛgɛ fɔ-gisen gi tɔrɔ fo! Gisɔɔgyi gibono fo bo sa me mɔ ne nan kye fo.” Ayaa abono so mɔ, ɔkyii mɔ gilɔ mɔ gi ta.

23 Yesu gi kyon kpaa loo Gyuda awura ɔbelɛnsɛ mɔ geten dɔ nfono gɛbii kyiisɛ mɔ gɛ wu' mɔ. O wu genɔɔbono ilon abiibo de asa abono mɛ ba gɛli mɔ mɛ kya saawo mɛ kya wɔra ɔlanba mɔ,

24 ɔ tɔgɛ sa mɔmɔ yɛɛ, “Ɔkamaase ɔ' lii gɛrɛ! Gɛbii mɔ gɛη wu'. Gɛ dɛ daa.” Ɔ tɔgɛ yɛɛ gɛbii mɔ gɛη wu' mɔ, mɛ kyu mɔ ηmase daa.

25 Yesu gi gya mɔmɔ lii mɔ, ɔ loo obu ɔbono dɔ obuni mɔ dɛ mɔ. Ɔ kpaa keda mɔ gibaa dɔ, ne o kyingi koso yɛɛ.

26 Genɔɔbono Yesu gi kyingi gɛbii mɔ mɔ i nu gyan' de genen gɛsinkpan gɛbono so pɛwu.

Yesu Gi Kye Agyaatanbo Anyɔ Ako

27 Yesu gi lii gɛten mɔ dɔ ɔ kya kyon mɔ, agyaatanbo anyɔ ako mɛ buu mɔ gɛmara-gɛmara mɛ kya kpen mɔ yɛɛ, “Wura Deefidi ɔnaanabi, su aye so!”

28 Yesu gi loo gɛten gɛbono dɔ ɔ bo mɔ, agyaatanbo mɔ mɛ naa kpaa tu mɔ nno. Ɔ taase ɔmɔ yɛɛ, “Fɛ sɔɔ gyi yɛɛ nan taale bugi fɛye-ansi ade sa fɛye?” Mɛ kyule yɛɛ, “Ɛɛn, aye-wura.”

29 Nfono ne Yesu gi kyu mɔ-abaa gyan mɔmɔ-ansi mɔ so, ne ɔ tɔgɛ yɛɛ, “I' wɔra fɛɛ genɔɔbono fɛ sɔɔ me gyi mɔ sa fɛye.”

30 Nfono mɔ, mɔmɔ-ansi mɔ a bugi, ne Yesu gi tɔgɛ sa mɔmɔ gɛnsipɛɛɛɛ so yɛɛ, “Fɛ mɛɲ sa fe' tɔgɛ sa ɔko-rɛ ɔko yɛɛ me ne n kyɛ fɛye.”

31 Imɔ genen gbaa mɔ, mɛ lii mɔ ase mɔ, mɛ naa kpaa tɔgɛ ibono ɔ wɔra sa mɔmɔ mɔ sa asa genen gɛsinkpan gɛbono gɛten kamaase.

Yesu Gi Kyɛ Omuumuu

32 Abono nkana mɛ gyɛ agyaatanbo mɔ mɛ kya lii Yesu ase mɔ, asa ako mɛ kyu ɔnyen ɔko bara Yesu yɛɛ ɔ' kyɛ mɔ. Ɔ mɛɲ kya tɔngɛ, i kya nyiile yɛɛ ilaa nyenyɛn oduduu tɛ mɔ so.

33 Yesu gi kosore ilaa nyenyɛn oduduu mɔ lii ɔnyen mɔ so, ne ɔ taale ɔ kya tɔngɛ. Sakkpii ɔbono ɔ yeɛ nfono mɔ gi wu genen mɔ, i wɔra mɔmɔ giyan, mɛ san tɔgɛ yɛɛ, “A mɛɲ ti wu genen ilaa ide ɔnan Isirale gɛsinkpan gɛdɛ so kerɛ.”

34 Farasii gikpen mɔ dɔ awura berɛ, mɛ kya tɔgɛ daa yɛɛ, “Ilaa nyenyɛn oduduu pɛwu gɛmu mɔ ne n kya sa Yesu ɔlon. Imɔso ne ɔ kya taale gya ilaa nyenyɛn oduduu koso asa so genen.”

Yesu Gi Su Asa So

³⁵ Yesu gi naa de isowole bele-bele de iburu-buru ibono i kyaaboo genen gesinkpan gebono so mo pewu. O naa Gyuda awura akyangbon do o kya nyiile asa Wurubuaare gewuragi do akyenabi mo so ilaa. Wurubuaare okalan konkonse mo ne o de o naa genen, ne o kya kye asa alobi kpei-kpei kamaase.

³⁶ Yesu gi wu sakpii bele obono o kya kyena ba mo ase mo, momo-ilaa i wora mo ayen. I lii fee ilaa kpei-kpei i kya nyala momo, ne me men nyi genobono me laa wora de i' mlege momo mo. Me wora fee isande ibono men bo okparebo mo.

³⁷ Genen so mo, o toge sa mo-akasebo mo yee, "Asa abono i kaabore me' nu Wurubuaare okalan konkonse mo me de fee omologo ne n peere ndoo bele nko do. Akabibo mo, mo, men kyoo sa ndoo wura mo.

³⁸ Imoso fe' dalaa kole Wurubuaare obono o gye Ndo Wura mo yee mo gbaa-gbaa o' kyu abono me laa kebi omologo mo ba mo-ndoo mo do."

10

Yesu Gi Sun Mo-Isoo Gudu Anyo Mo

¹ Yesu gi tere mo-akasebo gudu anyo mo ba mo ase, ne o sa momo olon de me' taale gya ilaa nyenyen oduduu kpei-kpei koso asa so. Genen olon mo laa yee me laa taale kye asa aloto kpei-kpei kamaase kee.

² Genen asa gudu anyo abono ne n wora mo-isoo. Momo ne n gye Simon obono me kya tere mo-ginyen giko kee yee Piita mo,

de Simon mɔ-tede Andiru,
 Gyeemesi de mɔ-tede Gyɔn, Sɛbedi mɔ-biana;
 3 Filipino de Batolomiyu,
 Tomaase de Matiyu ɔbono nkana ɔ kya sɔɔ
 lenpoo mɔ,
 Gyeemesi, Alefayo mɔ-bi, de Taadiyuse,
 4 Simon ɔbono ɔŋ kya kyule mɔ-ɔsowole so mɔ,
 de Gyudase Isikaayote ɔbono gemara-gemara ɔ
 fe Yesu sa mɔ-akyobo mɔ.

5 Yesu gi keda mɔ-isɔɔ gudu anyɔ ade sun. ɔ
 laa sun mɔmɔ mɔ, ɔ ka sa mɔmɔ yee, “Feŋ sa
 fe' kpe de asa abono me men gye Gyuda awura
 mɔ gibaafon, ne feŋ sa fe' loo Samariya awura
 isowole iko so.

6 Fe' kpe daa Isirale awura wole ase. Me de fee
 isande ibono i fue mɔ.

7 Fe naa mɔ, fe' tɔge tɔge sa asa yee, ‘Wu-
 rubuaare gewuragyi dɔ akyenabi mɔ a kya laare
 a' ba asa dɔ kon.’

8 Fe' kye abono me kya lo mɔ, de fe' kyingi asa
 abono fe wu me wu' mɔ. Fe' kye ikononbu de fe'
 kosore ilaa nyenyen oduduu kpei-kpei asa so. Ne
 kyu genen ɔlon baare kyee feye; feye kee fe kye
 asa mɔ, fe' kyu kyee mɔmɔ.

9 Fe men' kyu aterenbi ne n gye aterenbi wɔra
 feye-igo ibɔ dɔ.

10 Fe men' puru ba-a atɔ ɔwɔraten abee gegbe
 giwɔra nyɔse. Fe men' puru ayaawole abee oyii
 tugese keda. Gesun ɔwɔrabo gi kaabore ɔ' nye
 me' kere mɔ so.

11 “ɔsowole kamaase ɔbono so fe laa loo mɔ, fe'
 laare ɔbono asa me kya buu mɔ mɔ de fe' kpa

loo mɔ ase. Fɛ' kyena mɔ ase kaabore fɛ laa lii genen osowole obono so.

¹² Geten gebono dɔ fɛ laa sogɛ genen mɔ, fɛ loo mɔ, fɛ' faala gɛmɔ dɔ asa.

¹³ Nengyene gisen yuuli gi kaabore mɔmɔ mɔ, gisen yuuli gi laa wɔra mɔmɔ-lɛɛ. Ne gisen yuuli gi kaabore ɔmɔ mɔ, gi laa kii ba fɛye ase.

¹⁴ Nfono fɛ loo ne nno asa mɛ kine mɛ mɛn sɔɔ fɛye abaa anyɔ abɛɛ mɛ mɛn nu fɛye ase mɔ, fɛ lii osowole mɔ so abɛɛ geten gebono dɔ mɔ, fɛ' kpiisi mɔmɔ-osowole so abɛɛ mɔmɔ-geten dɔ isɛ ibono i yii fɛye-ayaa mɔ yela mɔmɔ.

¹⁵ N kya tɔgɛ fɛye gɛsintin yɛɛ gɛkɛ gebono Wurubuaare laa biidɛ asa pɛwu giso mɔ, genen osowole obono so asa-lɛɛ gisobiidɛ gi laa nyaakɔ don Sodom de Gomora isowole so awura-lɛɛ mɔ.

¹⁶ “Fɛ' nu yɛɛ n kya sun fɛye fɛɛ nsandɛbii ne n kya kpe agbowugbowu dɔ. Imɔso fɛ' bii fɛye-nyoro akedabi. Fɛ' wɔra fɛye-nyoro faa dolon-n fɛɛ abonbuɛ.

¹⁷ Fɛ' kerɛ fɛye-nyoro so de asa abono n kya sun fɛye mɔmɔ ase mɔ. Mɔmɔ dɔ ako mɛ laa kpare fɛye kpe nbele agyibo ase de mɛ' taa fɛye awulibi mɔmɔ-akyangbon dɔ.

¹⁸ Me so mɔ, mɛ laa biidɛ fɛye ako kpe abeyin abelɛnsɛ de awura-awura ansi dɔ. Mɛ kyu fɛye kpe genen mɔ, i laa bugi ɔkpa sa fɛye de fɛ' nyɛ tɔgɛ me-ilaa sa mɔmɔ-rɛ gɛsinkpan so asa kpɛi-kpɛi.

¹⁹ Mɛ keda fɛye mɔ, fɛn sa fɛ' yɛgɛ i' wɔra fɛye gɛwɔnsa yɛɛ fafaanan ne i kaabore fɛ' kpaa tɔgɛ abɛɛ ilaa idɛ ne fɛ laa tɔgɛ nbele nbono dɔ ne. Owi mɔ gi fo mɔ, Wurubuaare laa sa fɛye ilaa

ibono i kaabore fe' tɔge mɔ.

²⁰ I kya nyiile yee in gye feye gbaa-gbaa ne nan tɔnge feye-gibaa so. Feye-se Wurubuaare Oduduu ne nan tɔnge naa de feye so.

²¹ I laa ba yee feye do ako feye-daana abee feye-tedana gbaa me laa fe feye sa asa de me' mɔɔ feye. Ɔse laa kyu genen kee wɔra mɔ-bi. Ne gebii ge laa koso yeɛ gemɔ-se de gemɔ-nyi so de ge' yee asa me' mɔɔ mɔmɔ.

²² Me so mɔ, ɔkamaase laa kyo feye. Ɔbono ɔ laa yeɛ mɔ-ayaa so ka gyan' me so kpaa lii mɔ, Wurubuaare laa mɔlege mɔ de ɔ' nye ɔkyenaten mɔ ase.

²³ Nengyene me ka feye-ansi ɔsowole ɔko so mɔ, fe' sele kpe ɔsowole banban so. N kya tɔge feye gesintin yee fe man naa aye-Isirale awura isowole mɔ pewu so gyan' pei ne me, anyamese pewu mɔmɔ-daa mɔ, nan kii ba gesinkpan so.

²⁴ “Ilaa ɔkasebo man taale don mɔ-onyiilebo, ne dega man taale don mɔ-wura.

²⁵ Nengyene fo gye ɔkasebo ne ilaa ibono asa me de me kya wɔra fo-onyiilebo mɔ me de ma-a wɔra fo kee mɔ, bii yee genen ne i kaabore i' ba ne. Nengyene fo gye dega ne me de ilaa ibono me kya wɔra fo-wura mɔ ma-a wɔra fo mɔ, bii yee genen ne i kaabore i' ba ne. Nengyene asa me tere me ɔbono n gye geten wura mɔ yee Besibuli, ilaa nyenyen pewu gemu mɔ, me-ade ne me laa yeege? Mɔmɔ-leɛ asebi a laa don me-leɛ ade gbaa.

²⁶ “Imɔso fe men sa fe' sele anyamese. Sei men bo no i nara yee i man lii gifuli, abee ilaa iko i bo asiiri do yee i man lii gewi.

27 Imoso ilaa ibono n kya tɔgɛ fɛyɛ gɛnyɛ mɔ, fɛ' tɔgɛ sa asa owi kenken, ne ilaa ibono n kya tɔgɛ fɛyɛ adɛɛdɛɛ dɔ aye-wolɛ mɔ, fɛ' liirɛ imɔ da gikpengboo.

28 Fɛɲ sa fɛ' selɛ abono mɛ laa mɔɔ nyamesɛ nyoro gibi mɔ wolɛ ne mɛ maɲ taalɛ nyida mɔ-oduduu bɔla mɔ. Fɛ' selɛ daa Wurubuaarɛ ɔbono ɔ laa taalɛ kyu fɛyɛ too wɔra ɔgya dɔ fɛyɛ-lɛwu gɛmara de i' nyida fɛyɛ-nyoro de oduduu pɛwu mɔ.

29 Abonbuɛ abono mɛ kya fɛ mɔmɔ anyɔ aterenbi gibi kolon daa mɔ gbaa, fɛyɛ-sɛ Wurubuaarɛ nyi mɔmɔ pɛwu so. Mɔmɔ dɔ ɔkolon mɛɲ kya wu' yɛɛ ɔ mɛɲ nyi mɔ so.

30 Ne fɛyɛ mɔ de-e? Wurubuaarɛ nyi dabɔlɛ fɛyɛ-gimu dɔ iman gɛgyɔnɔ gbaa.

31 Imoso fɛ mɛɲ sa fɛ' selɛ gifuu. Fɛ tiri sa Wurubuaarɛ gikyɔ don gɛnɛn abonbuɛ abono gikpadɔ gifonɛɛ-gifonɛɛ.

32 “Ɔbono ɔ yeɛ asa dɔ tɔgɛ yɛɛ me ne n gyɛ mɔ-wura mɔ, gɛnɛn ne me kee nan lɛɛ tɔgɛ mɛ-sɛ Wurubuaarɛ ɔbono ɔ bo soso mɔ ansi dɔ yɛɛ ɔ gyɛ me-sonbo.

33 Ne ɔbono, mɔ, o kine me sansana yɛɛ mɛɲ gyɛ mɔ-wura mɔ, gɛnɛn ne me kee nan kine mɔ mɛ-sɛ Wurubuaarɛ ɔbono ɔ bo soso mɔ ansi dɔ yɛɛ mɛɲ nyi mɔ.

34 “Fɛɲ sa fɛ' tɔgɛ yɛɛ nɛ ba gɛsinkpan so faa mɔ, i laa yeɛɛ asa mɛ' nyɛ gisen yuuli kyu kyena de abara. Mɛ-giba mɔ gi laa baragɛ asa abono mɛ kya nu mɛ-gɛdɛ mɔ lii abono mɛɲ kya nu mɛ-gɛdɛ mɔ dɔ.

35 Ɔnyɛn mɔ-rɛ mɔ-sɛ mɛ maɲ nu abara asɛ.

Ɔkyii mɔ-rɛ mɔ-nyi mɛ maŋ nu abara aɛ.

Ne ɔkyii mɔ-rɛ mɔ-saa kyiiɛ mɛ maŋ nu abara aɛ.

³⁶ Asa abono mɛ laa kyo fɛye gikyo mɔ mɛ laa lii daa fɛye-giyaa dɔ.

³⁷ “Fo ɔbono fo kya laare fo-sɛ abɛɛ fo-nyi ilaa don genɔɔbono fo kya laare me-ilaa mɔ, foŋ kaabore fo' wɔra me-ɔkasebo. Fo ɔbono fo kya laare fo-bi nyense abɛɛ fo-bi kyiiɛ ilaa don mɛ-lɛ mɔ, foŋ kaabore fo' wɔra me-ɔkasebo.

³⁸ Ne fo ɔbono fo maŋ kyule wu awɔɔɔfɔɔ me so de fo' kase me-gidebi, ba-a mɛ laa da fo-aŋanbi oyii so mɔɔ mɔ ne fo maŋ kyule genen mɔ, foŋ kaabore fo' wɔra me-ɔkasebo.

³⁹ Fo ɔbono fo kya kɔɔsɛ fo-nkpa fii yela fo-gibaa so mɔ, Wurubuaare aɛ gɛkyena ɔnan mɔ gɛ laa lii fo-gibaa. Ne fo ɔbono, mɔ, kyu lii me so ne fo-nkpa gi lii fo-gibaa mɔ, fo laa nyɛ Wurubuaare aɛ gɛkyena.

⁴⁰ “Isa ɔbono ɔ sɔɔ fɛye abaa anyɔ mɔ, me ne ɔ sɔɔ abaa anyɔ genen. Ne ɔbono ɔ sɔɔ me abaa anyɔ mɔ, Wurubuaare ɔbono o sun me mɔ kee ne ɔ sɔɔ genen.

⁴¹ Ɔbono o wu Wurubuaare ikalan ɔtɔgebo bii, ne genen so ne ɔ sɔɔ mɔ abaa anyɔ mɔ, ɔ laa nyɛ Wurubuaare ikalan ɔtɔgebo nteɛla Wurubuaare aɛ. Ɔbono o wu bii yɛɛ ɔko kya gyi gɛsintin sa Wurubuaare, ne genen so ne ɔ sɔɔ mɔ abaa anyɔ mɔ, ɔ laa nyɛ gɛsintin agyibo nteɛla Wurubuaare aɛ.

⁴² Ɔko gi wu nbii ndɛ dɔ gɛko bii yɛɛ me-ɔkasebo ne ɔ gyɛ, ne genen so ne ɔ sa mɔ nkylun nune mɔ, n kya tɔge fɛye gɛsintin, kaase mɔ

man wɔra imɔ too nkyu dɔ. Wurubuaare ntɛɛla gi dɛ sa mɔ.”

11

Gyon ɔbono ɔ Gyere Asa Wurubuaare Sagyere Mɔ

Gi Sun Asa Yesu Ase

¹ Yesu gi ka mɔ-akasebo gudu anyɔ mɔ ta mɔ, ɔ koso ɔ naa de isowole kpɛi-kpɛi ibono i bo genen gesinkpan gebono so mɔ ɔ kya nyiile asa ilaa ne ɔ kya tɔge Wurubuaare ɔkalan konkonse mɔ ɔ sa mɔmɔ.

² Yesu naa ɔ kya nyiile ilaa genen mɔ, Gyon ɔbono ɔ naa kyena gyere asa Wurubuaare sagyere mɔ tii de obu, ne o nu Yesu Kirisito ilaa wɔrase mɔ so. Genen so mɔ o sun mɔ-lɛɛ akasebo ako Yesu ase

³ yɛɛ mɛ' kpaa taase mɔ yɛɛ, “Fo ne n gye ɔmɔlegɛbo ɔbono a nu yɛɛ ɔ laa ba mɔ abɛɛ a' kerɛ nyamesɛ banban ɔko kpɛi ɔkpa daa?”

⁴ Gyon isɔɔ mɔ mɛ kpe kpaa taase Yesu genen mɔ, Yesu gi lɛɛ genɔ sa ɔmɔ yɛɛ, “Fɛ' kpaa tɔge ilaa kamaase ibono fɛ baa nu de fɛye-aso de ibono fɛ baa wu de fɛye-ansi n kya wɔra faa sa mɔ.

⁵ Nɛ yɛge agyaatanbo ansi a bugi,
ne ɔtegeɛana mɛ koso mɛ naa.

Nɛ yɛge ikononbu alɔto a ta,
ne isintiribu mɛ kya nu ilaa.

Nɛ kyingi abono mɛ wu' mɔ ako.

Ne nɛ tɔge Wurubuaare ɔkalan konkonse mɔ sa ayenbo.

⁶ Imoso omudensebo ne n gye obono mo-gisoo gyi gi manj koso me so mo.”

Yesu Gi Toge Gyon Ilaa Sa Sakpii Mo

⁷ Gyon akasebo mo me kya kii mo, Yesu gi yii gese o kya toge Gyon ilaa o kya sa sakpii obono o bo mo ase nfono mo. Mo-getonge mo do mo, o taase sakpii mo yee, “Owi obono fe kpe Gyon ase gipen mo do kpaa nu mo-ila togeese mo mo, mene isa onan ne fe kpaa kere daa? Fe wu mo mo, o de fee gifedaa ne afuu a kya da gim o a kya kpe a kya ba abee?”

⁸ Ne on de genen mo, nne ne o de? Fe wu o bun gikuru dense? Kuua, nkana akuru dense abunbo ne fe kya laare de fe' kpaa kere bere mo, ofaanan fe kpe daa awura-awura nwi.

⁹ Imoso fe kpe Gyon ase mo, mene nyamese onan ne fe kpaa kere daa? Wurubuaare ikalan otogebo abee? En, n kya buu mi-i sa feye yee o don Wurubuaare ikalan otogebo gbaa.

¹⁰ Gyon ne n gye Wurubuaare oso obono me nmarase mo-ila yela Wurubuaare agyebi do yee Wurubuaare laa sun mo de o' gyangbara kpaa toge sa asa yee me' lro momo-akyanabi gyoo me obono nan baa molege asa mo.

¹¹ Gesintin ne n kya toge feye faa, in ti koroge nyamese obono o don Gyon baare. Abono, mo, me laa nye Wurubuaare gewuragi do akyanabi lii nperere kyu kyon mo, momo do obono on fo sei gbaa mo, laa don Gyon.

¹² Lii abere abono Gyon gi yii gese o kya toge Wurubuaare okalan mo o kya sa asa baa lii de nde mo, asa me kya nyanga ansi ma-a nyise de

mɛ' nyɛ Wurubuaarɛ gɛwuragyi dɔ akyenabi mɔ. Gensipɛɛrɛ awura adɛ mɛ dɛ ansiolon mɛ kya nyɛ genen akyenabi abono.

¹³ Lii ko-o dedaa kyu baa lii Gyɔn abere adɛ mɔ, asa mɛ wolaa wu Wurubuaarɛ gɛwuragyi dɔ akyenabi abono so ilaa tɔgɛ yela, ne mɛ nɛmarasɛ imɔ wɔra Wurubuaarɛ nbara iwolɛ dɔ de mɔ-ikalan atɔgɛbo iwolɛ dɔ.

¹⁴ N' tɔgɛ sa fɛye abono fɛ laa kyule sɔɔ imɔ gyi mɔ yɛɛ Wurubuaarɛ ikalan ɔtɔgɛbo ɔko gi tɔgɛ yɛɛ 'Ilaagya laa kii ba'. Gyɔn ne ɔ dare genen.

¹⁵ Ɔbono ɔ bo aso mɔ, o' nu."

¹⁶ Yesu gi kii taasɛ sakpii mɔ yɛɛ, "Menɛtɔ gbaa ne nan nyɛ kyu kɛsɛrɛ de ndɛ asa adɛ ne?" Yesu gi taasɛ genen mɔ, o kii lɛɛ gɛsɛ sa sakpii mɔ yɛɛ, "Nde asa mɛ dɛ fɛɛ nbii ne n kpaa gyan' sansana gɛtɛko. Mɛ gyan' genen mɔ, mɛ kya tɔgɛ mɛ kya sa abara

¹⁷ yɛɛ,

'A lan akɔrɛ ne a bii ilon sa fɛye mɔ, fɛ kine, fɛn kyaa.

A kpen saawo bii lɛwu ilon de fɛ' saawo mɔ, fɛ kine, fɛn saawo.' "

¹⁸ Yesu gi lɛɛ gɛsɛ yɛɛ, "Gyɔn gi ba gɛsinkpan so faa mɔ, ɔ kya nɛminde gɛnɔ belɛn-belɛn ne ɔ mɛn kya nun nta. Imɔso asa mɛ kya tɔgɛ yɛɛ, 'Ilaa nyenyɛn oduduu ne n tɛ mɔ so.'

¹⁹ Me, anyamesɛ pɛwu mɔmɔ-daa mɔ, mɔ, nɛ ba gɛsinkpan so faa, n kya gyi n kya nun. Imɔso asa mɛ kya tɔgɛ yɛɛ, 'Kerɛ, ɔnyɛn baarɛ! Ogyibelɛbo de nta nunbo ne ɔ gye. Mɔ-kyɛmɛnsana ne n gye lɛnpoo asɔɔbo abono mɛ kya kudi asa gyi mɔ de ilaa nyenyɛn awɔrabo sɛnsɛ.' Fɛn nu ndɛ asa mɔ

ilaa tɔgɛɛ?” Ne Yesu gi kii tɔgɛ bɔla yɛɛ, “Ilaa ibono nyamesɛ kya kyu ɔlaako ginyi wɔra mɔ ne n kya nyiile yɛɛ mɔ-ɔlaako ginyi mɔ gi boran.”

Gisobiide Gi De Gi Gyoo Isowole Iko So Asa

²⁰ Nfono mɔ Yesu gi yii gɛɛ ɔ kya tɔgɛ isowole iko so asa ilaa yɛɛ mɛ bo ilaa nyenyɛn, yɛgɛ nkana o kyu Wurubuaare ɔlon kyu wɔra amunale ilaa gbaa'gbaa gikyɔ ne mɛ mɛn nu Wurubuaare gedɛ de mɛ' taa mɔmɔ-ilaa nyenyɛn giwɔra yɛgɛ.

²¹ ɔ tɔgɛ yɛɛ, “O, Korasin ɔsowole so asa, fɛye laako! O, Besayida ɔsowole so asa, fɛye laako! Ne kyu Wurubuaare ɔlon wɔra amunale ilaa gbaa'gbaa fɛye-isowole so ibono fɛ wu de ansi. Nengyene nkana Taya de Sidon awura ne nen nyɛ me-ilaa ibono wu genen mɔ, ɔfaanan mɛ ti wolaa taa mɔmɔ-ilaa nyenyɛn giwɔra yɛgɛ. Nkana ɔfaanan mɛ kya bɔɔda kyena mɛ kya pɛɛɛ ansi lɛɛ nyiile Wurubuaare yɛɛ mɛ nu mɔmɔ-nyoro gɛɛ.

²² N kya tɔgɛ fɛye yɛɛ gɛkaabono Wurubuaare laa biide asa nyenyɛn pɛwu giso mɔ, fɛye-lɛɛ i laa wɔra nyenyɛn don Taya de Sidon awura-lɛɛ.

²³ Ne fɛye Kapɛɛniyon awura mɔ de-e? Fɛ nyi yɛɛ Wurubuaare laa kyu fɛye kpe mɔ ase? Kuaa, ɔ laa too fɛye wɔra daa ɔbɔ dɔ nfono ɔ kya biide ilaa nyenyɛn awɔrabo giso mɔmɔ-lɛwu gɛmara mɔ. I lii fɛɛ nɛ kyu Wurubuaare ɔlon kyu wɔra amunale ilaa gbaa'gbaa fɛye-ɔsowole so ne fɛ wu de fɛye-ansi. Nengyene nkana Sodom awura ne nen nyɛ me-ilaa ibono wu genen mɔ, ɔfaanan mɔmɔ-ɔsowole san o yii baa lii de nde.

²⁴ N kya tɔgɛ mi-i sa fɛye yɛɛ gɛkaabono Wurubuaare laa biide asa nyenyen pɛwu giso mɔ, fɛye-lɛɛ i laa wɔra nyenyen don Sodom awura-lɛɛ mɔ.”

Yesu Yɛɛ Asa Mɛ' Ba Mɔ Asɛ De Mɛ' Nyɛ Nkyoola

²⁵ Owi ɔbono Yesu san ɔ kya tɔgɛ Wurubuaare ɔkalan konkɔnse mɔ so ilaa ɔ sa asa mɔ, Yesu gi faala Wurubuaare yɛɛ, “Me-sɛ, soso de gɛsinkpan pɛwu Wura, n kya faala fo yɛɛ fo kyu genen ilaa idɛ ɲara abono mɛ nyi ɔlaako mɔ de abono mɛ sɛɛ mɔ, ne fo san lɛɛ imɔ-gɛwi nyiile daa nbii de asa abono mɛ mɛɲ nyi gisɛɛ mɔ.

²⁶ Gɛsintin, me-sɛ. Imɔ ibono ne n wɔra fo ɔbole.”

²⁷ Yesu gi kii tɔgɛ yɛɛ, “Me-sɛ Wurubuaare gi kyu ilaa kamaase wɔra me-abaa dɔ. Ɔko mɛɲ bo no o nyi me, Wurubuaare mɔ-bi mɔ, genen mɔ, me-sɛ Wurubuaare wolɛ. Genen kee ne ɔko mɛɲ bo no o nyi Wurubuaare, genen mɔ, me ɔbono n gyɛ mɔ-bi mɔ; me-rɛ asa abono n' kya laare de n' lɛɛ mɔ-gɛwi nyiile ɔmɔ mɔ wolɛ ne nan nyɛ bii mɔ.

²⁸ “Fɛye abono pɛwu fɛye-gɛkyena dɔ ilaa i bo ɔlon sa fɛye, ne i wɔra fɛɛ gɛsola i kya nu fɛye mɔ, fɛ' ba me asɛ. Nan sɔɔ fɛye de fɛ' kyoola.

²⁹ Fɛ' nu me-gɛdɛ de fɛ' kasɛ me-gidebi. Fɛ wɔra genen mɔ, fɛye-asen a laa kyena fɛye gɛten kolon. I kya nyiile yɛɛ n gyɛ nyamesɛ ɔbono n kya bara me-nyoro gɛsɛ, ne n' pɔɔ lii me-gisen dɔ.

³⁰ Me asɛ gɛkyena gɛɲ bo sen, ne gɛsola gɛbono nan kyu sola fɛye mɔ gɛɲ bo duduu.”

12

Yesu Bo Ɔlon Geke Kyoolase So

¹ Genen nke nbono do imo geke kyoolase geko mo, Yesu mo-re mo-akasebo mo me kya kpe geteeko, ne me baa loo awayu ndoo nko do. Me kya kyon mo, akon a de mo-akasebo mo, ne me yii gese me kya kyade awayu mo, me kya fologe me kya we.

² Farasii gikpen mo do ako me wu momo genen mo, me toge sa Yesu yee, “Kere, fo-akasebo mo me kya kyade awayu ade faa, gesun ne me kya wora aye-geke kyoolase mo faa. Aye-nbara mo gin kya sa okpa genen.”

³ Yesu gi lee geno sa momo yee, “Fe nyi yee in de okpa genen faa mo, imoso feji ti kale Deefidi mo-re mo-nanboana ilaa Wurubuaare agyebi mo do kere? Me nmarase nno yee owi oko do mo, akon a de Deefidi mo-re mo-nanboana.

⁴ Imoso o loo Wurubuaare onson panpan mo do kpaa puru bodobodo obono asa me kyu bara Wurubuaare mo, ne o gyi ne o kyu iko kee sa mo-nanboana mo. Naafu aye-nbara mo gin kya sa okpa yee fo nyamese giyan fo' nye gyi genen bodobodo obono, genen mo, aye Gyuda awura asunbi alebo wole.

⁵ Ne feji ti kale Wurubuaare agyebi do nfono me nmarase Wurubuaare asunbi alebo gesun worase ilaa mo? Nno i kya nyiile yee Wurubuaare asunbi alebo mo me bo momo-gesun worase me kya wora Wurubuaare onson obu mo do geke kyoolase, ne Wurubuaare men kya kyu imo yee me toro geke kyoolase nbara.

⁶ N kya tɔgɛ mi-i sa fɛyɛ yɛɛ, mɛ ɔbono n yɛɛ fɛyɛ asɛ gɛrɛnaa faa nɛ don Wurubuaarɛ ɔson obu mɔ.

⁷ Wurubuaarɛ gi tɔgɛ yɛla mɔ-agyɛbi ɔwolɛ dɔ yɛɛ,

'Mɛ Wurubuaarɛ, n kya laarɛ fɛ' su asa gitolon; i mɛɲ gyɛ asunbi abono fɛ laa lɛɛ sa mɛ mɔ nɛ n' kya laarɛ.'

Fɛmɛn nu agyɛbi adɛ gɛsɛ mɔ, nkana fɛ maɲ bun mɛ-akasebo adɛ gipuɛɛ. I lii fɛɛ mɛ mɛɲ wɔra ilaa nyɛnyɛn iko.

⁸ Imɔso fɛ' nu yɛɛ mɛ, anyamesɛ pɛwu mɔmɔ-daa mɔ, n bo ɔlon dabɔlɛ gɛkɛ kyoolasɛ mɔ so."

Yesu Gi Kye Gibaa Wuse Wura Gɛkɛ Kyoolasɛ

⁹ Yesu gi lii nfono nɛ ɔ naa kpaa loo Gyuda awura gikyangbon giko dɔ.

¹⁰ ɔnyɛn ɔko bo nno, mɔ-gibaa giko gi wu'. Ne asa abono mɛ bo gɛnɛn gikyangbon gibono dɔ mɔ ako mɛ kya dii Yesu de mɛ' nyɛ kyu mɔ wɔra nbelɛ dɔ. Imɔso mɛ taasɛ mɔ yɛɛ, "Aye-nbara gi kya sa ɔkpa yɛɛ a' kye alobo gɛkɛ kyoolasɛ?"

¹¹ Yesu gi lɛɛ gɛnɔ taasɛ mɔmɔ yɛɛ, "Nɛ fɛɛ fɛyɛ ɔko bo sandɛ nɛ ɔ tɔrɔ ɔbo dɔ gɛkɛ kyoolasɛ mɔ de-e? ɔ maɲ kpaa lɛɛ mɔ lii gɛnɛn ɔbo mɔ dɔ?"

¹² Ne nyamesɛ mɔ mɛɲ tiri don sandɛ gbaa bun? Imɔso fɛ' bii yɛɛ aye-nbara gi kya sa aye ɔkpa de a' wɔra idɛnsɛ gɛkɛ kyoolasɛ."

¹³ Nfono mɔ ɔ tɔgɛ sa ɔnyɛn gibaa wuse wura mɔ yɛɛ, "Tɛngɛ fo-gibaa mɔ." Gɛsintin mɔ, ɔ tɛngɛ gimɔ, nɛ gibaa mɔ gi kii kyingi wɔra fɛɛ gidɛnsɛ mɔ.

¹⁴ Farasii gikpen mɔ dɔ awura mɛ wu genen mɔ, mɛ lii kpaa da gedɛ genɔɔbono mɛ laa nyɛ Yesu mɔɔ mɔ.

Yesu Mɛɲ Laare Mɛ' Sola Mɔ-Ginyen Yɛɛ ɔ Kya Kyɛ Alɔbo

¹⁵ Yesu gi nu yɛɛ mɛ da gedɛ mɛ kya laare mɔ-imɔɔten mɔ, ɔ lii nfono kpe gɛten pɔbɔrɔ. ɔ kya kpe mɔ, sakpii bele ɔko gi buu mɔ. ɔ kyɛ abono pɛwu mɛ kya lɔ mɔ,

¹⁶ ne ɔ ka sa mɔmɔ yɛɛ mɛɲ sa mɛ' tɔgɛ isa ɔbono ɔnan ɔ gyɛ mɔ sa asa.

¹⁷ ɔ ka sa mɔmɔ genen daa de mɔ Yesu ilaa ibono Wurubuaare gi tɔgɛ kyu naa de mɔ-ikalan ɔtɔgɛbo Isaya so mɔ i' nyɛ ba gesintin. ɔ tɔgɛ yɛɛ,

¹⁸ “Ɛɛ' kere ɔbono nɛ lɛɛ gibaa yii yɛɛ ɔ' wɔra me-gesun mɔ.

Mɔ-ilaa i bo me-gisen dɔ; ɔ tansi ɔ kya gyi me-ginsi.

Nan yɛgɛ me-Oduduu mɔ ɔ' kyena mɔ dɔ,
de ɔ' tɔgɛ sa gesinkpan so asa kpɛi-kpɛi yɛɛ
nan gyi mɔmɔ pɛwu nbele gesintin ɔkpa so.

¹⁹ ɔ maɲ lɔgedɛ de ɔko, ne ɔ maɲ puiide asa so.
Asa mɛ maɲ nu yɛɛ mɔ ne n naa ɔ kya kpen de
ikpa faa.

²⁰ Abono mɛ gyɛ afɔlebo de abono mɛɲ ti sɔɔ
Wurubuaare gyi dandan mɔ,
ɔ maɲ ɲaala mɔmɔ ne ɔ maɲ yɛgɛ i' yɔɔ
mɔmɔ-nyoro.

ɔ maɲ lɛɛ ansi yɛgɛ mɔmɔ kpaa fo gɛkaabono
ɔ laa yɛgɛ gesintin gɛ' gyi ilaa kamaase so
mɔ.

²¹ Mɔ so ne gesinkpan so asa kpɛi-kpɛi mɛ laa
kyu mɔmɔ-ansi gyan'.”

Yesu Gi Gyi Ilaa Nyenyen Pɛwu Gɛmu So

²² Imo ide gemara mo, asa ako me kyu onyen oko kyu bara Yesu. Genen onyen mo gye gyaatanbo ne o kii o gye omuumuu. I kya nyiile yee ilaa nyenyen oduduu te mo so. Yesu gi kosore genen oduduu nyenyen obono lii onyen mo so, ne o taale o kya tonge ne o kya wu ilaa.

²³ Asa abono me koola nfono mo me wu genobono Yesu gi kosore ilaa nyenyen oduduu mo lii onyen mo so mo, i de momo pɛwu geno. Me san ma-a taase abara yee, "Itɛfaa ode ne n gye Wura Deefidi onaanabi obono a kere mo-okpa mo do-o?"

²⁴ Farasii awura me nu ilaa ide mo, me lee geno yee, "Mo ode bere, ilaa nyenyen oduduu pɛwu gemu mo obono me kya tere mo-ginyen giko yee Besibuli mo ne n kya sa mo olon. Imoso ne o taale o kya gya ilaa nyenyen oduduu kpɛi-kpɛi koso asa so genen."

²⁵ Yesu, mo, gi bii momo-nwansa do, ne o tɔge sa momo akpale do yee, "Nengyene ilaa nyenyen gemu mo ne n kya yege n' kosore mo-ade mo, i laa wɔra fee wura mo-re mo-ade ne n kya ko de abara. Me kya ko genen mo, mo-gewuragyi mo ge laa nyida. Osowole kolon do asa abee geten kolon do asa me ye momo-nyoro do me kya ko mo, genen osowole obono abee geten gebono ge laa boori.

²⁶ Imoso nengyene i gye gesintin yee ilaa nyenyen pɛwu gemu mo kya kosore mo-ade ilaa nyenyen oduduu kpɛi-kpɛi mo, me ye momo-nyoro do ne. Nne so ne mo-gewuragyi ge laa de kpe?

27 “Feye yee Besibuli olon do ne n' kya kosore ilaa nyenyen oduduu asa so? Ne ibono feye-ade ako, mo, kee me kya kosore ilaa nyenyen oduduu asa so faa mo de-e? Ane olon do ne me kya kosore imo genen daa? Feye gbaa-gbaa ade mo me laa kyoolo feye yee in gye Besibuli olon do ne isa laa taale kosore ilaa nyenyen oduduu kpei-kpei.

28 Genobono i de faa mo, Wurubuaare Oduduu mo ne n' de mi-i kosore ilaa nyenyen oduduu asa so. Imoso i kya lee i kya nyiile feye yee Wurubuaare gewuragi do akyenabi a ti a bo feye do ne.”

29 Ne Yesu gi kii da gikpale sa omo yee, “Ilaa nyenyen pewu gemu mo de daa fee onyen bolonse obono o kya dii mo-getsen dandan. Nne ne fo oko fo laa wora de fo' loo genen getsen gebono do yuuri mo-atoo? Pei ne fo laa yuuri mo-atoo mo, genen mo, fo nminde mo.

30 “Fe' nu yee obono on kya buu me mo kya soo akyoolo de me ne. Obono on kya kpaa me de n' koola asa mo, o kya yaase momo ne.

31 N kya toge mi-i sa feye yee, ilaa nyenyen kpei-kpei kamaase ibono fo nyamese fo laa wora mo de asebi kamaase abono fo laa saale Wurubuaare mo, i laa sa de Wurubuaare o' kyu imo kyu kyee fo. Ibono oko laa saale Wurubuaare Oduduu mo bere, Wurubuaare man kyu imo ibono kyu kyee mo.

32 Fo obono fo toge me, anyamese pewu momoda mo, nyoro so ilaa nyenyen mo, i laa sa de Wurubuaare o' kyu kyee fo. Obono, mo, o

laa saale Wurubuaare Oduduu mo bere, Wurubuaare man kyu kyee mo gekyena gedede do ne o man kyu kyee mo gekyena poboro gebono ge laa baa ba geakaako mo do.

Nyamese Laawora Ne N Kya Nyiile Mo-Gidebi

³³ “Fe' kere nyamese ilaa worase de fe' kyu bii mo-gisen do ilaa. I de daa fee genobono oyii bo alanfiya ne mo-abi sorose kee mo a boran mo. Ne fee on bo alanfiya mo, mo-abi kee an boran. Oyii abi ne me kya kyu bii mo-alanfiya. Nyamese ilaa worase kee ne me kya kyu bii mo-gisen do ilaa.

³⁴ Fe de fee awoo abono a bo giboro mo gikpen. Feye ilaa nyenyen awura ade, ilaa dense imo ne nan lii feye-nno do? Ilaa ibono i bo nyamese gisen do mo, imo ne o kya lee toge.

³⁵ Nyamese dense bere, ilaa dense ne n bo mo-gisen do, ne ilaa dense ne nan lii mo-geno do. Ne nyamese nyenyen, mo, ilaa nyenyen ne n bo mo-gisen do, ne ilaa nyenyen kee ne nan lii mo-geno do.

³⁶ N kya toge mi-i sa feye yee geke gebono Wurubuaare laa gyi anyamese pewu nbele mo, anyantoge kamaase abono fo oko fo toge mo fo laa yele Wurubuaare ansi do lee fo-geno ilaa ibono so fo toge amo mo.

³⁷ Fo nyamese fo-geno do ilaa togeese ibono fo laa toge gesinkpan so mo ne Wurubuaare laa kyu gyi fo-nbele de o' bun fo gipuee abee o' sa fo aso.”

Asa Me Laare Ilaa Lanyiilese Lii Yesu Ase

³⁸ Nfono mo nbara anmarasebo ako de Farasii gikpen mo do asa ako me toge sa Yesu yee, “Obelense, a kya laare fo' wora ilaa ibono i laa

lɛɛ nyiile aye yɛɛ Wurubuaare ne n sa fo ɔlon ɔbono fo dɛ mɔ.”

³⁹ Yesu gi lɛɛ genɔ sa mɔmɔ yɛɛ, “Fɛye ndɛ asa adɛ! Fɛ bo ilaa nyenyɛn ne fɛɲ kya son Wurubuaare gɛsintin ɔkpa so! Genen so ne fɛ kɛ fɛ kya laare fɛ' wu ilaa lɛɛnyiilese faa. Ilaa kolon guan-n ne Wurubuaare laa wɔra sa fɛye de fɛ' wu. Genen ilaa ibono mɔ i laa wɔra daa fɛɛ ibono i ba Wurubuaare ikalan ɔtɔgebo Gyoona so mɔ.

⁴⁰ Fɛɛ genɔɔbono Gyoona gi gyi nke nsa toloowi kalaadɛ ɔken bele ɔtɔ dɔ mɔ, genen kee ne me, anyamese pɛwu mɔmɔ-daa mɔ, nan gyi nke nsa toloowi kalaadɛ gɛsinkpan ɔbɔ dɔ ne.

⁴¹ “Owi ɔbono Wurubuaare laa gyi anyamese pɛwu nbɛɛ mɔ, Ninifa awura mɛ laa koso yeɛ tɔge yɛɛ i kaabore Wurubuaare o' bun fɛye ndɛ asa gipueɛ. I lii fɛɛ Gyoona owi mɔ, Gyoona gi tɔge Wurubuaare ɔkalan sa Ninifa awura mɔ, mɛ nu mɔmɔ-nyoro gɛɛ ne mɛ kyɛɛgɛ lii mɔmɔ-ilaa nyenyɛn giwɔra dɔ. Fɛye berɛ, fɛ nyɛ me ɔbono nɛ don Gyoona mɔ n bo fɛye ase gɛrɛ ndɛ faa, ne fɛ mɛɲ sɔɔ gyi.

⁴² Gɛkaabono kee mɔ wura kyiiɛ ɔbono o gyi gɛwura Siiba gɛsinkpan so dedaa mɔ laa koso yeɛ tɔge yɛɛ i kaabore Wurubuaare o' bun fɛye ndɛ asa adɛ gipueɛ. I lii fɛɛ Wura Solomon owi mɔ, genen ɔkyii baare gi nu mɔ-ɔlaako ginyi mɔ so, ne ɔ koso lii ko-o mɔ-gewi gɛten bogetase kpaa nu Wura Solomon ɔlaako ginyi ilaa nyiilese mɔ. Fɛye berɛ, fɛ nyɛ me ɔbono nɛ don Wura Solomon mɔ, n bo fɛye ase gɛrɛ ndɛ, ne fɛ kine fɛ mɛɲ sɔɔ me gyi.

⁴³ “Nengyene ilaa nyenyen oduduu i koso isa so mɔ, i kya naa kingi, ne i kya wɔra imɔ fɛɛ i naa gɛsinkpan so nfono nkyu giŋ bo mɔ. I naa i naa i kya laare ɔkyoolaten. Nengyene iŋ nye ɔkyoolaten mɔ,

⁴⁴ i kya tɔge sa imɔ-nyoro yɛɛ, ‘Nan kii kpaa kyena isa ɔbono n wolaa n tɛ mɔ so mɔ.’ I kii kpe isa mɔ ase mɔ, i kya kpaa wu yɛɛ isa mɔ gi wɔra fɛɛ geten gebono mɛ kpa gɛmɔ lɔrɔ, gɛ wɔra ɔdan, ne ɔko mɛŋ tɛ gɛmɔ dɔ mɔ.

⁴⁵ Nfono mɔ, ilaa nyenyen oduduu mɔ i kya kpaa tere imɔ-nanboana sono ibono i bo ilaa nyenyen don imɔ-nyoro mɔ kyu baa bɔla imɔ-nyoro so de i' kii kpaa kyena isa mɔ so. Nengyene i ba genen mɔ, i kya lɔrɔ wɔra nyenyen sa isa mɔ don gigyangbarase mɔ. Genen ne i laa wɔra sa ndɛ nke ndɛ dɔ asa abono mɛ bo ilaa nyenyen mɔ ne.”

Yesu Gi Nyiile Asa Abono Onan Mɛ Gyɛ Mɔ-Subuana Mɔ

⁴⁶ Yesu san ɔ kya tongɛ de asa mɔ mɔ, mɔ-nyi de mɔ-tedɛana mɛ ba, mɛ yeɛ nɛmanɛman mɛ kya laare mɛ' wu mɔ.

⁴⁷ ɔko gi tɔge sa Yesu yɛɛ, “Kerɛ, fo-nyi de fo-tedɛana mɛ yeɛ nɛmanɛman mɛ kya laare mɛ' wu fo.”

⁴⁸ Yesu gi lɛɛ gɛnɔ taase mɔ yɛɛ, “Anɛ ne n gyɛ me-nyi? Anɛana ne n gyɛ me-tedɛana?”

⁴⁹ Nfono mɔ ɔ lɛɛ gibaa nyiile mɔ-akasɛbo mɔ ne ɔ tɔge yɛɛ, “Me-nyi de me-tedɛana ne!

⁵⁰ Isa ɔbono ɔ kya wɔra me-sɛ Wurubuaare ɔbono ɔ bo soso mɔ gɛlaare mɔ, mɔ ne n gyɛ

me-tede, mo ne n gye me-pikyii, mo ne n gye me-nyi.”

13

Dɔɔbo Ōko Gikpale

¹ Genen geke kolon gebono mo, Yesu gi lii geten mo do kyon obon bele mo gigengen. Ō fo nno mo, o kpelege kyena ne o nyiile asa ilaa.

² Sakpii bele oko gi kyaaboo mo. Genen so mo o dii loo gikolii do o te; asa mo, mo, me san me yeke gigengen so.

³ Ō tɔge momo ilaa gikyo akpale do. Ō da gikpale giko sa momo yee, “Dɔɔbo oko gi kyena. Owi oko do mo, o koso kpe ndoo kpaɛ nmade ayu.

⁴ Ō kya nmade ayu mo mo, ako a tɔro okpa do, ne nbuii me baa tɔse amɔ gyi.

⁵ Ayu mo ako, mo, a tɔro kpandan so. Amɔ abono a kpaala kɔro. I kya nyiile yee ise ibono i bo kpandan mo so mo in kyɔ,

⁶ imoso ayu mo a men nye de amɔ-ilin i' loo gese. Owi gi dii mo, a wiili ne a wu'.

⁷ Ako kee a tɔro iwe do. Abono a kɔro mo, iwe mo i koso bun wɔra amɔ, ne a wu'.

⁸ Amɔ ako, mo, a tɔro gesinkpan dense so. Amɔ bere, a kɔro, ne a sen da amu kanpe. Dɔɔbo mo gi kebi amɔ mo, o nye abono onan o kyu nmade mo, amɔ ako ikue-inun, ako ikue-isa, ne ako mo oko de saalaa.”

⁹ Yesu gi da gikpale mo ta mo, o tɔge yee, “Obono o bo aso mo, o' nu!”

¹⁰ Nfono mɔ Yesu akasebo mɔ me tu sindi mɔ ne me taase mɔ yee, “Mene n wɔra so ne fo kya tonge daa akpale dɔ fi-i sa mɔmɔ?”

¹¹ Yesu gi lee genɔ sa mɔmɔ yee, “Feye bere Wurubuaare laa lee mɔ-gewuragi dɔ akyenabi mɔ ilaa boduduuse nyiile feye. I men gye mɔmɔ asa sene ade.

¹² I lii fee obono ɔ kya nu Wurubuaare ase mɔ, ɔ laa nu de o' nu imɔ gese. Ne obono, mɔ, ɔn kya nu Wurubuaare ase mɔ, ipii ibono o nu mɔ gbaa, i laa kii lii mɔ-gimu dɔ.

¹³ Genen asa abono onan bere, me de mɔmɔ-ansi me kya kere, men kii me wu sei, me kya nu ilaa de mɔmɔ-aso, men kii ma-a nu imɔ gese. Imɔso ne n' kya tonge de mɔmɔ akpale dɔ mɔ.

¹⁴ Mɔmɔ-ilaa ide i kyena de ilaa ibono Isaya gi wolaa wu tɔge yela mɔ. ɔ tɔge yela yee, ‘Me laa kpe me kya nu ilaa, me man kii nu imɔ gese.

Me laa kpe me kya kere ilaa, me man kii wu sei.

¹⁵ I lii fee mɔmɔ-nwɔnsa dɔ in bugi de ilaa gese ginu.

Mɔmɔ-aso a tii, ne me baala mɔmɔ-ansi bun.

Ne fee i men gye genen mɔ, ofaanan me kya wu ilaa.

Me kya nu ilaa de mɔmɔ-aso, ne me kya nu ilaa gese.

Ne fee me nye me kya nu ilaa gese mɔ,

nkana me laa kii ba me ase de n' kye mɔmɔ-gilɔɔ gibono me kya lɔ mɔ.’ ”

¹⁶ Yesu gi kii tɔge sa mɔ-akasebo mɔ yee, “Feye bere, amudensebo ne n gye feye. Feye-ansi a kya wu ilaa, ne feye-aso a kya nu.

17 G̃esintin ne n' kya t̃oge f̃eye faa, Wurubuaare ikalan at̃ogebo de asense abono me gyi g̃esintin sa Wurubuaare baa kyon m̃o m̃om̃o sakỹo me tansi laare me' nye wu ilaa ibono fe kya wu faa, meñ kii nye. Me tansi laare me' nye nu ilaa ibono fe kya nu faa, meñ kii nye.

Yesu Gi Lee Doõbo Gikpale Mo Gese

18 “Fe' nu doõbo m̃o gikpale m̃o gese kon.

19 Ayu abono a t̃oro okpa do m̃o a de fee asa abono me kya nu Wurubuaare gewuragyi do akyenabi m̃o so ilaa ne meñ kya nu im̃o gese m̃o. Obonsan, nyamese nyenyen m̃o ne n kya baa soge am̃o lii m̃om̃o-asen do.

20 Ayu abono a t̃oro kpandan so m̃o a de fee asa abono me kpe nu Wurubuaare agyebi m̃o, ne me kya sõ am̃o de okon,

21 yeye meñ kya sõ am̃o w̃ora m̃om̃o-asen do m̃o. Me de daa fee nbokyu. Ogenda oko gi kpe tu m̃om̃o abee asa me kpe ka m̃om̃o-ansi kyu lii agyebi m̃o so m̃o, fe laa kere m̃o, me kya luu nyoro.

22 Ayu abono a t̃oro iwe do m̃o a de fee asa abono me kya nu Wurubuaare agyebi, ne gesinkpan gede so nsuili de aterenbi gilaare i kya gyi m̃om̃o-amu m̃o. Im̃oso meñ baa ma-a taale w̃ora agyebi m̃o so ilaa m̃om̃o-gekyena do.

23 Ayu abono a t̃oro gesinkpan dense so m̃o bere, a de fee asa abono me nu Wurubuaare agyebi m̃o, ne me nu gese w̃ora am̃o so ilaa m̃om̃o-gekyena do fee geñoobono doõbo m̃o gi nye ayu abono onan o kyu nmade m̃o, ako

gikpadɔ ikue-inun, ako ikue-isa, ne ako mɔ oko de saalaa mɔ.”

Ifɛ Gikpale

²⁴ Yesu gi kii tɔge sa mɔmɔ yee, “Genɔɔbono Wurubuaare gewuragyi dɔ akyenabi mɔ a kya ba asa dɔ mɔ i de fɛɛ gikpale gibono nan baa da faa. Dɔɔbo ɔko gi duu awayu mɔ-ndɔɔ dɔ.

²⁵ Imɔ genye asa pewu me de mɔ, mɔ-ɔkyobo gi kpaa duu ifɛ wɔra mɔ-awayu mɔ dɔ, ne ɔ naa kyon.

²⁶ Awayu mɔ de ifɛ mɔ i kɔrɔ. Owi ɔbono awayu mɔ a boori a kya mada mɔ, ne me wu yee ifɛ i saare awayu mɔ dɔ.

²⁷ Nfono mɔ dɔɔbo mɔ adega mɔ me baa taase mɔ yee, ‘ɔbelense, in gyɛ awayu ne fo duu fɔndɔɔ mɔ dɔ? Fone dɔ ne ifɛ ide ɔnan i lii?’

²⁸ Ne dɔɔbo mɔ gi lee genɔ yee, ‘ɔkyobo ɔko ne n duu ifɛ mɔ genen.’ Ne mɔ-adega mɔ me taase mɔ yee, ‘Fo kya laare a’ kpaa kyigi ifɛ mɔ de i’ san awayu mɔ wole?’

²⁹ ɔ lee genɔ yee, ‘Kuaa. Nengyene fe laa kyigi ifɛ mɔ mɔ, fe laa naa kyigi dabɔle de awayu mɔ.

³⁰ Imɔso fe’ yee awayu mɔ de ifɛ mɔ pewu i’ yeɛ dabɔle. I baa fo owi ɔbono a laa gbaa awayu mɔ mɔ, nan tɔge gesun awɔrabo mɔ yee me’ daa gikebi ifɛ mɔ nminde imɔ adiila-adiila de me’ yii imɔ ɔgya pei de me’ loɔ gbaa awayu mɔ kyu kpaa gyan’ me-gigbaran so.’ ”

Maasade Gibi De Bodobodo Gelin Akpale

³¹ Yesu gi kii da gikpale giko sa mɔmɔ yee, “Genɔɔbono Wurubuaare gewuragi dɔ akyenabi mɔ a kya yelege asa dɔ mɔ i de daa fee Maasade giponfe ilaa.

³² Maasade gibi gi kere faa ηini-ηini. Aponfe abi pewu dɔ mɔ, gimɔ ne men kiire. Dɔɔbo gi duu Maasade gibi mɔ-ndɔɔ dɔ mɔ, gi kya kɔɔ wɔra giponfe bele baa don giponfe kamaase. Gi kya wɔra oyii gbaa, ne nbuii gi kya baa luo asisaa gimɔ-ngyalenbi dɔ.”

³³ Yesu gi kii da asa mɔ gikpale giko yee, “Genɔɔbono Wurubuaare gewuragi dɔ akyenabi mɔ a kya yelege asa dɔ mɔ i de daa fee gelin gebono me kya kyu wɔra bodobodo ne ɔ kya ηan dii mɔ. Me kya kyu genen gelin gebono kyu bagade bodobodo nnyufo fee imudu isa' dɔ mɔ, ge kya yelege loo saare nnyufo mɔ pewu dɔ de bodobodo mɔ ɔ' nye dii.”

Yesu Gi Lee Akpale Mɔ Gese Sa Mɔ-Akasebo Mɔ

³⁴ Yesu gi tɔge sa sakpii mɔ genen mɔ, ɔ tɔge imɔ pewu daa akpale dɔ. ɔ men tɔge mɔmɔ ilaa iko yee ɔη da gikpale. ɔ kya tɔnge akpale dɔ genen mɔ,

³⁵ i nye kyena de ilaa ibono Wurubuaare ikalan ɔtɔgebo ɔko gi wolaa tɔge yela mɔ. ɔ tɔge yela yee,

“Nan tɔnge akpale dɔ sa mɔmɔ.

Nan tɔge mɔmɔ asiiri ilaa

ibono asa me men ti nu imɔ kere geakaako mɔ.”

³⁶ Yesu gi tɔnge ta mɔ, ɔ lee sakpii mɔ ɔkpa, ne ɔ naa kpaa loo geten dɔ. ɔ loo geten dɔ mɔ,

mɔ-akasebo mɔ mɛ ba mɔ ase baa taase mɔ yɛɛ, “Ifɛ mɔ gikpale gibono fo da mɔ gɛsɛ ne n gyɛ yɛɛ mɛnɛ?”

³⁷ Yesu gi lɛɛ gɛnɔ sa mɔmɔ yɛɛ, “Dɔɔbo ɔbono o duu awayu mɔ ne n gyɛ mɛ, anyamesɛ pɛwu mɔmɔ-daa mɔ.

³⁸ Ndɔɔ mɔ ne n gyɛ gɛsinkpan. Awayu mɔ ne n gyɛ asa abono mɛ kya nyɛ ɔkyenaten Wurubuaare gɛwuragyi dɔ mɔ, ne ifɛ mɔ, mɔ, ne n gyɛ asa abono mɛ bo ɔbonsan, nyamesɛ nyenyɛn mɔ gikpen dɔ mɔ.

³⁹ ɔkyobo ɔbono, mɔ, ɔ baa duu ifɛ mɔ ne n gyɛ gɛnen ɔbonsan, ilaa nyenyɛn pɛwu gɛmu mɔ. Awayu mɔ gigbaa owi mɔ ne n gyɛ owi ɔbono gɛsinkpan so gɛkyena gɛ laa yela ɔkara mɔ. Adegaa abono mɛ laa gbaa awayu mɔ ne n gyɛ Wurubuaare dɔ isɔɔ.

⁴⁰ Fɛɛ gɛnɔɔbono mɛ laa koola ifɛ de mɛ' dɛɛ imɔ mɔ, gɛnen kee ne mɛ laa kyu wɔra asa nyenyɛn owi ɔbono gɛsinkpan so gɛkyena gɛ laa yela ɔkara mɔ.

⁴¹ Mɛ, anyamesɛ pɛwu mɔmɔ-daa mɔ, nan sun mɛ-isɔɔ yɛɛ mɛ' kpe mɛ-adɛ abono n kya gyi gɛwura mɔmɔ so mɔ ase. Isɔɔ mɔ mɛ ba mɔ, mɛ laa baa tɔɔsɛ ilaa nyenyɛn awɔrabo pɛwu de ilaa ibono pɛwu i kya yɛgɛ mɛ-adɛ mɛ' wɔra ilaa nyenyɛn mɔ lɛɛ lii mɛ-gɛwuragyi mɔ dɔ.

⁴² Mɛ tɔɔsɛ mɔmɔ lɛɛ gɛnen mɔ, mɛ laa kyu mɔmɔ too wɔra ɔgya gin-gin dɔ. Osulon de anɛbi giwɛ ne n bo nno.

⁴³ Gɛnen owi ɔbono dɔ mɔ asa abono mɛ gyi gɛsintin sa Wurubuaare mɔ mɛ laa nɛlegi fɛɛ owi mɔmɔ-sɛ Wurubuaare gɛwuragyi gɛkyena

mɔ dɔ. Ɔbono ɔ bo aso mɔ, o' nu.”

Awuratɔ Abono A Ɗara De Gegyi Boɔgyalonɛ Akpale

⁴⁴ Yesu gi tɔge sa mɔmɔ yee, “Genɔɔbono fe laa nye Wurubuaare gewuragyi dɔ akyenabi mɔ i de fee gikpale gibono nan baa da faa. Awuratɔ gbaa' ako a ɛara ndɔɔ nko dɔ, ne ɔnyen ɔko gi kpaa beendi amɔ. I tansi wɔra mɔ ɔkon gikyɔ, ne ɔ lɔrɔ amɔ ɛara, ne ɔ kpaa fe ilaa kamaase ibono ɔ bo mɔ, ne o kii kpaa sɔɔ gesinkpan gebono dɔ awuratɔ mɔ a bo mɔ.”

⁴⁵ Yesu gi da gikpale banban kyu lii Wurubuaare gewuragyi dɔ akyenabi mɔ so yee, “Ilaa ɔfebo ɔko kya laare ngyi boɔgyalonɛ nko de ɔ' sɔɔ.

⁴⁶ O wu nko nbono gi bo kanpe ne gi tansi gi bo ɔgyalon mɔ. O wu nmɔ genen mɔ, ɔ kpaa fe ilaa kamaase ibono ɔ bo mɔ ne ɔ kpaa sɔɔ genen ngyi nbono.

Asewu Gikpale

⁴⁷⁻⁴⁸ “Wurubuaare gewuragyi dɔ gekyena mɔ ge fo mɔ, ge laa wɔra fee genɔɔbono iken akedabo me kya too asewu mɔ. Asewu mɔ a kya keda iken kpei-kpei gikyɔ de me' biide amɔ-re iken mɔ lii gyan' gigengen so. Me lee iken mɔ mɔ, me kya kyee iken nyenyen lii idense dɔ. Me kya kyu idense mɔ wɔra nkeebii dɔ, ne me kya kyu inyenyen mɔ, mɔ, kyu too fue.

⁴⁹ Fafaanan kee ne i laa wɔra owi ɔbono gesinkpan so gekyena ge laa yela ɔkara mɔ ne. Wurubuaare dɔ isɔɔ me laa baa kyee abono me

bo ilaa nyenyen mɔ lɛɛ lii abono mɛ kya gyi gɛsintin sa Wurubuaare mɔ dɔ

⁵⁰ de mɛ' kyu asa nyenyen mɔ kpaa too ɔgya gin-gin dɔ. Osulon de anɛbi giwɛ ne n bo nno."

⁵¹ Yesu gi da akpale ade sa mɔmɔ genen mɔ, ɔ taase mɔmɔ yɛɛ, "Fɛ nu ilaa ibono nɛ tɔgɛ fɛyɛ faa pɛwu gɛɛ?" Mɛ lɛɛ genɔ yɛɛ, "Ɛɛn."

⁵² Yesu gi tɔgɛ sa mɔmɔ yɛɛ, "Nbara ɔɲmarasebo kamaase nyi Wurubuaare agyɛbi dedaa ne o kii nyɛ kase Wurubuaare gɛwuragyi dɔ akyenabi ilaa bɔla mɔ, ɔ de fɛɛ gɛten wura ɔbono ɔ bo ilaa dedaa de ilaa pobɔɔ pɛwu mɔ-ilaa ɔyɛlaten mɔ. Nengyene i gyɛ ilaa dedaa ilaa mɔ, ɔ bo nno, ne i kii i gyɛ ilaa pobɔɔ ilaa kee mɔ, ɔ bo nno."

Yesu Gɛwi Awura Mɛ Mɛɲ Sɔɔ Mɔ Gyi

⁵³ Yesu gi da genen akpale ade pɛwu ta mɔ, ɔ koso lii nfono

⁵⁴ ne o kii kpe ɔsowolɛ ɔbono so mɛ bela mɔ mɔ. O nyiile asa ilaa mɔmɔ-gikyangbon dɔ. Mɔ-ilaa nyiilese mɔ i de asa mɔ genɔ, ne mɛ san mɛ kya taase abara yɛɛ, "Fonɛ ne ɔde gi kpaa nyɛ genen ɔlaako ginyi gide lii? Nnɛ ne ɔ wɔra ne ɔ nyɛ ɔlon baare ɔ kya wɔra ilaa gbaa'gbaa ibono i kya de genɔ faa?"

⁵⁵ In gyɛ kaafenta mɔ-bi mɔ ne? In gyɛ mɔ-nyi ne n gyɛ Mariya? Ne in gyɛ Gyeemesi, de Gyosefo, de Simon de Gyudase mɔmɔ-daa mɔ ne?

⁵⁶ In gyɛ aye-rɛ mɔ-pikyiana ne n tɛ gɛrɛ? Ne fonɛ dɔ ne ɔ nyɛ imɔ ide pɛwu lii daa?"

⁵⁷ Yesu mɛɲ gyɛ isafo sa mɔmɔ so mɔ, mɛ kine mɛ mɛɲ sɔɔ mɔ gyi. Ne Yesu gi tɔgɛ sa mɔmɔ yɛɛ,

“Wurubuaare ikalan otogebɔ kya gyi ginsi geten kamaase, genen mɔ, mɔ gbaa-gbaa mɔ-gewi abee mɔ-geten dɔ wole.”

⁵⁸ Asa me men sɔɔ mɔ gyi so mɔ, on kyu Wurubuaare olon wɔra amunale ilaa gbaa'gbaa nno gikyɔ.

14

¹ Genen nke nbono dɔ mɔ, Wura Herode obono ɔ kya kere Galeli gesinkpan so mɔ gi nu Yesu ilaa wɔrase so.

² O nu imɔ genen mɔ, ɔ tɔge sa mɔ-adega yee, “Gyon obono ɔ naa kyena gyere asa Wurubuaare sagyere mɔ ne. O kyingi lii ibuni dɔ daa so ne ɔ nye Wurubuaare olon ɔ kya wɔra ilaa gbaa'gbaa genen faa.”

Genɔobono I Ba Ne Gyon Gi Nye Lewu Mɔ

³⁻⁴ Genɔobono i ba ne Gyon gi nye lewu mɔ ne n gyee yee Wura Herode mɔ-tede Filipo gi dena okyii oko, me kya tere mɔ yee Herodiyase, ne wura mɔ gi sɔge okyii mɔ kyu dena. Gyon gi nu genen mɔ, ɔ tɔge sa Wura Herode yee ibono ɔ sɔge mɔ-tede mɔ-ka dena mɔ, in boran, in de okpa genen. ɔ tɔge mɔ genen mɔ, wura mɔ gi yee me kpaa keda mɔ, ne me nminde mɔ kyu kpaa tii de obu.

⁵ Nkana wura mɔ gi laare ɔ' yee me' mɔɔ mɔ. O kii ɔ sele sakkpii mɔ. I kya nyiile yee sakkpii mɔ kya buu Gyon yee ɔ gyee Wurubuaare ikalan otogebɔ.

⁶ Geke gede mɔ Wura Herode kya gyi mɔ-geke korogese gesi. Mɔ-re mɔ-nanboana me te me kya gyi geke bele mɔ mɔ, Herodiyase mɔ-bi obolonbu

oko gi lii kyaa tala asa mɔ ansi. Mɔ-gɛkyaa mɔ gɛ wɔra Wura Herode obole gikyo.

⁷ Imɔso ɔ ka sa obolonbu mɔ yɛɛ, “Ilaa ka-maase ibono fo kya laare mɔ, tɔgɛ me, nan kyu sa fo. Nengyene fo taase me ne men nye sa fo mɔ, ne tɔrɔ ntan.”

⁸ Obolonbu mɔ gi lii kpaa taase mɔ-nyi, ne mɔ-nyi gi tɔgɛ mɔ ilaa ibono i kaabore ɔ' taase mɔ. Imɔso obolonbu mɔ gi kii baa tɔgɛ wura mɔ yɛɛ, “N kya laare Gyɔn obono ɔ gyere asa Wurubuaare sagyere mɔ gimu tangalan dɔ fɛye-ansi dɔ gɛɛ.”

⁹ Obolonbu mɔ gi taase genen mɔ, Wura Herode gisen dɔ i nyida mɔ. ɔ ti ka ntan abelense mɔ ansi dɔ so mɔ, ɔ kyule ne ɔ tɔgɛ mɔ-adega mɔ yɛɛ mɛ' wɔra ilaa ibono obolonbu mɔ kya laare mɔ sa mɔ.

¹⁰ Imɔso o sun ne mɛ kpaa ten Gyɔn gimu nfono o tii de obu mɔ,

¹¹ ne mɛ kyu gimɔ taga tangalan dɔ kyu bara obolonbu mɔ, ne obolonbu mɔ gi kyu kperɛ mɔ-nyi.

¹² Gyɔn akasebo mɔ mɛ nu genen mɔ, mɛ kpaa kyu mɔ-gibuni mɔ kyu kpaa pule, ne mɛ kpaa buu sa Yesu.

Yesu Gi Sa Sakpii Belɛ Agyudɔ Ne Mɛ Gyi Kaabo

¹³ Yesu gi nu Gyɔn lewu mɔ so mɔ, ɔ dii loo gikolii dɔ ne ɔ lii nfono ɔ bo mɔ de o' kpe nfono asa men tɛ mɔ. Asa sakyɔ mɛ nu yɛɛ Yesu gi koso nfono mɔ, mɛ naa de ayaa lii mɔmɔ-isowole so de mɛ' kpaa tu mɔ.

14 Yesu gi fo nfono ɔ kya kpe mɔ, ɔ baa lii gikolii mɔ dɔ mɔ, o wu sakpii bele ti ɔ yeɛ. O wu mɔmɔ genen mɔ, mɔmɔ-ilaa i wɔra mɔ ayen, ne ɔ kyɛ-kyɛ abono mɛ kya lɔ mɔ.

15 I wɔra gɛdɔɔde mɔ, mɔ-akasebo mɔ mɛ kpaa tɔge sa mɔ yeɛ, “Nfono a bo faa, i gye daa ife nsana, ne owi gi ta. Imɔso lɛɛ sakpii mɔ ɔkpa de mɛ' naa kpe isowole ibono i sindi gere mɔ de mɛ' kpaa nye agyudɔ sɔɔ gyi.”

16 Yesu gi kisee tɔge sa mɔmɔ yeɛ, “In tiri yeɛ mɛ' kpe geteɛko. Feyɛ gbaa-gbaa fe' sa mɔmɔ ilaa iko de mɛ' gyi.”

17 Mɛ lɛɛ genɔ yeɛ, “Aye ase gere a bo daa ibodobodo inun de iken inyɔ.”

18 Yesu gi tɔge mɔmɔ yeɛ, “Fe' kyu imɔ bara me gere.”

19 Mɛ kyu kperɛ mɔ, ne Yesu gi tɔge sa sakpii mɔ yeɛ mɛ' kpelege kyena ife bonboli mɔ so. Mɛ kyena mɔ, o puru ibodobodo inun de iken inyɔ mɔ ne ɔ diire mɔ-ansi kerɛ soso, o kyu afaala sa Wurubuaare, ne ɔ gbaa gbaa ibodobodo mɔ dɔ kyu sa mɔ-akasebo mɔ, ne mɔmɔ, mɔ, mɛ ye sa sakpii mɔ.

20 ɔkamaase gi gyi kaabo, ne i kii san. Mɔ-akasebo mɔ mɛ koola agyisan mɔ mɔ, a bɔla nkeebii gudu nnyɔ.

21 Anyen abono mɛ saare asa abono mɛ gyi agyudɔ mɔ gɛgyɔnɔ ge laa wɔra fee anyen nwe ikue-inyɔ de saalaa. Akyii de nbii-lɛɛ gɛgyɔnɔ gen too.

Yesu Gi Naa Nkyu So, I Men Muiine Mɔ Loo

22 Imo gemara mo, Yesu gi yegε mo-akasebo mo me dii loo gikolii do de me' gyangbara mo fara kpe gibenbe giko mo so de mo mo o' lee sakpii mo okpa de o' baa tu momo.

23 Yesu gi lee momo-okpa ta ne i san mo-wole mo, o dii kpe gibii giko so o' kpa dalaa. O sii nno mo-wole genen kaabore i bun.

24 Genen owi obono mo mo-akasebo mo me ti pale gikolii mo kyon geta. Afuu a kya da nkyu mo so, ne i yegε gikolii mo gi kya kyengben. Afuu mo a kya da a kya ba de momo ase so.

25 I baa fo gibaadiike mo, Yesu naa nkyu mo so o kya kpe de mo-akasebo mo ase.

26 Me wu mo o naa nkyu mo so o kya ba mo, i nmaa momo-gisen, me kya kpen yee, "Obuni ne!" Ne i wora momo gifuu, me san ma-a saawo.

27 Ayaa abono so mo, Yesu gi toge sa omo yee, "Fe' keda nyoro! Me Yesu ne. Feη sa fe' sele gifuu."

28 Yesu gi toge sa omo genen mo, Piita gi toge sa mo yee, "Me-wura, nengyene i gye fo mo, toge me kee de n' naa nkyu mo so baa tu fo."

29 Yesu gi lee gen o yee, "Naa ba." Nfono mo Piita gi lii gikolii mo do o naa nkyu mo so o kya kpe Yesu ase.

30 O wu ibono afuu mo a kya da de olon mo, i wora mo gifuu. Genen so mo, o yii gese o kya muiine o kya loo nkyu mo do. O kya loo mo, o saawo yee, "Me-wura, molege me!"

31 Ayaa abono so mo, Yesu gi tenge mo-gibaa keda mo, ne o taase mo yee, "Kere, gisoo gyi gibono fo bo sa me mo pewu ne? I wone ne fo soo fo-nyoro akyool?"

³² Yesu mɔ-rɛ Piita mɛ baa dii loo gikolii mɔ dɔ mɔ, nfono mɔ, afuu mɔ a taa gida yɛgɛ.

³³ Mɔ-akasebo abono mɛ bo gikolii mɔ dɔ mɔ mɛ nmii mɔ kyu buubuu sa mɔ ne mɛ kya tɔgɛ yɛɛ, “Gesintin, fo gye Wurubuaare mɔ-bi!”

Yesu Gi Kye Alɔbo Genesarete

³⁴ Mɛ fara ɔbon bele mɔ genen mɔ, mɛ lii gikolii mɔ dɔ dii gyan' Genesarete gesinkpan so.

³⁵ Genesarete awura mɛ wu Yesu bii mɔ, mɛ yɛgɛ i nu gyan' genen gesinkpan gebono so pɛwu yɛɛ Yesu gi loo mɔmɔ ase. Mɛ nu genen mɔ, mɛ kyu mɔmɔ-asa abono mɛ kya lɔ mɔ pɛwu bara mɔ.

³⁶ Mɛ kole mɔ yɛɛ ɔ' yɛgɛ mɛ' yii ba-a mɔ-gegbe ginɛbi. Ne gesintin mɔ, ɔkamaase ɔbono ɔ nye ne o yii mɔ-gegbe mɔ, mɔ-alɔtɔ a kya ta.

15

Ako Mɛ Kya Penɛ Asa Yɛɛ Mɔmɔ-Nbara Gi Gye Wurubuaare-Lɛɛ

¹ Imɔ idɛ gemara mɔ, Farasii gikpen mɔ dɔ asa ako de Gyuda awura nbara anmarasebo ako mɛ lii Gyerusalem ba Yesu ase baa taase mɔ yɛɛ,

² “I wonɛ so ne fo-akasebo mɔ mɛ kya kere ansi taa aye-itiibilaa mɔ giwɔra yɛgɛ daa? Imɔ ne n gye yɛɛ mɛ laa gyi mɔ, mɛn kya foro mɔmɔ-abaa aye-itiibilaa aforobi de sei ɔn' sa ɔ' kyɔlesɛ mɔmɔ-Wurubuaare ɔson.”

³ Yesu gi lɛɛ genɔ sa ɔmɔ yɛɛ, “Ne fɛye mɔ de-e? I wonɛ so ne fɛye-itiibilaa so mɔ, fɛ kya kere ansi taa Wurubuaare nbara mɔ yɛgɛ daa?”

⁴ Wurubuaare gi yela nbara yee, 'Buu fo-se de fo-nyi.' Nko kee ne n gye yee, 'Fo obono fo toge nno wora fo-nyi abee fo-se mo, me' moo fo.'

⁵ Feye Farasii awura de nbara anmarasebo mo bere, fe kya nyiile daa yee oko laa taale toge sa mo-nyi abee mo-se yee, 'Ilaa ibono n bo ne nkana nan kyu kpaafeye mo, nan loro imo yela sa Wurubuaare.' Nengyene o nye toge genen mo, feye yee in baa i tiri yee o baa buu mo-se de mo-nyi de o' kpaamomo.

⁶ Feye-anyamese itiibilaa ide so mo, fe kya nyaa Wurubuaare nbara mo yela nkan.

⁷ Fe bo gikereansi! Wurubuaare okalan obono Isaya gi nu toge mo i kyena de feye-ilaaworase ide gesintin so.

⁸ "Isaya gi nu Wurubuaare gi toge yee, 'Ansi so ne me-asa ade me kya lee me-ginyen; Momo-nwansa do bere, me-re omo an bo gesu.

⁹ Me kya son me daa ansi so giyan. I kya nyiile yee anyamese-lee nbara ne me de me kya penes me kya nyiile asa yee i gye me Wurubuaare-lee.' "

Nyamese Nwansa Ne N Kya Kyolese Mo-Wurubuaare Oson

¹⁰ Nfono ne Yesu gi tere sakpii obono o bo nfono mo ba mo ase, ne o toge sa momo yee, "Fe' yela giso de fe' nu gese yee,

¹¹ i men gye ilaa ibono i kya loo nyamese geno do mo ne n kya kyolese mo-Wurubuaare oson. Ilaa ibono i kya lii nyamese geno do mo ne n kya kyolese mo-Wurubuaare oson."

¹² Nfono mɔ Yesu akasebo mɔ me tu sindi mɔ ne me taase mɔ yee, “Fo bii yee ilaa ibono fo tɔge mɔ i loo Farasii awura mɔ?”

¹³ Yesu gi lee genɔ yee, “Farasii awura ilaa nyiilese mɔ i de fee iyii ibono i men gyɛ me-se ɔbono ɔ bo soso mɔ ne n duu imɔ mɔ. ɔ laa kyigi imɔ pewu fue daa.

¹⁴ Genen so mɔ, fe' taa ɔmɔ yee! Me gyɛ daa agyaatanbo abono me de mɔmɔ-nanboana agyaatanbo de iyii! Nengyene gyaatanbo laa keda mɔ-nanbo genen mɔ, mɔmɔ anyɔ me laa wolaa tɔrɔ ɔbɔ dɔ.”

¹⁵ Nfono ne Piita yee, “Lee ilaa ibono fo tɔge sa sakpii mɔ gese sa aye.”

¹⁶ Yesu gi lee genɔ taase mɔ-akasebo mɔ yee, “Imɔso feye kee feye-nwɔnsa dɔ in ti bugi de fe' nu ilaa gese?”

¹⁷ Fe men nyi yee ilaa ibono i kya loo nyamese genɔ dɔ mɔ i kya kyon kpe mɔ-ɔtɔ dɔ de ɔ' kɔɔ fue?

¹⁸ Ilaa ibono i kya lii fo-genɔ dɔ mɔ i kya lii daa fo-geɔnsa dɔ. Imɔ ibono ne n kya kyɔlese nyamese Wurubuaare ɔson.

¹⁹ I kya nyiile yee nyamese kya sa geɔnsa pei ne ɔ kya wɔra ilaa nyenyen fee ɔ kya mɔɔ isa, ɔ kya lii mɔ-ka abee mɔ-kuli gemara, ɔ kya laare ogyibara, ɔ kya yuuri, ɔ kya ten ɔko genɔ nbele dɔ, abee ɔ kya nyida asa.

²⁰ Genen ilaa idɛana ne n kya kyɔlese nyamese Wurubuaare ɔson. Nyamese gi gyi ne ɔn foro mɔ-abaa aye-itiibilaa aforobi mɔ, imɔ ibono i man taale kyɔlese mɔ-Wurubuaare ɔson.”

Isafokyii Gi Sɔɔ Yesu Gyi

21 Yesu gi lii nno, ne ɔ kyon kpe gesinkpan geƙo so, ge sindi Taya de Sidon isowole.

22 Ɔkyii ɔko te nno, ɔ gye daa Keenakyii. O nu Yesu so. Imɔso ɔ naa ɔ kya kpe mɔ ase mɔ, ɔ kya kpen ɔ kya kole mɔ yee, “Me-wura, Deefidi ɔnaanabi, su me so! Ilaa nyenyen oduduu te me-bi kyiise so, i kya nyala mɔ gikyo!”

23 Ɔkyii mɔ gi kole Yesu genen mɔ, Yesu men toge mɔ sei-sei. Nfono mɔ, mɔ-akasebo mɔ me tu ba mɔ ase baa toge mɔ yee, “Gya ɔkyii mɔ. O buu aye ɔ kya wɔra ɔlanba.”

24 Ne Yesu gi lee genɔ toge yee, “Wurubuaare gi sun me yee n' baa kpaa daa aye Isirale awura abono me de fee isande ibono i fue mɔ.”

25 Ɔ toge genen mɔ, ɔkyii mɔ gi dabole kpaa nmii Yesu ayaa dɔ kole mɔ yee, “Me-wura, kpaa me!”

26 Yesu gi toge sa mɔ yee, “In kaabore fee ɔko o' kyu nbii agyudɔ abono me laa gyi mɔ kyu too sa igyoono.”

27 Ne ɔkyii mɔ gi toge yee, “Me-wura, i gye gesintin bere. Imɔ, mɔ, igyoono gbaa kee me kya nye toose ibono mɔmɔ-wuraana me kya gyi ne i kya lii tɔrɔ lepe gikɔdɔ mɔ gyi.”

28 Nfono ne Yesu gi toge sa ɔkyii mɔ yee, “Ɔkyii, gisɔgyi gibono fo bo sa me mɔ gi tansi gi nyaakyo! Ibono fo kole me mɔ, i' wɔra sa fo.” Genen owi ɔbono dɔ mɔ, mɔ-bi mɔ gi nye mɔ-nyoro lii ilaa nyenyen oduduu mɔ abaa dɔ.

*Yesu Gi Kye Asa Alɔɔ Ne Ɔ Sa Asa Sakyo
Agyudɔ*

²⁹ Yesu gi lii nno kpaa naa Galeli obon bele mo gigengen so. O dii gyan' gibii giko so, ne o kpelege kyena.

³⁰ O kpelege kyena mo, sakpii bele oko gi ba mo ase. Me kyu alobo sakyɔ bara mo yee o' kye, fee itegeseana, agyaatanbo, isintiribu, asa abono me lii adin, de abono me kya lo alobi kpei-kpei mo. Me kyu momo baa yela Yesu ayaa do, ne o kye momo.

³¹ Sakpii mo gi wu ibono agyaatanbo me kya wu ilaa, otegeseana me koso me kya naa, abono me lii adin mo me kii nye momo-nyoro, ne imuumuu me kya tonge genen mo, i de momo-geno gikyɔ, ne me yen Wurubuaare yee Wurubuaare obono momo Isirale awura me kya son mo ne n sa Yesu olon ne o kya kpaa asa genen.

³² Imo ide gemara mo, Yesu gi tere mo-akasebo mo ba mo ase ne o toge sa omo yee, "Asa ade ilaa i bo me ayen. Nde nke nsa ne me bo me ase faa, men baa me bo sei de me' gyi. Men kya laare n' toge momo yee me' naa kpe momo-nwi yege me men nye sei gyi. Ne wɔra genen mo, me laa tɔro agbale okpa do."

³³ Mo-akasebo mo me taase mo yee, "Fone do ne a laa nye agyudo sa genyamesebi gede de me' gyi kaabo ife nsana gere?"

³⁴ Yesu gi taase momo yee, "Ibodobodo ifone ne fe bo?" Me lee geno sa mo yee, "A bo ibodobodo sono de nkenbii kalese nko."

³⁵ Nfono ne Yesu gi toge sa asa abono pewu me buu omo mo yee me' kpelege kyena. Me kpelege kyena gesinkpan mo,

³⁶ ọ puru ibodobodo sono mọ de iken mọ, ọ kyu afaala kyu sa Wurubuaare, ne ọ gbaa gbaa imọ dọ kyu sa mọ-akasebo mọ yee me' ye sa sakpii mọ de me' gyi. Ne me sọọ ye sa mọmọ.

³⁷ Me ye genen mọ, ọkamaase gi nye gyi kaabo, ne i fo mọmọ kii san. Yesu akasebo mọ me koola agyisan mọ mọ, i bọla nkeebii sono.

³⁸ Anyen abono me gyi genen agyudọ abono mọ gęgyonọ ge gye nwe ikue-inyo. Akyii de nbii-lee gęgyonọ gen to.

³⁹ Asa mọ me gyi ta mọ, Yesu gi lee mọmọ-ọkpa, ne ọ dii loo gikolii dọ kyon kpe Magadan gesinkpan so.

16

Asa Ako Me Kole Yesu Yee

Ọ' Wọra Ilaa Lęnyiilese Lii Wurubuaare Dọ

¹ Farasii de Saadusii akpen mọ dọ asa ako me ba Yesu ase me' baa kole mọ yee ọ' wọra ilaa lęnyiilese lii Wurubuaare dọ sa mọmọ de me' nye bii yee Wurubuaare ne n sa mọ ọlon ọbono ọ de mọ. Me kya kole mọ genen mọ, me kya daase mọ me kya kere daa.

² Yesu gi lee genọ sa mọmọ yee, "Owi kya kpe ọ' kpaa tọtọ ne ọ pęere kọ-ọ mọ, fe kya wu bii tọge yee, 'Ọke owi laa lii.'

³ Genen kee ne gęde ge ke ne fe wu nyangbon gi sin kiti-kiti-kiti mọ, fe kya bii tọge yee, 'Nde nyangbon laa da.' Fe kya wu Wurubuaare awole bii tọge yee ide ne nan wọra, ne gesintin i kya ba genen. I wonę ne feη kii fa-a bii kere nke nde dọ

lɛɛ ilaa dɔ de fɛ' bii ilaa ibono Wurubuaare kya lɛɛ ɔ kya nyiile fɛye mɔ?

⁴ Fɛye ndɛ asa adɛ! Fɛ bo ilaa nyenyɛn ne fɛɲ kya son Wurubuaare gesintin ɔkpa so! Genen so ne fɛ kpe fɛ kya laare fɛ' wu ilaa lɛenyiilese faa. Ilaa kolon guan-n ne Wurubuaare laa wɔra sa fɛye de fɛ' wu. Genen ilaa ibono mɔ i laa wɔra daa fɛɛ ibono i ba Gyoona so mɔ.” Yesu gi tɔge genen mɔ, ɔ naa kyon taa mɔmɔ yɛɛ.

Bodobodo Gelin Gikpale

⁵ Yesu mɔ-rɛ mɔ-akasebo mɔ mɛ kyon kpe gibenbɛ giko mɔ so mɔ, mɔ-akasebo mɔ mɛ nyingi yɛɛ mɛ tan bodobodo so.

⁶ Yesu gi tɔge sa ɔmɔ yɛɛ, “Fɛ' kerɛ fɛye-nyoro so dɔɔdan. Farasii awura de Saadusii awura ilaa i dɛ fɛɛ gelin gɛbono gɛ kya yɛɛ bodobodo kya ɲan mɔ.”

⁷ Yesu gi tɔge sa mɔmɔ genen mɔ, mɛ kyu mɛ kya taase abara yɛɛ, “Ibono a mɛɲ dɛ bodobodo mɔ so ne ɔ tɔge aye genen faa abɛɛ?”

⁸ Mɛ kya taase abara genen mɔ, Yesu gi ti bii ilaa ibono mɛ dare mɔ. Imɔso ɔ taase mɔmɔ yɛɛ, “Menɛ n wɔra ne fɛ kya tɔge kyu lii bodobodo ɔbono fɛ mɛɲ dɛ mɔ so? Gisɔɔgyi gibono fɛ bo sa me mɔ pɛwu ne?”

⁹ Fɛɲ ti bii isa ɔbono n gye mɔ? Fɛ tan ibodobodo inun ibono nɛ gbaa-gbaa imɔ dɔ sa asa nwe ikue-inyɔ de saalaa ne mɛ gyi kpon mɔ so? Agyisan nkeebii nfone ne fɛ koola mɔ?

¹⁰ Ne fɛ tan ibodobodo sono ibono nɛ gbaa-gbaa imɔ dɔ sa asa nwe ikue-inyɔ ne mɛ gyi kpon mɔ so? Agyisan nkeebii nfone ne fɛ koola mɔ?

11 Nkana i kaabore fe wolaa nu gese yee in gye bodobodo ilaa ne n' dare. N kya nyiile feye daa yee fe' kere feye-nyoro so kyu lii Farasii de Saadusii awura mo so. Momo-ilaa i de fee gelin gebono ge kya yee bodobodo kya nan mo."

12 Nfono mo, mo-akasebo mo me nu gese kon yee in gye bodobodo ilaa ne o dare. O dare daa Farasii awura de Saadusii awura mo ilaa nyiilese ibono i kya yelege i kya nyida ilaa mo.

Piita Gi Lee Toge Isa Obono Onan Yesu Gye Mo

13 Yesu mo-re mo-akasebo mo me kya laare me' sindi Sesariya-Filipayi osowole mo, o taase momo yee, "Asa ase mo, mene nyamese onan ne me, anyamese pewu momo-daa mo, n gye daa?"

14 Ne me lee gen o yee, "Ako me kya toge yee fo gye Oloobu Gyon obono o naa kyena gyere asa Wurubuaare sagyere mo. Ako mo yee kuua. Fo ne n gye Oloobu Ilaagya. Ne ako, mo, yee Wurubuaare ikalan atogebo iloobu mo do oko fee Gyemaya abee obanban oko ne n kyingi lii ibuni do ba genen."

15 Nfono ne Yesu gi kii taase mo-akasebo mo yee, "Ne feye mo de-e? Mene nyamese onan ne fe nyi yee n' gye?"

16 Simon Piita gi lee gen o yee, "Fo ne n gye obono Wurubuaare gi sun yee fo' baa molege mo-ade de me' nye Wurubuaare ase gekyena mo. Mo obono o bo nno gekpaa-gekpa mo mo-bi ne n gye fo."

17 Nfono ne Yesu gi toge sa mo yee, "Fo Simon, Gyoon mo-bi, fo gye omudensebo! I men gye nyamese ne n lee ilaa ide nyiile fo. Me-se

Wurubuaare obono o bo soso mo ne n lee nyiile fo genen.

¹⁸ N' buu sa fo yee nan tere fo yee Piita. (Piita gese ne n gye yee gifole.) Fee genobono gifole gi laa taale yee obu o' wora olon mo, genen kee ne nengyene ne koola me-asonbo gikpen mo mo, genen gifole gide ne nan wora momo-gekpara. Ba-a lewu gbaa man taale tii me-asonbo gikpen mo.

¹⁹ Nan yee fo' kere Wurubuaare gewuragyi do akyenabi mo gebunono mo so; ilaa ibono fo man sa okpa gesinkpan so mo, Wurubuaare obono o bo soso mo kee man sa okpa, ne ibono fo sa okpa gesinkpan so mo, Wurubuaare obono o bo soso mo kee gi sa okpa."

²⁰ Nfono ne Yesu gi ka sa mo-akasebo mo yee men sa me' toge sa oko-re oko yee mo ne n gye obono Wurubuaare gi sun yee o' baa molege moadede me' nye mo ase gekyena mo.

Yesu Gi Toge Mo-Giwukyingi Mo So Ilaa

²¹ Lii nfono mo Yesu gi yii gese o kya toge o kya sa mo-akasebo mo yee i gye ilaa ibono i laa ba yee o laa kpe Gyusalem de o' kpa wu olaawuse kpei-kpei gikyo Gyuda awura asunbi alebo abelense de nbara anmarasebo mo de momo-abelense sense mo abaa do. Asa me laa mo mo. Me mo mo mo, imo geke sase mo, o laa kyingi lii ibuni do.

²² Nfono mo Piita gi kyu Yesu lii nkan ne o yii gese o kya gya mo yee on baa toge genen. O toge mo yee, "Me-wura, Wurubuaare o' kpare fue! I men sa i' ba fo so geakaako!"

23 Yesu gi kisee tɔge sa Piita yee, “Naa me ase, ilaa nyenyen gemu! Fo kya laare fo' nyida me- ilaa sa me. Fo-gewansa gen gyan' Wurubuaare gelaare so. Anyamese-lee gelaare so ne fo-gewansa ge gyan'.”

24 Ne Yesu gi kisee tɔge sa mɔ-akasebo mɔ yee, “Ɔbono ɔ kya laare de ɔ' wɔra me-ɔkasebo mɔ, kaase o' kyu mɔ-nyoro fue me so de o' kyule sɔɔ awɔrɔfɔɔ abono a laa tu mɔ me so mɔ abaa anyɔ, ba-a me laa da mɔ ananbi oyii so mɔɔ me so mɔ, me' da mɔ.

25 I kya nyiile yee fo ɔbono fo kya korɔse fonkpa fo kya yela fo-gibaa so mɔ, Wurubuaare ase gekyena ɔnan ge laa lii fo-gibaa. Ne fo ɔbono mɔ, kyu lii me so ne fonkpa gi lii fo-gibaa mɔ, fo laa nye Wurubuaare ase gekyena.

26 Fo nyamese fo nye gesinkpan gedɛ so ilaa kamaase pewu, ne fo too fo-ɔkyenaten Wurubuaare ase mɔ fue mɔ, fo nyi yee fo nye gekyena ne? Mene ne fo laa kyu sa Wurubuaare de fo' kii nye ɔkyenaten mɔ ase?

27 Fe' bii yee me, anyamese pewu mɔmɔ-daa mɔ, nan kii ba gesinkpan so mɔ, me-re Wurubuaare dɔ isɔɔ ne nan ba. Me-se Wurubuaare nyisigyi ne nan kyu ba. Ne kii ba mɔ, nan kyu nyamese kamaase gekyena dɔ ilaa wɔrase kyu tɛɛla mɔ.

28 Gesintin ne n' kya tɔge fɛye faa, fɛye abono fe yele gerɛnaa faa fe maŋ wu' ta pei de fe' lɔɔ wu yee me, anyamese pewu mɔmɔ-daa mɔ, n de me-gewuragyi n kya kpelege mii ba gesinkpan so.”

17

Wurubuaare Gi Lee Yesu Nyisigyi Nyiile Mo-Akasebo Asa' Ako

¹ Imo nke nsee gemara mo, Yesu gi kyu Piita de Gyeemesi de Gyon, Gyeemesi mo-tede, ne me dii kpe gibii bele giko so momo wole.

² Me bo nno genen mo, Yesu nyoro gi kyeege kii lora wora odan too, ne mo-ansi do i kya nelegi fee owi. Mo-ngbe nbono o suu mo gi fuuli gi kya nelegi faa neta-neta.

³ Me baa kii kere mo, iloobu inyo iko ne: Mosisi mo-re Ilaagya. Me ba Yesu ase, momo-re mo me yele me kya gyi nsingyi.

⁴ Me yele genen mo, Piita gi toge sa Yesu yee, "Me-wura, i wora odan yee a bo gerena. Nengyene fo kya laare mo, nan yii ipanpan isa' sa feye: fo-lee oko, Mosisi-lee oko, de Ilaagya-lee oko."

⁵ Piita men ti taa toge ta mo, gibunto nelegise giko gi baa bun momo so faa kpem, ne Wurubuaare gigyebi' gi lii gibunto mo do toge akasebo mo yee, "Me-gisen do obi ne n gye Yesu. O kya gyi me-ginsi. Fe' nu mo ase."

⁶ Mo-akasebo mo me nu gigyebi' mo genen mo, i tansi wora momo gifuu, ne me kpelege de kyu momo-ansi bun gesinkpan.

⁷ Nfono ne Yesu gi tu kpe momo ase, ne o yii momo, ne o toge sa momo yee, "Fe' koso, fen sa fe' sele gifuu."

⁸ Me diire momo-ansi kere mo, men baa wu oko baa too de Yesu.

⁹ Me kii kpelege me kya ba mo, Yesu gi da momo tii yee, "Fen sa fe' toge ilaa ibono

Wurubuaare gi læ nyiile fæye faa sa oko nperɛ. Me, anyamese pɛwu mɔmɔ-daa mɔ nɛ wu' kii kyingi lii ibuni dɔ mɔ pɛi de fɛ' lɔɔ gyi imɔ so gɛsingyi sa asa.”

¹⁰ Yesu akasebo mɔ mɛ tɔgɛ sa mɔ yɛɛ, “Aye Gyuda awura nbara anmarasebo mɔ mɛ kya kyena tɔgɛ sa aye yɛɛ Oloobu Ilaagya laa kii lii Wurubuaare dɔ ba pɛi ne ɔbono Wurubuaare laa sun de ɔ' baa gyi gɛwura mɔ Wurubuaare adɛ so mɔ ɔ' lɔɔ ba. Ne fo ne n gye genen isa ɔbono mɔ, mɛnɛ n wɔra so ne Ilaagya mɛn wolaa gyangbara fo ba?”

¹¹ Yesu gi tɔgɛ sa ɔmɔ yɛɛ, “I gye gesintin yɛɛ i kaabore Ilaagya ɔ' gyangbara ba de ɔ' baa lɔɔ ilaa kamaase yela pɛi de n' lɔɔ ba.

¹² N' buu sa fæye yɛɛ Ilaagya gi ti wolaa kii ba ne Gyuda awura mɛ mɛn bii mɔ. Mɛ wɔra mɔ genɔɔbono mɛ kya laare mɔ. Genen kee ne me, anyamese pɛwu mɔmɔ-daa mɔ, nan wu awɔrɔfɔɔ mɔmɔ-abaa dɔ nɛ.”

¹³ Yesu gi tɔgɛ sa mɔ-akasebo mɔ genen mɔ, idɛ kon mɛ bii yɛɛ Gyɔn ɔbono ɔ gyere asa Wurubuaare sagyere mɔ ne ɔ dare genen.

Yesu Gi Kosore Ilaa Nyenyɛn Oduduu Gɛbii Gɛko So

¹⁴ Mɛ kii kpaa tu sakpii mɔ mɔ, ɔnyɛn oko gi ba Yesu asɛ, ne ɔ nɛmii mɔ-ansi dɔ kole mɔ

¹⁵ yɛɛ, “ɔbelɛnsɛ, su me-bi baare so sa me. ɔ kya lɔ gilɔ tɔrɔsɛ, ɔ kya yiyɛɛ gikyɔ. I kya taale kuu mɔ too ɔgya dɔ, nke nko mɔ, nkyu dɔ.

¹⁶ Nɛ kyu mɔ bara fo-akasebo mɔ mɔ, mɛ mɛn taale kye mɔ.”

17 Yesu gi nu genen mɔ, ɔ tɔge yee, “O! Feye nke nde do asa! Feŋ kya soɔ Wurubuaare gyi. Fe bo genobiide! Nke nfone ne nan kyena feye ase, n kpe mi-i nye gisen mi-i sa feye daa? Fe' kyu gebii mɔ bara me gɛɛnaa.”

18 Nfono mɔ Yesu gi tɔge sa ilaa nyenyen oduduu ibono i te gebii mɔ so ne ge kya lo gilɔ tɔrɔse mɔ yee i' koso gebii mɔ so ɔ kere imɔ faa. Ayaa abono so mɔ, ilaa nyenyen oduduu mɔ i koso gebii mɔ so, ne gebii mɔ gilɔ mɔ gi ta.

19 Imɔ gemara mɔ, mɔ-akasebo mɔ me baa taase Yesu mɔmɔ-wole yee, “I wone so ne aye bere a men taale gya ilaa nyenyen oduduu mɔ koso gebii mɔ so daa?”

20 Yesu gi lee genɔ sa ɔmɔ yee, “Gisɔogyi gibono fe bo sa Wurubuaare mɔ gin fo ilaa iko so daa ne n yee ne i ba genen. Gesintin ne n kya tɔge feye faa, nkana feye-gisɔogyi mɔ gi dabole gi kere pii fee Maasade giponfe gibi gbaa mɔ, fe laa taale tɔge sa genen gibii gibono fe kya wu faa yee, ‘Koso gere kpe faanaa.’ Gesintin mɔ gi laa koso. Sei man don feye-giwɔra. [

21 Imɔ-re imɔ genen mɔ, pei ne fe laa taale kosore ilaa nyenyen oduduu ide ɔnan mɔ, i tiri genɔ nminde de ndalaa.]”

Yesu Gi Kii Tɔge Mɔ-Giwukyingi Mɔ So Ilaa

22 Yesu mɔ-re mɔ-akasebo mɔ me naa de Galeli mɔ, Yesu gi tɔge sa ɔmɔ yee, “Ako me laa kyu me, anyamese pewu mɔmɔ-daa mɔ, wɔra asa abaa do

23 de me' mɔ me. Me mɔ me mɔ, imɔ geke sase mɔ, nan kyingi lii ibuni do.” Akasebo mɔ me

nu genen mɔ, mɔmɔ-asen dɔ i tansi wɔra mɔmɔ ayen gikyɔ.

Yesu Gi Tɔge Wurubuaare ɔson Obu Mɔ Too-Too So Ilaa

²⁴ Yesu mɔ-re mɔ-akasebo mɔ me kpe Kapɛɛniyon mɔ, Wurubuaare ɔson obu mɔ too-too asɔɔbo ako me ba Piita ase, ne me taase mɔ yee, “Feye-ɔbelense kya too Wurubuaare ɔson obu mɔ too-too ne?”

²⁵ Piita gi lee genɔ sa mɔmɔ yee, “En, ɔ kya too.” Piita gi loo geten dɔ mɔ, Yesu ne n daa gikyu too-too mɔ ilaa kyu tu mɔ. ɔ taase Simon Piita yee, “Simon, fo ase mɔ, nengyene wura gi bara gesinkpan so too-too sa asafo abee fee me' dɔɔ de me' ye ne gemɔ so too-too gi ba mɔ, i kaabore nten abi kee me' too genen too-too mɔ?”

²⁶ Piita gi lee genɔ yee, “Kuaa.” Ne Yesu yee, “I gye gesintin. Nten abi mɔ bere meɲ bo too-too ɔbono dɔ. Imɔso me kee meɲ bo me-se Wurubuaare ɔson obu mɔ too-too mɔ gitoo dɔ.

²⁷ Imɔ-re imɔ genen mɔ, aɲ kya laare a' wɔra too-too asɔɔbo mɔ ginyadon. Imɔso kpe ɔbon mɔ dɔ kpaa too daaruwa. ɔken ɔbono fo laa daa gilɛɛ mɔ, kerɛ mɔ-genɔ dɔ, fo laa wu aterɛnbi gibi. Lee gimɔ de fo' kyu kpaa too me-re fo-lee.”

18

Nbii Ilaa I Tiri Wurubuaare

¹ Genen owi ɔbono dɔ mɔ, Yesu akasebo mɔ me ba mɔ ase baa taase mɔ yee, “Wurubuaare gɛwuragyi dɔ akyenabi mɔ dɔ mɔ, anɛ ne n don mɔ-nanbo?”

² Nfono mɔ Yesu gi tere gɛbii gɛko ba mɔ ase ne o kyu gɛmɔ yeɛ mɔmɔ-ansi dɔ.

³ Ɔ tɔge sa mɔmɔ yeɛ, “Gɛsintin ne n' kya tɔge fɛye faa, nengyene fɛ maŋ kyɛɛge wɔra fɛye-nyoro fɛɛ nbii mɔ, fɛ maŋ nyɛ Wurubuaare gɛwuragyi dɔ akyenabi mɔ kpa-a.

⁴ Imɔso fo ɔbono fo bara fo-nyoro gɛsɛ wɔra fɛɛ genen gɛbii gɛdɛ mɔ, fo ne nan don fo-nanboana Wurubuaare gɛwuragyi dɔ akyenabi mɔ dɔ.

⁵ Nengyene me so ne fo ɔko fo sɔɔ gɛbii fɛɛ gɛdɛ ɔnan abaa anyɔ mɔ, me ne fo sɔɔ genen.

⁶ “Ɔbono, mɔ, ɔ laa yege apiipii abono mɛ sɔɔ me gyi mɔ dɔ ɔko gisɔɔgyi gi' koso me so mɔ, nengyene fɛɛ mɛ kyu gibui bele ŋminde kyaga de kaase ɔbono gibɔ ne mɛ too mɔ wɔra apoo dɔ mɔ, i tɛsɛ i bɔ.

⁷ Ilaa ibono i kya yege asa gisɔɔgyi gi' koso me so mɔ i nyaakyɔ gɛsinkpan so, imɔso gɛsinkpan so asa, mɔmɔ laako! I wɔra nne mɔ, genen ilaa ibonoana i laa ba. Ɔbono ɔ laa yege i' ba genen mɔ bere, mɔ laako!

⁸ Nengyene fo-gibaa abɛɛ fo-giyaa gi kya yege fo-gisɔɔgyi gi' koso me so mɔ, kɛbi gimɔ fue! I boran yeɛ fo-nyoro gɛtɛko i lii giden de fo' nyɛ kyena Wurubuaare ase don ibono Wurubuaare laa kyu fo-rɛ fo-abaa anyɔ de fo-ayaa anyɔ too wɔra ɔgya ɔbono ɔŋ kya wu' gɛkaako mɔ dɔ mɔ.

⁹ Ne fɛɛ fo-ginsi ne n kya yege fo-gisɔɔgyi gi' koso me so mɔ, lɔgedɛ gimɔ lɛɛ fue! I boran yeɛ fo' kyu ginsi kolon kpaa kyena Wurubuaare ase don ibono Wurubuaare laa kyu fo-rɛ fo-ansi anyɔ too wɔra ɔgya ɔbono dɔ ɔ kya biide ilaa nyenyɛn awɔrabo giso mɔ.

10 “Ƒe' kerε feye-nyoro so dɔɔdan de fεη sa fe' tɔge yeε apiipii ade dɔ ɔko meη gye sei. N kya tɔge mi-i sa feye yeε Wurubuaare dɔ isɔɔ ibono me kya kerε mɔmɔ so mɔ me kya wu me-se Wurubuaare ɔbono ɔ bo soso mɔ owi kamaase. [

11 Me, anyamese pɛwu mɔmɔ-daa mɔ, ne ba gesinkpan so de n' baa mɔlegε abono me fue Wurubuaare ɔkpa mɔ de mɔmɔ-re Wurubuaare nsana i' nye lɔrɔ.]”

Sande Fueε Gikpale

12 Nfono mɔ Yesu gi tɔge sa mɔmɔ yeε, “N' taase feye ilaa iko. Nengyene nyamese bo isandε ikue-inun ne ɔkolon gi fue mɔ, ɔ maη taa asense mɔ yege abii dɔ nfono me kya gyi mɔ de ɔ' kpa laare ɔbono ɔ fue mɔ?

13 Gesintin, ɔ laa laare sandε mɔ kpa wu mɔ. O wu mɔ mɔ, i laa wɔra mɔ ɔkon gikyɔ kyɔde don isandε ikue-inan de saalaa isandε sango mɔ me san mɔ.

14 Genen kee ne feye-se Wurubuaare de ne. In gye mɔ-gelaare yeε apiipii ade dɔ ɔko ɔ' fue Wurubuaare ɔkpa mɔ de mɔ-ɔkyenaten Wurubuaare ase ɔ' lii mɔ-gibaa.

Genɔɔbono Fo Laa Lɔrɔ Fo-re Fo-Nanbo Yesu Sonbo Nsana

15 “Nengyene fo-nanbo ɔbono ɔ sɔɔ me gyi mɔ gi wɔra fo ilaa nyenyen mɔ, kpe mɔ ase de fo' kpa tɔge mɔ ilaa nyenyen ibono ɔ wɔra fo mɔ fo-re mɔ wolε. Nengyene o nu fo gese mɔ, fo-re mɔ nsana i lɔrɔ ne.

16 Ne fεε ɔ meη nu fo gese mɔ, laare me-sonbo ɔko abεε anyɔ bɔla de fo-nyoro de feye pɛwu fo'

kpe mɔ ase. I lii fɛɛ Wurubuaare agyebi dɔ mɔ i tɔge yɛɛ

pɛi ne fɛ laa bun isa gipueɛ yɛɛ ɔ wɔra ilaa nyenyɛn mɔ,

i kaabore i' nyɛ asa anyɔ abɛɛ asa' abono mɛ kyule

yɛɛ ɔ wɔra genen ilaa nyenyɛn ibono gɛsintin.

¹⁷ Nengyene ɔ mɛn nu mɔmɔ kee gɛɛ mɔ, kyu genen ilaa ibono kyu kpaa too me-asonbo gikpen mɔ ansi dɔ. Ne fɛɛ ɔ mɛn nu me-asonbo gikpen mɔ gɛɛ kee mɔ, fɛ' kyu mɔ fɛɛ ɔ gyɛ daa abono mɛn kya son Wurubuaare mɔ dɔ ɔko abɛɛ ilaa nyenyɛn awɔrabo mɔ dɔ ɔko.

¹⁸ “Gɛsintin ne n' kya tɔge fɛye faa, ilaa ibono fɛn sa ɔkpa gɛsinkpan so mɔ, Wurubuaare ɔbono ɔ bo soso mɔ kee maɲ sa ɔkpa; ne ibono fɛ sa ɔkpa gɛsinkpan so mɔ, Wurubuaare ɔbono ɔ bo soso mɔ kee gi sa ɔkpa.

¹⁹ N' kii tɔge sa fɛye yɛɛ nengyene fɛye dɔ anyamesɛ anyɔ fɛ wɔra genɔ dalaa kole me-sɛ Wurubuaare ɔbono ɔ bo soso mɔ ilaa iko mɔ, ɔ laa wɔra imɔ sa fɛye.

²⁰ Fɛ' nu yɛɛ nfono asa anyɔ abɛɛ asa' mɛ gyan' me-ginyɛn dɔ mɔ, n bo mɔmɔ ase.”

Dega ɔbono ɔn Bo Gitolon Mɔ Gikpale

²¹ Nfono mɔ Piita gi ba Yesu ase baa taase mɔ yɛɛ, “Me-wura, gikpado gifone ne fɛɛ me-nanbo gi wɔra me ilaa nyenyɛn ne i kaabore n' kyu kyɛɛ mɔ? Gikpado sono abɛ-ɛ?”

²² Yesu yee, “Kuaa, i men gye gikpado sono wole. N' toge sa fo yee ikue-isa de saalaa genen-n gikpado sono.

²³ “Imoso fe' nu. Wurubuaare gewuragi do akyenabi mo a de fee gikpale gibono nan da faa. Owi oko do mo, wura oko gi kyena. O bo adeg. Gake gede mo, o sa gewansa yee o laa tere mo- adeg mo de me' baa buu-buu ako abono me de mo mo sa mo.

²⁴ O tere momo oko oko. Dega gyangbarase obono o ba mo de mo giko ibono i tansi i gye giko bele. Nengyene fo buu-buu aterebi mo mo, fo man bii am-gegyono.

²⁵ O taase mo mo, o men nye de o' ka. Imoso wura mo yee me' keda mo-re mo-ka de mo-biana, de me' kpaa kyu mo-at- abono o bo mo pewu dabole kyu kpaa fe de me' kyu baa ka mo giko mo.

²⁶ Nfono ne dega mo gi kpelege nmii wura mo ansi do kole mo yee, ‘Nye gisen sa me. I wora mo, nan baa ka fo.’

²⁷ Wura mo gi nu genen mo, i wora mo ayen, ne o kyu giko mo pewu kyu kyee mo. Ne o sa mo okpa yee o' naa.

²⁸ “Dega mo gi kpe lii mo-wura mo ase mo, o kpaa gyangara mo-nanbo dega oko. Mo-nanbo obono de mo giko kee. Giko gibono o de mo mo gi laa wora fee aterebi abono onan gesun oworabo laa nye ibose isa' do mo. Genen giko mo so mo, o kpe wu mo mo, o too keda mo. Ne o nmere mo-gibo do yee o' ka mo-giko mo.

²⁹ Mo-nanbo mo, mo, gi kpelege nmii mo-ayaa do kole mo yee, ‘Nye gisen sa me. I wora mo, nan

baa ka fo.'

³⁰ On kyule, ne o yegε me keda mo kpaa tii de obu. Nengyene o' ka giko mo mo, pei de me' loo tigi mo.

³¹ "Mo-nanboana adega me nu genooono dega mo gi kyu wora mo-nanbo mo mo, i men wora momo okon, ne me kpaa buu sa momo-wura mo.

³² Wura mo gi nu genen mo, o yegε me kpaa tere mo ba mo ase. O kpe da de ginsi wu mo mo, o taase mo yeε, 'Onyen, genen ne fo de ne? Fo de me giko bele ne fo kole me mo, men kyu kyεε fo?

³³ Fo men nyi yeε i kaabore fo' su fo-nanbo so feε genooono ne su fo so mo?'

³⁴ Ilaa ibono dega mo gi kyu wora mo-nanbo mo i kyu wura mo ginyadon gikyo. Imoso o yegε me keda mo kpaa tii de obu de me' kii biide mo-giso bola kpaa fo owi oono okara o laa ka giko mo pewu mo."

³⁵ Yesu gi leε gikpale mo gese yeε, "Genen kee ne Wurubuaare gwuragyi do akyenabi mo a de ne. Fo oono fo-nanbo laa wora fo ilaa nyenyen ne fo man kyu kyεε mo lii fo-gisen do mo, me-se Wurubuaare oono o bo soso mo laa wora fo feε genooono wura mo gi wora mo-dega oono on su mo-nanbo so mo."

19

Yesu Gi Toge Okyii Gikine Ilaa

¹ Yesu gi toge ilaa ide ta mo, o lii Galeli nfono kyon kpe obon Gyoodan gibenbe giko so Gyudiya gesinkpan so.

² Sakpii bele gi buu mɔ. Mɛ loo nno mɔ, ɔ kyɛ kyɛ abono mɛ kya lɔ mɔ.

³ Farasii gikpen dɔ awura ako mɛ ba mɔ ase de mɛ' baa soo mɔ idoo kerɛ. Genen so mɔ mɛ taase mɔ yɛɛ, “Imɔso aye-nbara gi kya nyiile yɛɛ nyamesɛ laa taale yeɛ ilaa kamaase ibono ɔ kya laare mɔ so kine mɔ-ka?”

⁴ Yesu gi lɛɛ genɔ taase ɔmɔ yɛɛ, “Fɛ mɛn ti kale Wurubuaare agyebi kyu lii imɔ so do-o? Mɔ-agyebi mɔ a kya nyiile yɛɛ lii ko-o gɛsɛ de gɛsɛ mɔ, Wurubuaare gi lɛɛ ɔnyen oyuduu de ɔkyii oyuduu.

⁵ Wurubuaare gi tɔgɛ nfono yɛɛ,
 ‘Imɔ ide so mɔ,
 ɔnyen laa taa mɔ-sɛ de mɔ-nyi yeɛɛ
 de o' kyu mɔ-nyoro mada de mɔ-ka
 de mɔmɔ asa anyɔ mɛ' bingiri nyamesɛ
 kolon.’

⁶ Imɔso ɔnyen mɔ-rɛ mɔ-ka mɛn baa mɛ gye asa anyɔ, mɛ bingiri nyamesɛ kolon. Ibono Wurubuaare ne n kyu mɔmɔ dabɔle wɔra nyamesɛ kolon faa mɔ, ɔko ɔn sa ɔ' barage mɔmɔ dɔ.”

⁷ Farasii awura mɔ mɛ kii taase Yesu yɛɛ, “Genen berɛ mɔ, menɛ ne n wɔra so ne Mosisi gi yela nbara yeɛ nengyene ɔnyen laa kine mɔ-ka mɔ, ɔ' sa mɔ gikine ɔwolɛ de ɔ' lɛɛ mɔ-ɔkpa mɔ daa?”

⁸ Yesu gi lɛɛ genɔ sa ɔmɔ yɛɛ, “Fɛye-aso dɔ i kɔrɔ ifuu so daa ne Mosisi gi sa fɛye ɔkpa de fe' kine fɛye-kaana genen. Nkana lii gɛsɛ de gɛsɛ mɔ, i mɛn dɛ genen.

⁹ N' buu sa fɛye yɛɛ nengyene i mɛn gye yɛɛ fo-ka gi lii fo-gɛmara so ne fo kine mɔ kpaa kyu

okyii poborɔ mɔ, fo torɔ Wurubuaare gelaare adenabi nbara. Ɔ kya kyu imɔ yee oko mɔ-ka ne fo laare genen.”

¹⁰ Yesu gi toge genen mɔ, mɔ-akasebo mɔ me toge sa mɔ yee, “Nengyene fafaanan ne gedena ilaa i de bere mɔ, nyamese man tese dena mɔ, nkana i boran.”

¹¹ Yesu gi lee geno sa momo yee, “Gimaadena mɔ in gye nyamese kamaase ne nan taale kyena, genen mɔ, abono Wurubuaare gi kyu sa momo mɔ wole.”

¹² I kya nyiile yee i bo ilaa kpɛi-kpɛi ibono so anyen ako men kya dena mɔ. Ako bere, i koroge omɔ de genen daa. Ako mɔ, mɔ, momo-nanboana anyamese ne n kya keda momo lee awɔrebi. Ako, mɔ, men kya dena mɔ, me kya laare me' nye nyoro kpaa asa de me' nye Wurubuaare gewuragi do akyenabi mɔ. Obono o laa taale wɔra genen mɔ, o' wɔra.”

Yesu Gi Sɔɔ Nɔii Buru-buru Abaa Anyɔ

¹³ Owi oko do mɔ, asa ako me de nɔii ma-a bara Yesu yee o' kyu mɔ-abaa gyan' momo so de o' dalaa sa momo. Mɔ-akasebo mɔ, mɔ, me kya gya momo yee me' kiiri nɔii mɔ.

¹⁴ Yesu gi wu genen mɔ, o toge sa mɔ-akasebo mɔ yee, “Fe' yeege nɔii mɔ me' ba me ase; feŋ' baa tii momo-okpa. Abono me de fee genen nɔii ndeana onan mɔ ne nan nye Wurubuaare gewuragi do akyenabi mɔ.”

¹⁵ Ne o kyu mɔ-abaa gyan' nɔii mɔ so, ne o naa lii nno kyon.

Anɛ Ne Nan Nyɛ Ɔkyenaten Wurubuaarɛ Gɛwuragyi Dɔ?

¹⁶ Owi ɔko dɔ mɔ, ɔnyen ɔko gi ba Yesu ase baa taase mɔ yɛɛ, “Ɖbelɛnsɛ, mɛnɛ ilaa dɛnsɛ ne nan wɔra de n' nyɛ Wurubuaarɛ ase gɛkyena gɛkpaɔ?”

¹⁷ Yesu gi kisee taase mɔ yɛɛ, “Fo kya taase me kyu lii ilaa dɛnsɛ so faa mɔ, fo mɛɲ nyi yɛɛ Wurubuaarɛ wolɛ ne n gye nyamesɛ dɛnsɛ? Nengyene fo kya laarɛ fo' nyɛ ɔkyenaten Wurubuaarɛ ase mɔ, gyi mɔ-nbara mɔ so.”

¹⁸ Ne ɔnyen mɔ gi taase Yesu yɛɛ, “Nbara nmɔ?” Yesu gi lɛɛ gɛnɔ yɛɛ, “Gɛɲ sa fo' mɔɔ isa, gɛɲ' lii fo-ka abɛɛ fo-kuli gɛmara, gɛɲ' yuuri, gɛɲ' ten ɔko gɛnɔ nbɛɛ dɔ.

¹⁹ Buu fo-sɛ de fo-nyi de fo' laarɛ fo-nanbo fɛɛ fo-nyoro.”

²⁰ Ɔnyen mɔ gi lɛɛ gɛnɔ sa Yesu yɛɛ, “N ti n kya gyi gɛnen nbara ndɛ pɛwu so. Mɛnɛ ne n kii san me?”

²¹ Yesu gi tɔgɛ sa mɔ yɛɛ, “Nengyene fo kya laarɛ fo ta gudu berɛ mɔ, naa kpaɔ fɛ fo-ilaa ibono fo bo mɔ pɛwu de fo' kyu aterɛnbi mɔ kyu yɛ sa ayɛnbo. Fo wɔra gɛnen mɔ, fo laa nyɛ ntɛɛla Wurubuaarɛ dɔ, de fo' san naa baa buu me wɔra me-ɔkasebo.”

²² Ɔnyen mɔ gi nu gɛnen mɔ, mɔ-gisen dɔ i nyida mɔ, ne ɔ naa kyon. I kya nyiile yɛɛ ɔ tansi ɔ bo atɔ gikyɔ. Ɖ kerɛ mɔ, ɔ maɲ taalɛ wɔra gɛnen.

²³ Nfono mɔ Yesu gi tɔgɛ sa mɔ-akasebo mɔ yɛɛ, “N' tɔgɛ fɛye gɛsintin yɛɛ i tansi i bo lon sa aterɛnbi awura de mɛ' nyɛ ɔkyenaten Wurubuaarɛ gɛwuragyi dɔ.

24 N' kii tɔge sa feye yee pei de aterenbi wura ɔ' nye ɔkyenaten Wurubuaare gɛwuragyi dɔ mɔ, i laa wɔra ɔlon sa mɔ don genɔɔbono gɛkpatitii gɛ laa loo ɔbaatɔ ɔbɔ dɔ lii mɔ."

25 Yesu akasebo mɔ me nu imɔ ide mɔ, i tansi de ɔmɔ-genɔ, ne me san taase yee, "Genen bere mɔ, ane kaase ne nan nye Wurubuaare ase gɛkyena ne?"

26 Yesu gi kere mɔmɔ faa yiridididi ne ɔ lee genɔ yee, "Imɔ ide i don nyamese giwɔra; Wurubuaare bere, sei men fo mɔ-giwɔra."

27 Nfono mɔ Piita gi taase mɔ yee, "Aye, mɔ, ibono a taa gɛsinkpan so ilaa kamaase yee ne a naa a buu fo faa mɔ, nne ne?"

28 Yesu gi tɔge sa mɔ-akasebo mɔ yee, "Gɛsintin ne n' kya tɔge mi-i sa feye faa, gɛkaako mɔ, Wurubuaare laa lee gɛkyena pobɔɔ. Genen abere abono mɔ, me, anyamese pɛwu mɔmɔ-daa mɔ, nan kyena me-nyisigyi gɛgyapaa so n kya gyi gɛwura. Feye abono, mɔ, fe gye me-akasebo gudu anyɔ mɔ kee fe laa kyena ngyapaa so fe kya gyi gɛwura Isirale nten gudu nnyɔ mɔ so fe kya gyi mɔmɔ-nbɛle fa-a sa mɔmɔ.

29 Ne nyamese kamaase ɔbono ɔ taa mɔ-gɛten yee abee mɔ-se, abee mɔ-nyi, abee mɔ-daana, abee mɔ-tedeana, abee mɔ-pikiyiana, abee mɔ-biana abee mɔ-nsinkpan yee me so mɔ, kaase laa nye imɔ-ɔnan gikpadɔ ikue-inun de ɔ' kii nye kyena Wurubuaare ase gɛkpaa-gɛkpaa."

30 Ne Yesu gi kii tɔge yee, "Genen gɛkyena pobɔɔ gɛbono dɔ mɔ abono me gye abelense gɛsinkpan so ilaa dɔ mɔ ako me laa kpaa bingiri

nbii, ne abono me gye nbii gese gere ilaa do mo ako, mo, me laa kpaa wora abelense.”

20

Gesun Aworabo Gikpale

¹ Yesu gi tɔge yee, “Genɔɔbono asa me laa nye nteela Wurubuaare gewuragi mo do mo i laa wora fee gikpale gibono nan baa da faa. Geten wura oko ne n kyena. O bo gifole giko ndoo. Geke gede mo, o kyingi nyenyenge fu-u kpaa laare gesun aworabo de me' kpaa wora gesun mo-ndoo do sa mo de o' ka omo giko.

² Mo-re gesun aworabo mo me gyi gigya, ne o kyule yee o laa ka omo genɔɔbono me kya ka geke toloowi-lee giko mo, ne o yee me kyon ndoo mo do.

³ Owi gi dii mo, o kpe oyiido, ne o kpaa wu anyen banban ako me te men kya wora sei.

⁴ O wu momo genen mo, o tɔge sa momo yee, ‘Feye kee fe' baa kyon kpaa wora gesun sa me me-ndoo do de n' ka feye giko genɔɔbono i laa kyena sa me-re feye mo.’

⁵ Gesintin mo, asa mo me kpe. Owi gi kyena nten nsana mo, o kii kpaa nye ako ne me kpe. Owi gi gbaa mo, o kii kpaa nye abanban, ne me kpe.

⁶ I san nmaraa de owi o' toro mo, o kii kpe oyiido kpaa wu anyen ako me te giyan men kya wora sei. Ne o taase omo yee, ‘Mene n wora ne fe kya waala geke mumuli, fe men kya wora sei?’

⁷ Me lee genɔ sa mo yee, ‘A men nye oko de o' baa sa aye gesun de a' wora de o' ka aye giko.’

Ne ndoo wura mo yee, 'To, feye kee fe' kii baa kyon kpe me-ndoo do.'

⁸ "Owi gi ta mo, ndoo wura mo gi toge obono o kya kere mo-ndoo mo so o kya sa mo mo yee, 'Tere gesun aworabo mo de fo' ka momo giko. Ka lii abono me ba gemara gemara mo, de fo' kyu kpaa loge de abono me daa gikpe ndoo mo do mo.'

⁹ O ka abono me kpe ndoo mo do owi kya laare o' toro mo, momo okamaase gi nye aterenbi abono me kya ka geke toloowi giko mo.

¹⁰ I tu abono me daa gikpe ndoo mo do mo, me nyi yee momo bere me laa nye aterenbi don abono men kpe belen mo. Imo genen mo, momo kee me nye daa genobono me kya ka geke toloowi-lee giko mo.

¹¹ Me soo momo-aterenbi kale mo, me yii gese me kya logede de ndoo wura mo yee,

¹² 'Asa abono me ba gemara gemara mo men wora gesun keela iko. Aye, mo, a yele owi kelele so wora gesun toloowi mo, fo kya ka aye-re omo pewu giko kyee-kyee?'

¹³ "Ndoo wura mo gi lee geno sa momo do oko yee, 'Onyen, men kudi fo gyi. Me-re fo an toge kyule daa yee geke giko ne nan ka fo?'

¹⁴ Imoso kyu fo-aterenbi de fo' naa fo kya kpe. N kya laare de n' ka okamaase obono ne nye gemara gemara mo kee giko fee fo-lee mo onan.

¹⁵ Men bo okpa de n' kyu me-aterenbi kyu wora ilaa ibono n kya laare mo? Abee fo wu megidense gibono ne wora mo, i kya loo fo daa?'

¹⁶ Yesu gi da gikpale gide ta mo, o lee gese yee, “Genen ne i laa wora ne. Owi obono asa me laa nye nteela Wurubuaare gewuragyi mo do mo, abono me gye nbii gesinkpan so ilaa do mo ako me laa kpaa wora abelense, ne abono me gye abelense gese gere ilaa do mo ako, mo, me laa kpaa bingiri nbii.”

Yesu Gi Kii Toge Mo-Lewu Mo So Ilaa

¹⁷ Yesu kya kpe Gyerusalem mo, o kyu mo-akasebo gudu anyo mo lii nkan ne o toge sa omo

¹⁸ yee, “Fe' nu. A kya kpe Gyerusalem faa, ako me laa kyu me, anyamese pewu momo-daa mo, wora aye Gyuda awura asunbi alebo abelense de aye-nbara anmarasebo abaa do. Momo, mo, me laa toge yee n gye ilaa nyenyen oworabo, imoso n' wora omose,

¹⁹ de momo kee me' kyu me wora asa abono me men gye aye Gyuda awura mo abaa do. Genen asa abono me laa gyaabii me ikpa kpei-kpei so, de me' taa me awulibi, de me' da me ananbi oyii so mo. Ne wu' mo, imo geke sase mo, nan kyingi lii ibuni do.”

Okyii Oko Gi Kpaa Kole Gebelense Yesu Ase Sa Mo-Biana

²⁰ Imo gemara mo Yesu akasebo ako momo-nyi gi kyu momo ba mo ase baa kole mo ilaa iko. Akasebo mo me gye Sebedi mo-biana. Okyii mo gi baa nmii mo-ayaa do

²¹ ne Yesu gi taase mo yee, “Mene ne fo kya laare?” O lee geno yee, “Owi obono fo laa gyi gewura mo, yegge me-biana anyo ade me' wora fo-nwurabi nbono me laa sindi fo titiritii, oko o'

kyena fo-gibaa gyise so de oko, mo, o' kyena fo-bene so."

²² Yesu gi lee geno toge sa mo-akasebo anyo mo yee, "Fe men nyi ilaa ibono fe kya kole faa. Imoso fe laa taale wu olaawuse obono onan o de o gyoo me mo?" Me kyule mo yee, "En, a laa taale."

²³ Nfono mo, Yesu gi toge sa omo yee, "Gesintin mo, fe laa wu olaawuse obono onan nan wu mo. Me ase ikyenaten mo bere, men bo okpa de n' lee yee ode ne o' kyena me-gibaa gyise so abee ode ne o' kyena me-bene so. Genen ikyenaten ibono i gye sa daa abono me-se Wurubuaare gi wolaa lora yela sa momo mo."

²⁴ Yesu akasebo sense gudu mo me nu ilaa ibono momo-nanboana anyo, nyamese mo-re mo-tede mo, me kpa kole Yesu mo, i loo omo.

²⁵ Imoso Yesu gi tere momo pewu baa mo ase ne o toge sa momo yee, "Fee genobono fe nyi mo, abono me men nyi Wurubuaare agyebi mo momo-awura awura me kya kyu abono me bo momo gese mo kyu wora fee momo-nbide. Momo-anyamese gbaa'gbaa mo kee me kya kyu olon me kya gyi gebelense asa sense so.

²⁶ Feye-lee bere, in kaabore i' wora fee asa ade. Nengyene oko kya laare o' wora nyamese gbaa' feye do mo, i kaabore o' wora mo-nyoro fee feye-dega,

²⁷ ne obono o kya laare o' wora feye-wura mo, i kaabore o' wora mo-nyoro fee feye-gebide.

²⁸ I lii fee me, anyamese pewu momo-daa mo gbaa, men ba gesinkpan so yee asa me' son me. Ne ba daa de n' baa son asa de n' kyu me-nkpa kyee de i' lee asa sakyi lii ilaa nyenyen giwora

do kiiri mómó sa Wurubuaare.”

Yesu Gi Bugi Agyaatanbo Anyo Ako Ansi

²⁹ Yesu mǎ-rɛ mǎ-akasebo mǎ mɛ kya lii Gyɛriko ɔsowolɛ so mǎ, sakpii belɛ ɔko buu mómó.

³⁰ Mɛ kya kpe mǎ, agyaatanbo anyo ako ne n tɛ ɔkpa nkan. Mɛ kpe nu yɛɛ Yesu ne n kya kyon faa mǎ, mɛ yii gɛsɛ mɛ kya kpen ken-ken yɛɛ, “Aye-wura, Wura Deefidi ɔnaanabi, su aye so!”

³¹ Sakpii ɔbono o buu Yesu mǎ gi gya ɔmǎ yɛɛ mɛ' bun ɔmǎ-nnǎ so. Mɛ kya gya mómó genen mǎ, idɛ kon gbaa ne mɛ lǎrǎ mɛ kya kpen ken-ken yɛɛ, “Aye-wura, Wura Deefidi ɔnaanabi, su aye so!”

³² Nfono mǎ Yesu gi sii yeɛ ne ɔ tere mómó ne ɔ taase mómó yɛɛ, “Mɛnɛ ne fɛ kya laare n' wǎra sa fɛye?”

³³ Mɛ lɛɛ genǎ yɛɛ, “Aye-wura, a kya laare aye-ansi a' bugi.”

³⁴ Mómó-ilaa i wǎra Yesu ayen ne o kyu mǎ-abaa yii mómó-ansi mǎ. Ayaa abono so mǎ, mómó-ansi a bugi mɛ kya wu ilaa kamaase, ne mɛ san naa buu mǎ.

21

Yesu Gi Loo Gyɛrusalem Fɛɛ Wura

¹ Yesu mǎ-rɛ mǎ-akasebo mǎ mɛ kya fuude Gyɛrusalem mǎ, mɛ kpaa fo Bɛtɛfagye ɔsowolɛ ɔbono ɔ gyan' Nfǎ Iyii Gibii Mǎ so mǎ. Mɛ fo nno mǎ, Yesu gi sun mǎ-akasebo mǎ do anyo

² yɛɛ, “Fɛ' kpe ɔsowolɛ ɔbono ɔ bo aye-ansi do faa. Fɛ kpe fɛ kya loo ɔsowolɛ mǎ so mǎ, fɛ laa

wu bee kyiiɛ kyaa de ɔfɛ, mɔ-bi yelɛ mɔ asɛ. Fɛ' sangɛ mɔ de fɛ' kyu mɔ-rɛ mɔ-bi mɔ bara me.

³ Ne fɛɛ ɔko gi taasɛ fɛye ilaa iko mɔ, fɛ' tɔgɛ mɔ yɛɛ, 'Wura mɔ yɛɛ ɔ tiri abee mɔ.' Fɛ tɔgɛ genen mɔ, mɛ laa yɛgɛ de fɛ' kyu abee mɔ ba ayaa adɛ so."

⁴ Genɔɔbono Yesu laa gyan' bee so loo Gyɛrusalem mɔ, i laa yɛgɛ ilaa ibono Wu-rubuaarɛ gi tɔgɛ naa de mɔ-ikalan ɔtɔgɛbo ɔko so mɔ i' nyɛ ba gesintin. ɔ wolaa tɔgɛ Gyɛrusalem ilaa yela. (Gyɛrusalem ginyen giko ne n gyɛ Sayon.) ɔ tɔgɛ yɛɛ,

⁵ "Fɛ' tɔgɛ sa Sayon awura yɛɛ,

'Fɛ' kerɛ fɛye-wura kya ba fɛye asɛ. ɔ bara mɔ-nyoro gɛɛ;

ɔ gyan' bee so. Mɔ-bee ɔbono gyɛ daa bee foɛ; ɔ mɛɲ ti sɛɛ.' "

⁶ Yesu akasɛbo mɔ mɛ kpe kpaa wɔra fɛɛ genɔɔbono ɔ tɔgɛ mɔmɔ mɔ.

⁷ Mɛ kyu bee mɔ mɔ-rɛ mɔ-bi mɔ bara mɔ, ne mɛ kyu mɔmɔ-akuru too bun abee mɔ so, ne ɔ dii gyan'.

⁸ Sakpii mɔ dɔ ako mɛ kyu mɔmɔ-akuru too mɔ-ɔkpa dɔ, ne ako mɛ ɲɛ iyii afɛdaa mɛ kya too de ɔkpa yɛɛ ɔ' baa naa.

⁹ Asa abono mɛ gyangbara Yesu de abono mɛ buu mɔ-gɛmara mɔ pɛwu mɛ kya kpen yɛɛ,

"Ayenbi a gyɛ fo-lɛɛ, Wura Deefidi ɔnaanabi!

Wurubuaarɛ ɔ' kosorɛ fo-gimu!

Wurubuaarɛ ginyen dɔ ne fo naa fo kya ba faa!

Ayenbi a' wɔra Wurubuaarɛ ɔbono ɔ bo soso-soso mɔ-lɛɛ!"

¹⁰ Yesu gi loo Gyerusalem mɔ, ɔsowole mɔ gi gyigisi. Nno asa mɔ me san me kya taase yee, "Ane ne n ba daa?"

¹¹ Sakpii mɔ mɔ-re Yesu me naa mɔ me lee geno sa mɔmɔ yee, "Yesu, Wurubuaare ikalan ɔtogebo mɔ ne n ba. Ɔ lii Nasarete ɔsowole ɔbono ɔ bo Galeli gesinkpan so mɔ."

Yesu Gi Gya Gigya Agyibo Lii Wurubuaare Ɔson Obu Gikpaara Mɔ So

¹² Yesu gi loo Wurubuaare ɔson obu mɔ gikpaara mɔ so, ne ɔ gya abono me kya gyi gigya nno mɔ. Ɔ da abono me kya boori aterenbi mɔ iteebulu too. Ɔ da abono me kya fe abonbue mɔ ngyapaa kee too, ne

¹³ ɔ tɔge sa mɔmɔ yee, "Me nmarase Wurubuaare agyebi ako yela yee, 'Me-ɔson obu mɔ laa wɔra daa ɔdalaaten.' Feye, mɔ, fe kyu nno bingiri iyu gikpalan."

¹⁴ Agyaatanbo de itegese me yege asa me kyu mɔmɔ ba Yesu ase Wurubuaare ɔson obu mɔ gikpaara mɔ so nno, ne ɔ kye mɔmɔ.

¹⁵ Gyuda awura asunbi alebo abelense de mɔmɔ-nbara anmarasebo mɔ me kya wu ilaa dense ibono Yesu kya wɔra ne i kya de asa geno mɔ ne me kya nu ibono nbii me kya yen mɔ mɔ, i kya loo mɔmɔ. Nbii mɔ me kya kpen me kya yen mɔ Wurubuaare ɔson obu mɔ gikpaara mɔ so nno yee, "Ayenbi a' wɔra Wura Deefidi ɔnaanabi mɔ-lee!" Genen so mɔ, i kyu abelense mɔ ginyadon,

¹⁶ ne me taase Yesu yee, "Ibono ade me kya tɔge faa, foŋ kya nu de fo' gya mɔmɔ?" Yesu

gi lɛɛ gɛnɔ sa mɔmɔ yɛɛ, “N kya nu kyɔde. Wurubuaare agyebi ako a tɔgɛ yɛɛ,
 ‘Nyii de abono mɛ san ma-a nyabo mɔ ne fo yɛgɛ
 mɛ kya yen fo de i' tansi gyi fo-ginsi.’
 Imɔso fɛɲ ti kalɛ nno?”

¹⁷ Yesu gi taase abelense mɔ genen mɔ, ɔ naa taa mɔmɔ yɛgɛ ne ɔ kyon kpaa dɛ Bɛtani.

Yesu Gi Tɔgɛ Nno Wɔra Gifeeya Oyii Ōko

¹⁸ Gɛdɛ kɛsɛ nyenyɛngɛ mɔ, Yesu gi kii ɔ kya kpe Gyɛrusalem mɔ, akon a dɛ mɔ.

¹⁹ O wu gifeeya oyii Ōko yelɛ ɔkpa nkan. Ō bage kpe mɔ ase mɔ, ɔɲ wu ba-a gibi kolon oyii mɔ so, afɛdaa wolɛ ne o wu. Nfono mɔ Yesu gi tɔgɛ nno wɔra oyii mɔ yɛɛ, “Fon baa nye sɔrɔ abi gɛkaako!” Ō tɔgɛ genen mɔ, oyii mɔ gi wu'.

²⁰ Owi ɔbono Yesu akasebo mɔ mɛ wu imɔ mɔ, i dɛ mɔmɔ-gɛnɔ gikyɔ, ne mɛ taase mɔ yɛɛ, “Nnɛ ne gifeeya oyii mɔ gi ti kpe wu' kusaa genen?”

²¹ Yesu gi lɛɛ gɛnɔ sa mɔmɔ yɛɛ, “N kya tɔgɛ fɛye gɛsintin, nengyene fɛ sɔɔ Wurubuaare gyi ne fɛɲ sɔɔ fɛye-nyoro akyɔɔlɛ fɛye-asen dɔ mɔ, fɛ laa wɔra ilaa ibono nɛ kyu wɔra oyii baare faa mɔ ɔnan. Ne i mɛɲ gyɛ imɔ ibono wolɛ gbaa. Nkana fɛ laa taalɛ tɔgɛ gibii gidɛ yɛɛ, ‘Koso gɛrɛ kpaa tɔrɔ apoo dɔ,’ gɛsintin mɔ, i laa wɔra genen.

²² Ilaa kamaase ibono fɛ laa dalaa kolɛ Wurubuaare mɔ, nengyene fɛ sɔɔ mɔ gyi yɛɛ ɔ laa wɔra sa fɛye mɔ, i laa yii fɛye-gibaa.”

Abelense Ako Mɛ Daase Yesu Kere

²³ Imɔ gɛmara mɔ, Yesu gi kii kpe Wurubuaare ɔson obu mɔ gikpaara mɔ so ɔ kya nyiile asa ilaa, ne Gyuda awura asunbi alɛbo abelense mɔ de

mómó abelense sense ako me ba mó ase baa taase mó yee, “Ilaa ibonoana fo kya wóra faa mó, ane ginyen dó ne fo kya wóra imó daa? Ane ne n sa fo okpa yee fo' wóra imó?”

²⁴ Yesu gi lée genó sa mómó yee, “Me kee nan taase feye ilaa kolon. Nengyene fe lée genó sa me mó, nan tóge feye obono ginyen n de n kya wóra ilaa mó.

²⁵ Wurubuaare sagyere obono Gyón gi gyere asa mó, ane ne n sa mó okpa? Wurubuaare abee nyamese?” Yesu gi taase omó genen mó, akyóole a tóro mómó wole-wole so, ne me tóge yee, “Nengyene a kyule sa mó yee Wurubuaare ne n sa Gyón genen okpa obono mó, o laa taase aye yee ne mene n wóra ne a men sóo Gyón gyi?”

²⁶ Ne fee a kii tóge yee nyamese ne n sa Gyón genen okpa obono mó, an nyi ilaa ibono sakpii baare laa kyu wóra aye mó. I lii fee mómó pewu me kya buu Gyón yee Wurubuaare ne n sun mó yee o' wóra genen ne o gye daa Wurubuaare ikalan otogbo.”

²⁷ Genen so mó me lée genó sa Yesu yee, “A men nyi.” Ne Yesu gi kisee tóge abelense mó yee, “Fe man tóge me bere mó, me kee man tóge feye obono o sa me okpa ne n' kya wóra ilaa ibono n kya wóra mó.”

Nbii Nnyo Nko Gikpale

²⁸ Yesu gi kii tóge sa mómó yee, “Fe' nu gikpale gide de n' taase feye gimó so ilaa. Owi oko dó mó, onyen oko gi kyena. O bo nbii nyense nnyo. Geke gede mó, o kpa tóge sa obelense mó yee,

'Me-bi, nde kpe me-ndoo kpaa wora gesun sa me.'

²⁹ Mo-bi mo gi lee geno sa mo yee, 'Man kpe.' Imo gemara mo, o nu mo-nyoro gese yee on kpe mo, in boran, ne o koso kpe ndoo mo.

³⁰ Momo-se mo gi kpaa toge opii mo ilaa kolon ibono kee. Opii mo gi kyule yee, 'Yo-o, me-se, nan kpe,' ne on kii kpe.

³¹ Imoso nbii nnyo nde do mo, omo mo ne n wora mo-se mo gelaare ne?" Yesu gi taase genen mo, asa mo me lee geno yee, "Mo-bi belense mo." Me lee geno genen mo, Yesu gi toge sa momo yee, "N kya toge feye gesintin yee, tutu akyii de lenpoo asoobo abono fe kya kyu momo yee me gye asa nyenyen mo me laa nye Wurubuaare gewuragi do gekyena taa feye yee.

³² Imo gese ne n gye yee Gyon gi baa nyiile feye genoo bono fe laa gyi gesintin sa Wurubuaare mo, fe men kyule soo mo gyi. Lenpoo asoobo de tutu akyii mo bere me soo mo gyi. Fe dabole wu ibono genen asa ade me soo Gyon gyi mo, imo gemara mo, fe men kyeege feye-nwansa de feye kee fe' soo mo gyi."

Yesu Gi Kii Da Abelense Mo Gikpale Giko

³³ Yesu gi toge sa abelense mo yee, "Fe' kii nu gikpale giko. Geten wura oko gi kyena. O doo gifole giko ndoo. (Me kya kyu genen gifole gibono abi kyu wora nta.) O poro opore kyaaboo ndoo mo, o wora nta mo odooten, ne o poro obu faa lege-lege nfono asa me laa nye dii ndoo mo mo. O wora imo ide ta mo, o kyu ndoo mo kyu wora asa ako abaa do yee me' kere nmo so sa mo de

mɔ-rɛ ɔmɔ mɛ' yɛ agyan abono mɛ laa nye mɔ. Ne ɔ koso kpe gɛsinkpan gɛko so kpaɛ kɛɛla.

³⁴ Gifɔlɛ mɔ abi abɛrɛ tɛɛsɛ a fo mɔ, ndɔɔ wura mɔ gi lɛɛ mɔ-adɛga ako sun mɔ-ndɔɔ akɛrɛbo mɔ asɛ yɛɛ mɛ' kpaɛ sɔɔ mɔ-lɛɛ ogyiten bara mɔ.

³⁵ Adɛga mɔ mɛ kpe mɔ, ndɔɔ akɛrɛbo mɔ mɛ kɛda mɔmɔ ne mɛ daare ɔko ne mɛ mɔɔ ɔko ne mɛ da ɔbanban abui.

³⁶ Ndɔɔ wura mɔ gi nu ilaa ibono i ba mɔ, o kii sun adɛga abono mɛ nyaakyo nye agyangbarasɛ mɔ. Mɔ-ndɔɔ akɛrɛbo mɔ mɛ kii wɔra ɔmɔ fɛɛ agyangbarasɛ mɔ-lɛɛ mɔ.

³⁷ Imɔ tiikara mɔ, ɔ lɛɛ mɔ gbaa-gbaa mɔ-bi sun mɔmɔ asɛ. ɔ tɔgɛ sa mɔ-nyoro yɛɛ, 'Mɛ-bi mɔ bɛrɛ, mɛ laa kyu buubuu sa mɔ.'

³⁸ Mɔ-bi mɔ gi kpe mɔ, mɔ, ndɔɔ akɛrɛbo mɔ mɛ kpe da de ginsi wu mɔ mɔ, mɛ tɔgɛ sa abara yɛɛ, 'ɔbono ɔ laa gyi mɔ-sɛ atɔ mɔ ne n kya ba faa. A' mɔɔ mɔ de mɔ-tɔgyi mɔ ɔ' nye sii de aye.'

³⁹ Mɛ tɔgɛ sa abara genɛn mɔ, gɛsintin mɔ, mɛ kɛda ndɔɔ wura mɔ mɔ-bi mɔ ne mɛ biidɛ mɔ lii ndɔɔ mɔ dɔ ne mɛ mɔɔ mɔ."

⁴⁰ Yesu gi da gikpalɛ mɔ ta mɔ, ɔ taasɛ mɔmɔ yɛɛ, "Ndɔɔ wura mɔ gi kpaɛ ba mɔ, mɛnɛ ne ɔ laa kyu wɔra mɔ-ndɔɔ akɛrɛbo abono?"

⁴¹ Mɛ lɛɛ gɛnɔ yɛɛ, "ɔ laa yɛgɛ genɛn asa nyɛnyɛn abono mɛ laa wu' awɔrɔfɔɔ lɛwu de o' kyu mɔ-ndɔɔ mɔ kyu sa akɛrɛbo dɛnsɛ abono mɛ laa kyu mɔ-lɛɛ ogyiten sa mɔ imɔ-abɛrɛ dɔ mɔ."

⁴² Yesu gi kii taasɛ mɔmɔ yɛɛ, "Fɛŋ ti kalɛ Wurubuaarɛ agyɛbi adɛ? Mɛ ŋmarasɛ yɛɛ, 'Gibui gibono ibu apɔrɔbo mɔ mɛ kyu too gɛbaamara mɔ

genen gibui gibono
ne n kii baa yegε ne obu mɔ gi wɔra ɔlon ɔ
yele faa.

Wurubuaare ilaa wɔrase ne i gyε.

I bo aye ɔbole ne i kya de aye-geɔ.' "

⁴³ Yesu gi kii tɔge bɔla yeε, "Imɔso n' tɔge fεye yeε
ɔkpa ɔbono Wurubuaare gi sa fεye ne fe kya kere
mɔ-gewuragyi dɔ akyenabi ilaa so mɔ, ɔ laa sɔge
lii fεye ase de o' kyu sa asa abono me laa wɔra
ilaa ibono i laa kaabore genen akyenabi abono
mɔ.

⁴⁴ Fe' kii nu Wurubuaare agyεbi ade kee.

'Nyamesε kamaase ɔbono ɔ laa tɔrɔ gibui gibono
so mɔ,

kaase laa gbaa gberi-gberi.

Ne gibui mɔ, mɔ, ne n kii baa tɔrɔ fo ɔko so mɔ,
fo laa kɔrɔ faa dogo-dogo wɔra feε nnyufo.'

⁴⁵ Gyuda awura asunbi alεεbo abelense mɔ de
Farasii awura mɔ me nu Yesu akpale ade mɔ, me
bii ibono mɔmɔ ne ɔ dare.

⁴⁶ Imɔso me laare de me' keda mɔ. Me kii me
sele sakpii ɔbono ɔ bo nno mɔ gifuu. I lii feε
sakpii mɔ gi sɔɔ Yesu gyi yeε ɔ gyε Wurubuaare
ikalan ɔtɔgebo.

22

Wura Mɔ-Bi Mɔ Gedenake Gεke Bele Gigyi Gikpale

¹ Yesu gi kii da gikpale sa asa

²⁻³ yeε, "Fe' nu genɔɔbono asa me laa nye
kyena Wurubuaare gewuragyi dɔ gεkaako mɔ so
ilaa. Owi ɔko dɔ mɔ wura ɔko gi wolaa tɔge asa

yela yee o laa kpai okyii sa mo-bi. Imoso, i wora mo, me' baa gyi genen gee bele mo kpaa mo.

“Gee mo ge fo mo, o sun mo-adege ako yee me' naa tere tere abono o da gibaa tere mo yee me' ba. Adege mo me kpaa tere momo mo, me kine yee me man ba.

⁴ Ne o kii sun mo-adege banban yee me' kpaa tuge sa abono o da gibaa tere mo yee, 'Fe' kere! Ne yee me mo anaade abono me kiire mo de abono me bo nfo mo kyu wora agyudo; me wora ilaa kamaase loge; imoso fe' baa gyi.'

⁵ Adege mo me kpaa tuge asa mo genen mo, me men ka momo-ge; momo okamaase gi koso mo, o kyon mo-gesun do. Oko gi kyon mo-ndo do ne obanban mo gi kyon mo-ilaa ofeten.

⁶ Ne ako, mo, me keda wura mo adege mo daare mo.

⁷ Wura mo gi nu genen mo, i kyu mo ginyadon, ne o sun mo-asogya ne me kpaa mo genen asa amobo abono, ne me yii momo-osowole mo ogya.

⁸ “Nfono mo o tere mo-adege mo ako ne o tuge sa momo yee, 'Me wora gedena mo agyudo mo ta. Abono ne da gibaa tere mo, mo, me men kaabore me' nye agyudo mo gyi ne.

⁹ Imoso fe' naa loo nten do de fe' kpaa tere asa abono okara fe laa nye mo yee me' ba de me' baa gyi.'

¹⁰ Gesintin mo, mo-adege mo me naa loo nten mo do ne me kpaa koola asa abono okara me nye mo, adense de anyenyen pewu, ne asa mo me baa bola obu obono do me kya wora gedena mo ilaa mo.

11 “Wura mɔ gi loo obu mɔ dɔ de ɔ' faala abono mɛ kya gyi gɛkɛ belɛ mɔ ma-a kpaa mɔ mɔ, o wu ɔnyen ɔko bo nno. On suu gɛgbɛ gɛbono ɔnan mɛ kya kyu kpe gɛdena gɛkɛ gigyɪ mɔ.

12 Wura mɔ gi wu genen mɔ, ɔ taase mɔ yɛɛ, ‘ɔnyen, nne ne fo wɔra ne fo nye loo gɛrɛ yɛgɛ fon suu gɛgbɛ gɛbono mɛ kya suu kpe gɛdena gɛkɛ gigyɪ mɔ?’ ɔnyen mɔ mɛn nyɛ gɛnɔ.

13 Nfono mɔ wura mɔ gi tɔgɛ mɔ-adega abono mɛ kya kerɛ gɛkɛ mɔ gigyɪ so mɔ yɛɛ, ‘Fɛ' nminde ɔnyen mɔ ayaa de abaa de fɛ' kyu mɔ lii kpaa too wɔra nfono i bo gibiri mɔ. Osulon de anɛbi giwɛ ne n bo nno.’ ”

14 Yesu gi da gikpalɛ mɔ ta mɔ, ɔ tɔgɛ yɛɛ, “I bo nno yɛɛ Wurubuaarɛ gi tɔgɛ asa sakyɔ yɛɛ mɛ' baa nyɛ ɔkyenaten mɔ-gɛwuragyi mɔ dɔ. Akalɛsɛ, mɔ, ne ɔ tɔsɛ lɛɛ yɛɛ mɛ laa nyɛ genen gɛkyena gɛbono.”

Mɛ Soo Yesu Ido

15 Nfono mɔ Farasii awura gikpen mɔ dɔ ako mɛ lii asa mɔ dɔ kpaa da gɛnɔ gɛnɔɔbono mɛ laa soo Yesu idoo de mɛ' nyɛ mɔ mɔ-ilaa tɔgɛsɛ dɔ mɔ.

16 Imɔso mɛ sun mɔmɔ-akasɛbo ako de Wura Herode gemara abuubo ako kpe mɔ asɛ. Abono mɛ kpaa too mɔ soso taase mɔ yɛɛ, “ɔbelɛnsɛ, a wu yɛɛ fo gyɛ gɛsintin wura. Fo kya nyiile asa Wurubuaarɛ ɔkpa gɛsintin ɔkpa so, ne fo mɛn selɛ ɔko. Fo berɛ, fo mɛn kya kerɛ nyamesɛ sakyɔ abɛɛ mɔ-nyisigyɪ ɔbono ɔ bo mɔ de fo' buu ɔko don ɔko.

17 A de fo giserɛ, tɔgɛ aye, imɔso Rom wura belɛ ɔbono ɔ kya kerɛ aye so ne ɔn kya son

Wurubuaare mɔ, i de ɔkpa yee a' soo mɔ-lenpoo abee a men sa a' soo?"

¹⁸ Yesu, mɔ, gi dese yee me de nwɔnsa nyenyen, imoso ɔ tɔge sa mɔmɔ yee, "Fe gye o-dun-me, o-fon-me anyamese! Menε so ne fe kya soo me idoo genen?"

¹⁹ Ɔko ɔ' lee aterenbi abono fe kya kyu soo lenpoo mɔ gibi ba de n' kere." Gesintin mɔ, me kyu aterenbi mɔ gibi mɔ kyu sa mɔ.

²⁰ Ne ɔ taase mɔmɔ yee, "Ane gimu de mɔ-ginyen ne n gyan' aterenbi gibi gide so faa?"

²¹ Me lee genɔ yee, "Rom wura bele mɔ-lee." Ne Yesu gi kisee tɔge sa mɔmɔ yee, "To. Genen bere mɔ, ilaa ibono i gye Rom wura bele mɔ-lee mɔ fe' kyu sa mɔ, ne ibono, mɔ, i gye Wurubuaare-lee mɔ, fe' kyu sa Wurubuaare."

²² Me nu genɔobono Yesu gi lee genɔ sa mɔmɔ mɔ, i de mɔmɔ-genɔ gikyɔ, ne me san naa kyon taa mɔ yee.

Saadusii Awura Me Taase Yesu Ilaa

²³ Genen geke gebono mɔ, Saadusii gikpen ɔ awura ako me ba Yesu ase. (Saadusii awura ade ne n kpe me de yee nengyene nyamese gi wu' mɔ, i ta. In baa i bo geteeko me laa kpaa kyena, ne Wurubuaare man kyingi asa geakaako.) Genen asa ade me baa tɔge sa Yesu

²⁴ yee, "Ɔbelense, Mosisi gi yela nbara nko sa aye yee,

'Nengyene onyen gi wu' taa mɔ-ka yee owi obono mɔ-ka mɔ men ti koroge sa mɔ mɔ, mɔ-daa abee mɔ-tede o' kyu ɔkyii mɔ lee gikulaa de mɔ-re mɔ me' koroge nbii sa mɔ-kuli obono o wu' mɔ.'

²⁵ To. Owi oko do mo onyen oko mo-re mo-tedεana asee me kyena aye-osowole baare so gere. Genen onyen mo gi dena okyii. Mo-re mo-ka mo men koroge, ne o wu' taa mo-ka mo yege. Mosisi nbara nbono o yela sa aye mo so mo, mo-gigyanmara mo gi kyu okyii mo lee gikulaa.

²⁶ Mo-re okyii mo me men koroge, ne mo kee gi wu' taa okyii mo yege. Osase mo kee, genen; ne momo anyen sono mo pewu me dena okyii mo, ne me wu' taa mo yege. Okyii mo men koroge sa momo oko-re oko.

²⁷ Laalaaloge mo, okyii mo kee gi wu'."

²⁸ Me toge Yesu genen mo, ne me taase mo yee, "To, nengyene Wurubuaare laa kyingi asa gesintin mo, momo anyen sono ade do mo, ane ne n bo okyii mo genen gekyena poboro mo do? I kya nyiile yee owi obono me te de ansi mo, momo pewu me dena mo gyan'."

²⁹ Yesu gi lee gen o sa momo yee, "Fe fue. I kya nyiile yee fe men nyi Wurubuaare agyebi mo, ne fe men nyi Wurubuaare olon obono o bo mo kee.

³⁰ Asa abono Wurubuaare laa kyingi de me' kyena gekyena poboro mo, gedena gen baa ge bo no sa momo. Momo-gekyena ge laa wora daa fee Wurubuaare do isoo-lee mo onan."

³¹ Yesu gi kii toge sa Saadusii awura mo yee, "Fe kya soo akwole yee asa me wu' mo in baa i bo geteeko me kya kpa kyena faa mo, a' kere Wurubuaare agyebi owole mo do de a' kere. Imoso fe men ti kale mo-agyebi abono me nmarase yela sa feye nno

³² yee,

'Me ne n gye Aberaham Wurubuaare.

N gye Ayisiki Wurubuaare,

ne n' gye Gyeekɔpo Wurubuaare' mɔ?

Aberɛ abono Wurubuaare gi tɔge genen ilaa ide sa Mosisi mɔ, genen asa ade me ti wolaa wu'. Ne fɛɛ iloobu ide meɲ bo getɛɛko daa mɔ, Wurubuaare maɲ tɔge yɛɛ, 'N gye mɔmɔ-Wurubuaare.' Nkana ɔ laa tɔge daa yɛɛ, 'Nɛ naa kyena wɔra mɔmɔ-Wurubuaare yɛge.' "

³³ Sakpii obono ɔ bo nfono mɔ gi nu genɔɔbono ɔ lɛɛ gɛɛɛ mɔ, i de mɔmɔ-genɔ.

Yesu Gi Nyiile Asa Wurubuaare Nbara Nbono Gi Tansi Gi Tiri Mɔ

³⁴ Farasii awura mɔ me nu yɛɛ Saadusii awura mɔ ayaa aɲ fo gɛɛɛ Yesu ase mɔ, mɔmɔ kee me kpaɛ ɲminde ba.

³⁵ Mɛ fo mɔ, mɔmɔ dɔ obono ɔ gye nbara onyiilebo mɔ gi taase Yesu ilaa iko de ɔ' daase mɔ kerɛ. ɔ taase yɛɛ,

³⁶ "ɔbelense, Wurubuaare nbara mɔ dɔ mɔ, nmɔ mɔ ne n tansi gi tiri daa?"

³⁷ Yesu gi lɛɛ genɔ sa mɔ yɛɛ, "Nbono gi tiri mɔ ne n gye yɛɛ, 'Laare fo-Wura Wurubuaare lii fɔgisen dɔ. Kyu fɔgisen pɛwu de fɔgɛwɔnsa pɛwu kyu laare Wurubuaare ilaa.'

³⁸ Genen nbara ndɛ ne n don nsense mɔ, ne nmɔ ne n tansi gi tiri.

³⁹ Nnyɔɛ nbono kee gi tiri mɔ gi de fɛɛ nbono nɛ tɔge kyon mɔ. Nmɔ ne n gye yɛɛ, 'Laare fonanbo fɛɛ fo-nyoro.'

⁴⁰ Wurubuaare ikalan atɔgebo ilaa nyiilese mɔ de Mosisi nbara mɔ pɛwu dɔ mɔ genen nbara nnyɔ ndɛ ne n gye nmɔ-gɛmu."

Yesu Gi Kisee Taase Farasii Awura Mɔ Ilaa Iko

⁴¹ Owi ɔbono Farasii awura mɔ me san me bo Yesu ase mɔ, Yesu kee gi taase mɔmɔ ilaa taasese yee,

⁴² “ɔbono Wurubuaare laa sun de ɔ' baa gyi gɛwura mɔ Wurubuaare ade so mɔ, nne ne n gye feye-gewɔnsa kyu lii mɔ so? Ane ɔnaanabi ne ɔ gye?” Me lee genɔ sa mɔ yee, “ɔ gye daa Deefidi ɔnaanabi.”

⁴³ Ne Yesu gi kii taase mɔmɔ yee, “Ne i wonɛ ne Wurubuaare Oduduu mɔ gi yegɛ Deefidi gi wolaa tere genen ɔnaanabi mɔ yee, ‘Me-Wura’ mɔ daa? Deefidi gi wolaa tɔge yela yee,

⁴⁴ ‘Wurubuaare laa tɔge sa me-Wura mɔ yee,
 “Baa kyena me-gibaa gyise so de me-re fo a'
 gyi gɛwura
 de n' yegɛ fo' kyise fo-akyobo de fo-ayaa.” ’

⁴⁵ Yesu gi kii lee gese yee, “Deefidi kya tere mɔ yee, ‘Me-Wura’ faa mɔ, nne so ne ɔ laa kii kisee wora daa Deefidi ɔnaanabi?”

⁴⁶ Asa mɔ do ɔko-re ɔko men taale lee genɔ sa Yesu. San kyu lii genen gɛke gɛbono mɔ, ɔko men baa taale da otu taase Yesu ilaa de ɔ' daase mɔ kerɛ.

23*Wɔra Abelense Mɔ Ilaa Nyiilese; Gɛn Wɔra Mɔmɔ-Ilaa Wɔrase*

¹ Nfono mɔ Yesu gi tɔge sa sakpii mɔ de mɔ-akasebo mɔ yee,

² “Nbara aɲmarasebo mɔ de Farasii awura mɔ ne n bo ɔkpa de me' lee Mosisi nbara mɔ gese sa asa.

³ Imoso ilaa kamaase ibono me kya tɔge feye kyu lii nmo so mo fe' nu de fe' wɔra imo. Momo- ilaa wɔrase bere ne feɲ sa fe' wɔra. I lii fee ilaa ibono me kya nyiile feye mo, in gye imo ne me kya wɔra.

⁴ Momo-anyiilebi mo a de daa fee nsola boduduuse nbono gin bo gisola mo ne me de ma-a nyise asa. Momo gbaa-gbaa bere, me man kyu ba-a momo-gibaa taa puru kpa momo.

⁵ “Me kya wɔra ilaa kamaase mo, me kya laare daa de asa me' wu de me' nye yen momo. Wurubuaare agyebi abono aye Gyuda awura a kya kyu mada aye-asegbele so de abono a kya kyu kyaga aye-abaa do mo, me kya yegge momo- lee bere i kya wɔra ibele-bele. Aye-itiibilaa ibono a kya kyu kyaga de aye-ngbe mo, me kya yegge momo-lee bere i kya tansi wɔra gisoro.

⁶ Ne fee me laa gyi geke bele mo, abee me kya kpe momo-akyangbon do mo, abelense de anyamese gbaa'gbaa ikyenaten ne me kya laare.

⁷ Me kya laare de asa me' tere momo yee ‘Anyiilebo’ de me' kyu buubuu faala momo sakpii do de okamaase o' wu.

⁸ “Feye bere feɲ sa fe' yegge asa me' tere feye do oko yee ‘Onyiilebo.’ I lii fee feye pewu fe gye gikpen kolon do asa ne onyiilebo kolon ne fe bo. Me ne n gye feye-onyiilebo obono.

⁹ Feɲ sa fe' tere oko yee ‘aye-se’ gesinkpan so gere. I kya nyiile yee fe bo daa ose kolon, mo ne n gye Wurubuaare obono o bo soso mo.

¹⁰ Genen kee ne feɲ sa fe' yegge asa me' tere feye do oko yee ‘Ogyangbarabo’; ogyangbarabo

kolon guan-n ne fe bo, mo ne n gye me obono Wurubuaare gi sun yee n' baa gyi gewura mo Wurubuaare ade so mo.

¹¹ Obono o tansi o gye nyamese gbaa' feye do mo gi kaabore o' wora daa feye-dega.

¹² Obono o diire mo-nyoro mo, Wurubuaare laa kpelegere mo gese, ne obono, mo, o bara mo-nyoro gese mo, Wurubuaare laa diire mo.”

Nbara Anmarasebo De Farasii Awura, Feye Laako!

¹³ Nfono mo, Yesu gi kisee toge sa abelense mo ako yee, “Feye nbara anmarasebo de feye Farasii awura, feye laako! Fe gye daa o-dun-me, o-fon-me anyamese! Fe kyu ilaa ibono nkana i laa yee asa me' nye Wurubuaare gewuragi do akyenabi mo kyu nara momo. Feye gbaa-gbaa fe men kya kyu genen akyenabi mo kyu kyena, ne abono, mo, me kya laare me' kyena genen gekyena mo, fe kya ne fologe fe kya tii momo-okpa. [

¹⁴ Feye nbara anmarasebo de feye Farasii awura, feye laako! Fe gye daa o-dun-me, o-fon-me anyamese! Fe kya kudi akyii ikulaabo momo-re momo-biana gyi, yee feye, mo, ne n kii fa-a dalaa faa bolo-bolo de asa me' nye yen feye yee feye ne n nyi gedalaa. Owi obono Wurubuaare laa gyi feye-nbele mo, feye-gisobiide gi laa nyaakyo too.]

¹⁵ Feye nbara anmarasebo de feye Farasii awura, feye laako! Fe gye daa o-dun-me, o-fon-me anyamese! Fe kya naa nkyu so de nsinkpan so gyan' de fe' taa nye ba-a nyamese kolon o' kyeege baa buu feye-lee Wurubuaare asonbi mo.

Fɛ nyɛ ɔkolon genen mɔ, fɛ kya yɛgɛ ɔ kya kii bingiri daa isa ɔbono ɔ kaabore o' kpe ɔgya dɔ mɔ-lɛwu gɛmara mɔ kii don fɛye-lɛɛ mɔ!

¹⁶ “Fɛye laako! Fɛ dɛ daa fɛɛ agyaatanbo ne n gyangbara mɛ sa agyaatanbo. Fɛ kya nyiile asa yɛɛ nengyene ɔko gi ka Wurubuaare ɔson obu mɔ ntan mɔ, ɔ laa taale yɛgɛ i' gbangɛ. Sika kɔkɔɔ ɔbono ɔ bo Wurubuaare ɔson obu mɔ dɔ mɔ bere ne ɔko gi kyu ka ntan mɔ, fɛye ase mɔ, gi gyɛ ntan bele.

¹⁷ Fɛ dɛ fɛɛ agyaatanbo, ne fɛ mɛɲ nyi ɔlaako! Imɔ imɔmɔ ne n tiri gikyɔ, sika kɔkɔɔ mɔ abɛɛ Wurubuaare ɔson obu mɔ daa? In gyɛ Wurubuaare ɔson obu mɔ dɔ ne sika kɔkɔɔ mɔ dɛ so ne ɔ gyɛ Wurubuaare-lɛɛ?

¹⁸ Fɛ kya nyiile asa kee yɛɛ nengyene ɔko gi ka Wurubuaare asunbi ɔlɛten mɔ ntan mɔ, mɔ-ntan mɔ gin gyɛ ntan nko. Nengyene o kyu ilaa ibono ɔ laa kyu lɛɛ asunbi mɔ bere daa kyu ka ntan mɔ, fɛ kya kyu nmɔ yɛɛ gi gyɛ ntan bele.

¹⁹ Mɛnɛ gigyaaatanbo ne n kya mɔɔ fɛye faa? Ilaa ibono mɛ kyu ba mɛ' baa lɛɛ asunbi mɔ ne n tiri abɛɛ Wurubuaare asunbi ɔlɛten mɔ ne n tiri daa? In gyɛ asunbi ɔlɛten mɔ ne n kya yɛgɛ asunbi atɔ mɔ a kya nyɛ bingiri Wurubuaare-lɛɛ?

²⁰ Imɔso nengyene isa gi ka Wurubuaare asunbi ɔlɛten mɔ ntan mɔ, ɔ ka dabɔle de asunbi atɔ abono a gyan' asunbi ɔlɛten mɔ so mɔ pɛwu ne.

²¹ Nengyene ɔko gi ka Wurubuaare ɔson obu mɔ ntan mɔ, ɔ ka dabɔle de Wurubuaare ɔbono ɔ bo obu mɔ dɔ mɔ kee ne.

²² Ne fɛɛ ɔko gi ka Wurubuaare dɔ ntan mɔ, ɔ ka Wurubuaare gɛwuragyapaa mɔ ntan de

Wurubuaare obono o te gewuragyapaa mo so mo ntan kee ne.

²³ “Feye nbara anmarasebo de feye Farasii awura, feye laako! Fe gye o-dun-me, o-fon-me-ana gikyo! Ansi so mo, fe kya ye feye-afedaa gyise fee agbema de malebokyuu de benkeni afedaa do gikpado gudu-gudu de fe' kyu gikolon-gikolon kyu kpaa kyee Wurubuaare fee genobono i de sa feye mo. Ilaa ibono i tiri gikyo Wurubuaare nbara mo do mo bere, fe kya nyaa imo ibono yela nkan. Fee fe laa gyi gesintin sa asa abee fe' su asa so, abee fe' soo Wurubuaare gyi mo, fe kya lee ansi taa imo ibono yege. Nbara nbono ne i kaabore fe' tansi gyi nmo so. In gye yee fe' taa nbono fe ti fe kya gyi nmo so mo yege bere.

²⁴ Fe de fee agyaatanbo ne n gyangbara me sa agyaatanbo. Fe kya wora fee obono o laa wu kyese nmo-agyudo do de o' bii lee pei de o' gyi mo, ne tetemenyi bere gi bo mo-agyudo do ne o man bii lee mo!

²⁵ “Feye nbara anmarasebo de feye Farasii awura, feye laako! Fe gye o-dun-me, o-fon-me anyamese gesintin! Fe de fee asa abono me kya foro momo-nwe de momo-ilepe nyoro so taa imo tuda yege mo. Imo ne n gye yee ansi so giyan ne fe kya gyere loro feye-nyoro. Feye-itoo do de feye-amu do bere onsipara de gekyo ne n bola nno.

²⁶ Farasii awura, fe gye agyaatanbo gesintin! Fe' foro feye-nwe tuda de imo-nyoro so kee i' wora odan.

Wurubuaare Laa Biide Feye Nde Asa Ade Giso

27 “Feye nbara anmarasebo de feye Farasii awura, feye laako! Fe gye daa o-dun-me, o-fon-me anyamese! Fe de fee nkyan nbono me poro nmo ne gi bo kanpe ansi so, yeye nmo tudo mo, awuye de anyamese gyose ne n bo nno!

28 Genen ne ansi so mo, asa me laa kyu feye yee gesintin awura ne fe gye, yeye gikeransi de ilaa nyenyen ne n bola feye-ito do.

29 “Feye nbara anmarasebo de feye Farasii awura, feye laako! Fe gye o-dun-me, o-fon-me anyamese! Fe kya kere ansi poro Wurubuaare ikalan atogbo de abono me gyi gesintin sa Wurubuaare baa kyon mo ako nkyan, ne fe kya denkyi momo ako-lee,

30 de fe' kyu gyaabii asa yee, 'Fee aye ne nan kyena aye-naanaana abere do mo, nkana a man kyule ibono me moo Wurubuaare ikalan atogbo mo.'

31 Imo mo mo, ibono fe nye kyule yee feye-naanaana ne n moo Wurubuaare ikalan atogbo mo faa mo, feye-re momo fe gye daa oyuduu kolon.

32 Imoso fe' tese loge feye-naanaana gesun gebono me yii gese mo!

33 “Fe bo ilaa nyenyen ne fe gye asa amobo fee awo abono a bo giboro mo! Wurubuaare laa bun feye gipuee de o' kyu feye too wora ogya obono do o laa biide ilaa nyenyen aworabo giso mo. Fe man nye lii genen gisobiide gibono do.

34 N' toge sa feye yee pei de i' loo fo genen mo, nan sun Wurubuaare ikalan atogbo de asebo de Wurubuaare nbara anmarasebo feye ase. Fe laa moo momo ako, de fe' da momo ako anjanbi

iyii so mɔɔ de fɛ' taa mɔmɔ ako awulibi fɛye-akyangbon dɔ de fɛ' ka mɔmɔ ako ansi lii isowolɛ so kpe isowolɛ so.

³⁵ Imɔ idɛ so mɔ, asa abono mɛ gyi gɛsintin sa Wurubuaarɛ ne asa mɛ mɔɔ mɔmɔ mɔ pɛwu, Wurubuaarɛ laa kyu imɔ-ilaa kyu taasɛ fɛye ndɛ asa de ɔ' biidɛ fɛye-giso. Ɔ laa yii gɛsɛ taasɛ fɛye ilaa kyu lii Abɛlɛ ɔbono ɔŋ wɔra sɛi ne mɛ mɔɔ mɔ mɔ kyu genen-n kyu kpaa fo Sakariya, Barakaya mɔ-bi mɔ-lɛɛ lɛwu mɔ so. Sakariya ɔbono mɔ mɛ mɔɔ mɔ daa Wurubuaarɛ asunbi ɔlɛten de Wurubuaarɛ obu belɛ mɔ nsana.

³⁶ N kya tɔgɛ fɛye gɛsintin yɛɛ Wurubuaarɛ laa biidɛ fɛye ndɛ asa adɛ giso kyu lii genen asa abono so.

³⁷ “O, Gyɛrusalɛm asa! Fɛye ne n kpɛ fa-a mɔɔ Wurubuaarɛ ikalan atɔgɛbo mɔ, ne fɛ kya too abui fa-a mɔɔ Wurubuaarɛ isɔɔ ibono ɔ kya sun fɛye asɛ mɔ. Nɛ tansi laarɛ fɛɛ n' nyaa fɛye ba mɛ asɛ fɛɛ gɛnɔɔbono kyaasɛ kya nyaa mɔ-biana baa wɔra mɔ-abantɛɛ dɔ mɔ. Gikpadɔ gifonɛɛ ne nɛ laarɛ n' koola fɛye genen ne fɛŋ kya kyule faa.

³⁸ Fɛ' nu yɛɛ Wurubuaarɛ laa lɛɛ ansi taa fɛye-ɔsowolɛ yɛgɛ sa fɛye.

³⁹ N kya buu mi-i sa fɛye yɛɛ fɛ maŋ baa wu mɛ kpaa fo gɛkɛ gɛbono fɛ laa bugi fɛye-nnɔ tɔgɛ yɛɛ, ‘Wurubuaarɛ ɔ' kosorɛ ɔnyen baarɛ gimu! Wurubuaarɛ ginyen dɔ ne ɔ naa ɔ kya ba faa!’ ”

24

Yesu Gi Tɔgɛ Yɛla Yɛɛ Gyɛrusalɛm Laa Baa Boori

¹ Yesu kya lii Wurubuaare ɔson obu mɔ gikpaara mɔ so mɔ, mɔ-akasebo mɔ me naa kpaa tu mɔ, ne me kya tɔge mɔ yee ɔ' kere ibu mɔ ɔdan!

² Yesu, mɔ, gi tɔge sa mɔmɔ yee, “Nga fe wu ibu ide pewu? N' tɔge feye gesintin, i laa baa fo owi ɔko mɔ, ako me laa baa boori imɔ bun. Ba-a imɔ-gisodoo kolon gi man san yee gi man de gese.”

³ Imɔ gemara mɔ, Yesu te Nfo Iyii Gibii mɔ so mɔ, mɔ-akasebo mɔ me ba mɔ ase mɔmɔ-wole ne me taase mɔ yee, “Owi ɔmɔ do ne me laa boori imɔ bun genen? Menɛ ilaa ne nan ba de i' lee nyiile yee fo kya laare fo' kii ba gesinkpan so abee gesinkpan so gekyena ge kya laare ge' yela ɔkara? A kya kole fo, tɔge aye.”

Ilaa Ibono I Laa Ba Gesinkpan So Nke Laalaloge Do Mo

⁴ Yesu gi lee genɔ sa mɔmɔ yee, “Fe' kere feyenyoro so dandan daa de ɔko ɔ' men sa ɔ' nye feye penɛ. Genen ilaa ibono i man ba nperɛ.

⁵ Pei de i' loɔ ba genen mɔ, asa sakyɔ me laa naa me kya tɔge yee mɔmɔ ne gye me, ɔbono Wurubuaare gi sun yee n' baa gyi gewura mɔ Wurubuaare ade so mɔ. Genen asa abono me laa nye asa sakyɔ penɛ.

⁶ Fe laa nu ikɔ so titiritii de koo-koo. Fe kya nu genen mɔ, fe men sa fe' yegɛ feye-gisen gi' ηmaa feye. Imɔ ide i gye ilaa ibono i laa ba daa. Ne i men gye yee ilaa kamaase i kya yela ɔkara ayaa abono so ne.

⁷ I kya nyiile yee fe laa nu gesinkpan so asa kpei-kpei me laa laare ikɔ too abara so. Abeyin de abeyin me laa koso yele me kya kɔ

de abara. Nten kpei-kpei so mɔ, akon a laa tɔrɔ, ne gesinkpan ge laa gyigisi.

⁸ Imɔ ideana pewu i laa nyiile yee gekyena gedɛ ilaa i kya kpe laalaaloge ne. I laa wɔra fee genɔɔbono gedun ge kya daa gitu ɔkyii ne i men gyɛ nfono-nfono ne ɔ kya koroge mɔ.

⁹ “Genen abere abono mɔ, ibono fe gyɛ me-akasebo faa so mɔ, asa me laa kyu feye wɔra ako abaa dɔ de me' wɔra feye awɔrɔfɔɔ de me' mɔɔ feye ako. Me so mɔ, asa kpei-kpei pewu me laa kyo feye.

¹⁰ Nfono mɔ, me-akasebo sakyɔ me laa taa me yegɛ, men baa wɔra me-akasebo. Me laa fe abara sa mɔmɔ-akyobo de me' kyo abara.

¹¹ Asa sakyɔ me laa koso me kya kee abon yee Wurubuaare ikalan atogɛbo ne me gyɛ, de me' pene asa sakyɔ kee.

¹² Ilaa nyenyɛn giwɔra i laa gbigi gikyɔ so mɔ, asa sakyɔ me laa taa gesalaare yegɛ.

¹³ Fo ɔbono, mɔ, fo sɔɔ me gyi ne fo yele fo-ayaa so girin genen kaabore fo wu' mɔ, Wurubuaare laa mɔlegɛ fo de fo' nye ɔkyenaten mɔ ase.

¹⁴ Asa me laa naa gesinkpan so geten kamaase pewu gyan' me kya tɔge Wurubuaare ɔkalan konkonse mɔ ma-a sa gesinkpan so asa kpei-kpei pewu de me' nye nu Wurubuaare gewuragi dɔ akyenabi mɔ so ilaa de mɔmɔ-aso. I nye ba genen ta mɔ, gesinkpan so gekyena ge laa yela ɔkara.

Nke Nbono Dɔ-Lee Awɔrɔfɔɔ A Laa Don Awɔrɔfɔɔ Kamaase

¹⁵ “Pɛi de i' lɔɔ ba genen mɔ, fe laa wu ilaa kyose ibono i kya nyida Wurubuaare ɔson ilaa

mɔ i yeɛ Wurubuaare ɔson obu mɔ dɔ. I laa wɔra fɛɛ genɔɔbono Wurubuaare ikalan ɔtɔgebo ɔbono mɛ kya tere mɔ yeɛ Danyele mɔ gi wolaa wu tɔge yela mɔ. (Fo ɔbono fo kya kalɛ ilaa ide mɔ, nu imɔ gɛsɛ.) Fɛ wu ilaa kyose mɔ nno genen mɔ,

¹⁶ fɛye abono fɛ bo Gyudiya gesinkpan so mɔ, fɛ' sele kpe abii dɔ.

¹⁷ Fo ɔbono fo bo nɛmanman genen owi ɔbono mɔ, sele. Gɛn sa fo' kii loo obu dɔ yeɛ fo laa kpaa puru ilaa iko.

¹⁸ Ne fo ɔbono fo bo ndɔɔ dɔ genen owi ɔbono mɔ, gɛn baa kii ba gɛwi yeɛ fo kya ba de fo' baa kyu fo-gikuru.

¹⁹ Awɔrɔfɔɔ a laa nyaakyɔ gikyɔ so mɔ, akyii abono mɛ de itɔ genen nke nbono dɔ abɛɛ mɔmɔ-biana mɛ san mɛ kya nyabo mɔ, mɔmɔ laako!

²⁰ Fɛ' dalaa yeɛ genen ilaa ide i mɛn sa i' ba gikyɛ abɛɛ gɛke kyoolase.

²¹ I lii fɛɛ genen nke nbono dɔ-lɛɛ awɔrɔfɔɔ mɔ a laa don awɔrɔfɔɔ kamaase abono nyamese gi ti wu kere kpe kyu lii ko-o ibono Wurubuaare gi lɛɛ soso de gɛsɛ mɔ baa lii de ndɛ mɔ. Genen awɔrɔfɔɔ abono ɔnan kee a man baa ba gɛkaako.

²² Abono Wurubuaare gi tɔɔsɛ lɛɛ yeɛ mɛ' nye mɔ-gɛwuragyi dɔ akyenabi mɔ so mɔ, ɔ keda awɔrɔfɔɔ nke nbono kɔɔgɛ. In gye genen mɔ, nkana pɛi de nke mɔ gi' baa loge mɔ, in baa san ba-a isa.

²³ “Genen owi ɔbono mɔ, ako mɛ laa tɔge yeɛ, ‘Kere, ɔbono Wurubuaare gi sun yeɛ ɔ' baa mɔlɛgɛ aye mɔ ne gɛɛ.’ Ako, mɔ, mɛ laa tɔge yeɛ, ‘Mɔ ne n gye ɔdɛ.’ Nengyene mɛ tɔge fɛye

genen mɔ, fɛ mɛɲ sa fɛ' sɔɔ imɔ gyi.

²⁴ I kya nyiile yɛɛ genen owi ɔbono mɔ, i laa nye abonbo ako. Ɔko laa tɔge yɛɛ, 'Me ne n gye ɔbono Wurubuaare gi tɔge yɛɛ ɔ laa sun mɔ.' Ɔbanban, mɔ, laa tɔge yɛɛ, 'N gye Wurubuaare ikalan ɔtɔgebo.' Mɛ laa wɔra ilaa ibono i kya de genɔ de ilaa ibono i kya lɛɛ ɔlon bele nyiile mɔ. Nkana mɔmɔ-ilaa wɔrase mɔ i laa penɛ asa abonno Wurubuaare gi tɔɔse lɛɛ yɛɛ mɛ' nye mɔ-gɛwुरagi dɔ akyenabi mɔ gbaa. I maɲ kii sa genen.

²⁵ Imɔso fɛ wu genen ilaa idɛana mɔ, fɛ' nyingi yɛɛ ne wolaa gyo fɛye imɔ so ɔwɔlii yela.

²⁶ Nengyene ako mɛ tɔge fɛye yɛɛ, 'Fɛ' kerɛ, ɔ bo gipen dɔ' mɔ, fɛɲ sa fɛ' buu mɔmɔ kpe nno. Ne mɛ kii tɔge yɛɛ, 'Fɛ' kerɛ, ɔ bo obu dɔ' mɔ, fɛɲ sa fɛ' sɔɔ imɔ gyi.

²⁷ I lii fɛɛ owi ɔbono me, anyamesɛ pɛwu mɔmɔ-daa mɔ, nan kii ba gɛsinkpan so mɔ, i laa wɔra daa fɛɛ genɔɔbono nyangbon kya kyan gikolon kel-l lii owi ɔbaaliiten kpaa lii owi ɔtɔrɔten ne i kya wu gɛsinkpan so pɛwu mɔ.

²⁸ Nfono gɛbue wuse gɛ de mɔ, nno ne ipatɛɛ mɛ kya da gikilen.

Kirisito Laa Lii Wurubuaare Awɔle Dɔ Ba De Nyisigyɛ De Ɔlon Bele

²⁹ "Awɔrɔfɔɔ mɔ nke mɔ gi baa kyon mɔ, owi laa biiri. Bose laa yela asa gikulaa. Agyɛkpebi a laa kyigi giyan-giyan. Wurubuaare laa keda ilaa ibono i bo soso mɔ gyigisi.

³⁰ Nfono mɔ asa mɛ laa wu ilaa ibono i laa lɛɛ nyiile yɛɛ me, anyamesɛ pɛwu mɔmɔ-daa mɔ, n kya laare n' kii ba gɛsinkpan so mɔ. Mɛ wu

imɔ genen mɔ, gesinkpan so asa kpei-kpei pɛwu mɛ laa saawo. Mɛ laa wu me, anyamese pɛwu mɔmɔ-daa mɔ, nan naa lii Wurubuaare awolɛ dɔ n kya ba, n dɛ nyisigyɪ de ɔlon beɛ.

³¹ Nan yɛgɛ gegandan beɛ gɛ' su de n' sun Wurubuaare dɔ isɔɔ de mɛ' kpaa koola asa abono Wurubuaare gi tɔɔsɛ lɛɛ yɛɛ mɛ' nye mɔ-gɛwuragyɪ dɔ akyenabi mɔ. Mɛ laa koola-koola mɔmɔ lii gesinkpan gɛdɛ geten kamaase pɛwu so.”

³² Ne Yesu gi tɔgɛ yɛɛ, “Fɛ' kasɛ ilaa lii gifeeya oyii so. Aye gɛrɛ mɔ, nengyene fɛ wu gifeeya ngyalenbi gi punge ne gi kya pɔrɔgɛ afɛdaa mɔ, fɛ kya bii yɛɛ gikyɛ gi kya fuude ne.

³³ Genen kee ne i dɛ ne. Nengyene fɛ wu ilaa ibonoana nɛ tɔgɛ sa fɛye faa mɔ, fɛ' bii yɛɛ me-gikiiba gesinkpan so mɔ gi tansi fuude ne. N ti n yeɛ fɛye-gɛbunono gbaa-gbaa.

³⁴ Gesintin ne n' kya tɔgɛ fɛye faa. Gesinkpan so asa adɛ mɛ maŋ wu' logɛ pɛi de genen ilaa ideana pɛwu i' lɔɔ ba.

³⁵ Soso de gɛsɛ i laa yela ɔkara. Me-agyɛbi mɔ berɛ, a maŋ yela ɔkara gɛkaako kpa-a.

Wurubuaare Mɔ Nkon Ne N Nyi Owi ɔbono Kirisito Laa Kii Ba Mɔ

³⁶ “Gɛkɛ gɛbono abɛɛ owi ɔbono nan kii ba mɔ berɛ, ɔko mɛŋ nyi. Wurubuaare dɔ isɔɔ gbaa mɛ mɛŋ nyi, ne me, Wurubuaare mɔ-bi mɔ kee, mɛŋ nyi. Genen mɔ, me-sɛ Wurubuaare mɔ-nkon ne n nyi.

³⁷ Me, anyamese pewu mómó-daa mó, gikiiba gesinkpan so mó i kya fuude mó, i laa wórá daa fée Nowa abere dó-lée mó.

³⁸ Imó ne n gye yee péi de nkyu gi lóó gyi asa Nowa abere mó dó mó, asa mé kpe san mé de mómó-gekyena dó laawóra, fée gigyí, ginun, de gédena genen-n kaabore gēkaabono Nowa gi dii loo gikolii mó dó mó. Ó loo gikolii mó dó mó,

³⁹ nkyu mó gi baa gyi asa mó pewu, ibono mé men dēse. Genen kee ne me, anyamese pewu mómó-daa mó, gikiiba gesinkpan so mó i laa wórá ne.

⁴⁰ Genen gēke gēbono mó, i laa nye fée asa anyó mé yele ndóó dó dabóle. Wurubuaare laa baa puru óko de ó' taa óko yegē.

⁴¹ Akyii anyó mé yele dabóle mé kya kóró fée awayu mó, Wurubuaare laa puru óko de ó' taa ónyóse mó yegē.

⁴² Imóso fē' dēse fēye-nyoro so gyoo me-giba. Fē men nyi gēkaabono me, fēye-wura mó, nan kii ba mó.”

⁴³ Yesu gi da imó so gikpalē yee, “In gye fēye gbaa-gbaa fē nyi? Nkana gēten wura nyi yee owi baare ókara ne oyu laa ba mó, naafo ó man de ginsi gidē. Ó laa dii mó-gēten de oyu ón sa ó' nye boori loo gémó dó yuuri mó.

⁴⁴ Genen kee ne i kaabore fē' bii fēye-nyoro akedabi owi kamaase dó ne. I kya nyiile yee me, anyamese pewu mómó-daa mó, nan lii Wurubuaare dó kii ba daa owi óbono fē men dēse mó.”

⁴⁵ Nfono mó, Wura Yesu gi kii da mómó gikpalē yee, “Anē ne n de fée dega óbono ilaa nan baa tógē faa? Ó kya gyi gesintin sa mó-wura ne o

nyi olaako. Mɔ-wura mɔ gi kyu mɔ-gɛten dɔ ilaa wɔra mɔ-abaa dɔ de owi gyise gi fo mɔ, ɔ' yɛ agyudɔ sa mɔ-nanboana adega abono kee mɛ tɛ mɔ-wura mɔ asɛ mɔ.

⁴⁶ Nengyene mɔ-wura mɔ gi baa tu mɔ ɔ kya wɔra ibono ɔ yela sa mɔ mɔ, ɔ laa gyi ginsi.”

⁴⁷ Ne Yesu gi tɔgɛ yɛɛ, “Gɛsintin ne n' kya tɔgɛ fɛye faa, mɔ-wura mɔ laa kyu mɔ-ilaa pɛwu wɔra gɛnen dega ɔbono abaa dɔ.

⁴⁸ “To, ne fɛɛ gɛnen dega ɔbono gyɛ nyamesɛ nyenyɛn mɔ, fonbii mɔ, ɔ laa tɔgɛ sa mɔ-nyoro yɛɛ, ‘Ilaa iko i keda me-wura yela.’

⁴⁹ Fo baa kerɛ mɔ, ɔ yii gɛsɛ ɔ kya daare mɔ-nanboana sɛnsɛ mɔ, ɔ kya gyi ne ɔ kya nun nta ɔ kya boo.

⁵⁰ ɔ kya wɔra gɛnen mɔ, mɔ-wura mɔ laa baa tuule mɔ owi ɔbono ɔ mɛɲ dɛsɛ mɔ.

⁵¹ ɔ laa tansi biidɛ dega ɔbono giso de ɔ' kalɛ mɔ bɔla gikerɛansi awura mɔ so. Osulon de anɛbi giwɛ ne n bo nno.”

25

Abolonbu Gudu Gikpalɛ

¹ Yesu gi tɔgɛ idɛ ta mɔ, ɔ kii da gikpalɛ giko yɛɛ, “A' kyu asa abono mɛ laa nyɛ Wurubuaare gɛwuragyi dɔ gɛkyena mɔ ilaa kyu kɛsɛrɛ de me-gikpalɛ gidɛ. Abolonbu gudu ne n kyena. Gɛkɛ gɛdɛ mɔ mɛ puru mɔmɔ-ifatela de mɛ' kpaa gyoo ɔkyiifɔ mɔ-kuli. Nengyene ɔnyɛn mɔ gi kpɛii ɔkyii mɔ ɔ kya kpe mɔ-gɛwi mɔ, de mɛ' buu ɔmɔ kpaa kyaa de mɛ' gyi de mɛ' nun kpaa mɔmɔ.

² Genen abolonbu gudu aɗe dɔ mɔ, anun mɛ gye aɗeɓo ne anun banban mɔ mɛ mɛɲ nyi ɔlaako.

³ Abolonbu mɔ mɛ kya kpe mɛ' kpaɗa gyoo ɔkyiifo mɔ-kuli mɔ genen mɔ, abono mɛ mɛɲ nyi ɔlaako mɔ, mɛ puru mɔmɔ-ifatela mɔ, mɛɲ bii puru ifatela nfo baa keda too, nengyene fɛɛ nfo gi ta mɔmɔ-ifatela mɔ dɔ mɔ, de mɛ' nye kii ko wɔra.

⁴ Aɗeɓo mɔ berɛ mɛ puru mɔmɔ-ifatela mɔ, mɛ bii puru ifatela nfo keda too.

⁵ Mɛ gyoo ɔkyiifo mɔ-kuli mɔ genen mɔ, ɔɲ ba belɛn, ne ginsi gidɛ gi kyu mɔmɔ.

⁶ "I baa fo genye de nsana mɔ, mɛ nu ɔko gi lɛɛ genɔ yeɛ, 'Ɔkyiifo mɔ-kuli mɔ kya ba-o! Fɛ' koso de fɛ' kpaɗa gyangara mɔ.'

⁷ Nfono ne abolonbu gudu mɔ mɛ koso diire mɔmɔ-ifatela mɔ.

⁸ Anun abono mɛɲ nyi ɔlaako mɔ, mɛ kole aɗeɓo mɔ yeɛ, 'Aye-ifatela i kya wu. Fɛ' sa aye nfo.'

⁹ Aɗeɓo mɔ mɛ kine yeɛ, 'Kuaa. Ibono a de mɔ i maɲ fo aye-rɛ fɛye. Fɛ' kpe ɔfɛten de fɛ' kpaɗa sɔɔ.'

¹⁰ Gesintin mɔ, abono mɛɲ nyi ɔlaako mɔ mɛ koso kyon ɔfɛten mɔ. Mɔmɔ-gɛmara mɔ, ɔkyiifo mɔ-kuli mɔ gi ba, ne abolonbu abono mɛ bii baala mɔmɔ-nyoro gyoo mɔ mɔ mɔmɔ-rɛ mɔ mɛ san naa loo gɛten dɔ de mɛ' kpaɗa gyi de mɛ' nun de mɛ' kyaa. Mɛ loo mɔ, mɛ keda gisin tii wɔra mɔmɔ-nyoro.

¹¹ "In kɛɛla iko mɔ, abono mɛɲ nyi ɔlaako mɔ mɛ kpaɗa ba, mɛ kya ɲmɛɛ gisin yeɛ, 'Ɖbelɛnsɛ, Ɖbelɛnsɛ, tigi aye!'

¹² Ne ɔkyiifo mɔ-kuli mɔ gi lɛɛ genɔ sa mɔmɔ yɛɛ, 'Gɛsintin ne n boran, mɛn nyi fɛye.' "

¹³ Yesu gi da gikpale mɔ ta mɔ, ɔ tɔgɛ yɛɛ, "Fɛ' dɛsɛ fɛye-nyoro so. I lii fɛɛ fɛ mɛn nyi gɛkɛ gɛbono abɛɛ owi ɔbono nan kii ba mɔ."

Adega Abono Mɛ Buɛɛɛ Gyoo Mɔmɔ-Wura Mɔ Gikpale

¹⁴ Yesu gi kii tɔgɛ sa mɔmɔ yɛɛ, "Me-gikiiba mɔ i laa wɔra fɛɛ gikpale gibono nan ba da faa. Imɔ ne n gye yɛɛ ɔbelɛnsɛ ɔko kya laare o' kpe ɔkpa. Imɔso ɔ tere mɔ-adega ba mɔ ase ne o kyu mɔ-ila laa wɔra mɔmɔ-abaa dɔ.

¹⁵ Ne ɔ ye mɔ-sika kɔkɔɔ sa mɔmɔ, ɔkamaase gi nye genɔɔbono ɔkara ɔ laa bii kere imɔ so mɔ. ɔko gi nye sika kɔkɔɔ abi nwe ikue-inyɔ de saalaa, ne ɔbanban gi nye sika kɔkɔɔ abi nwe oko, ne ɔsase, mɔ, gi nye sika kɔkɔɔ abi nwe gudu. ɔ ye sika kɔkɔɔ mɔ sa mɔmɔ genen mɔ, o yii kyon mɔ-ɔkpa mɔ.

¹⁶ ɔ kpe kyon mɔ, dega gyangbarase ɔbono ɔ nye sika kɔkɔɔ abi nwe ikue-inyɔ de saalaa mɔ, ɔ kpaa fɛ sika kɔkɔɔ mɔ nye aterɛnbi ɔ dɛ ɔ kya buɛɛɛ, ne o kii nye sɔɔ sika kɔkɔɔ ɔbono ɔbelɛnsɛ mɔ gi kyu wɔra mɔ-abaa dɔ mɔ ɔnan gikpado ginyɔ.

¹⁷ Genen kee ne dega ɔbono ɔ nye sika kɔkɔɔ abi nwe oko mɔ gi kpaa fɛ sika kɔkɔɔ mɔ nye aterɛnbi kyu buɛɛɛ. ɔ buɛɛɛ mɔ, o kii nye sɔɔ sika kɔkɔɔ ɔbono ɔbelɛnsɛ mɔ gi kyu wɔra mɔ-abaa dɔ mɔ ɔnan gikpado ginyɔ.

18 Dega obono o nye sika kokoo abi nwe gudu mo gi kpaa kuru obo, ne o kyu mo-obelense sika kokoo mo nara nno.

19 “Obelense mo gi keela nfono o kpe mo. O ba mo, o tere mo-adega yee me' baa buu-buu agyan abono okamaase gi nye mo sa mo.

20 Dega obono o nye sika kokoo abi nwe ikue-inyo de saalaa mo o kyu amo-onan gikpado ginyo ba, ne o toge sa mo-obelense mo yee, ‘Obelense, sika kokoo abi nwe ikue-inyo de saalaa ne fo kyu sa me. Amo ne. Kere, ne nye amo-onan kii bola.’

21 Obelense mo gi nu genen mo, o toge sa mo yee, ‘Fo wora ilaa; foo'kpon. Fo gye dega dense ne fo kya gyi gesintin. Fee genobono fo gyi gesintin ilaa pii ide do faa mo, nan kyu ilaa gikyo kyu wora fo-abaa do. Ba de me-re fo a' gyi okon dabole.’

22 Dega obono o nye sika kokoo abi nwe oko mo kee gi baa toge sa obelense mo yee, ‘Obelense, sika kokoo abi nwe oko ne fo kyu sa me; kere, ne nye amo-onan kii bola.’

23 Obelense mo gi toge sa obono kee yee, ‘Fo wora ilaa; foo'kpon. Fo gye dega dense ne fo kya gyi gesintin. Fee genobono fo gyi gesintin ilaa pii ide do faa mo, nan kyu ilaa gikyo kyu wora fo-abaa do. Ba de me-re fo a' gyi okon dabole.’

24 Nfono mo dega obono o nye sika kokoo nwe gudu mo gi baa toge sa mo-obelense mo yee, ‘Obelense, ne wu yee fo-ilaa i bo lon, fo bo onsipara. Fo kya laare agyan lii gesun gebono in gye fo ne n wora gemo mo do.

25 Imoso ne sele fo gifuu, ne ne kyu fo-sika kokoo mo kyu kpaa nara obo do. Kere, fo-sika

kòkòò mọ̀ ne.'

²⁶ Dega mọ̀ gi tọ̀ge genen mọ̀, ọ̀belense mọ̀ gi tọ̀ge sa mọ̀ yẹ, 'Fọ̀ gye dega nyenyen, ne fọ̀ bo wolegyo. Fọ̀ nyi yẹ me-ilaa i bo lon. N gye onsipara wura. N kya laare agyan lii gesun gebono in gye me ne n wọ̀ra mọ̀ dọ̀.

²⁷ Ne i wonẹ̀ so ne fọ̀j kyu me-sika kòkòò mọ̀ kyu kpaa fẹ̀ de fọ̀' kyu aterenbi abono fọ̀ laa nye mọ̀ kpaa yela aterenbi ọ̀yelaten de owi ọ̀bono nẹ̀ ba ne nan kpaa lẹ̀ amọ̀ mọ̀, n' nye de a' koroge sa me?'

²⁸ Nfono mọ̀ ọ̀belense mọ̀ gi tọ̀ge sa abono mẹ̀ yele nno mọ̀ yẹ, 'Fẹ̀' sọ̀ge me-sika kòkòò mọ̀ lii dega baare ase kyu bọ̀la ọ̀bono ọ̀ nye agyan nwe ikue-inyo de saalaa mọ̀ lẹ̀ mọ̀ so.

²⁹ I kya nyiile yẹ ọ̀bono ọ̀ bo ne ọ̀ kya kyu wọ̀ra ilaa mọ̀, ọ̀ laa kii nye too de i' tansi nyaakyo sa mọ̀. Ne ọ̀bono, mọ̀, ọ̀j bo ne ọ̀j kya wọ̀ra sei mọ̀, ipii ibono ọ̀ nye mọ̀ gbaa mẹ̀ laa sọ̀ge imọ̀ lii mọ̀ ase.

³⁰ Fẹ̀' kyu dega ọ̀bono ọ̀j bo agyan faa kyu lii me ase kpaa too wọ̀ra nfono i bo gibiri mọ̀. Osulon de anẹ̀bi giwe ne n bo nno.' "

Yesu Laa Tẹ̀la Ilaa Dense Aworabo

³¹ Yesu gi tọ̀ge yẹ, "Gekaako mọ̀, me, anyamese pẹ̀wu mọ̀mọ̀-daa mọ̀, nan kii ba gesinkpan so de n' baa gyi gẹ̀wura de nyisigyì. Nan kii ba mọ̀, me-rẹ̀ Wurubuaare dọ̀ isọ̀ ne nan ba de n' kpelege kyena me-gẹ̀wuragyapaa so.

³² Nfono mọ̀, asa kpeì-kpeì pẹ̀wu mẹ̀ laa koola baa gyan' me-ansi dọ̀. Nan kyẹ ilaa dense aworabo lẹ̀ lii asa sense dọ̀ fẹ̀ genọ̀bono nbue ọ̀kparebo kya kyẹ mọ̀-isandẹ̀ lẹ̀ lii itiidẹ̀ dọ̀ mọ̀.

33 Ne kye asa mo do mo, nan kyu ilaa dense aworabo mo yela me-gibaa gyise so, de n' kyu asa sense mo, mo, yela me-bene gibaa so.

34 "Nfono mo me obono n gye wura mo nan toge sa abono me yele me-gibaa gyise so mo yee, 'Feye bere, fe wora amudensebo me-se Wurubuaare ase. Fe' baa kyena mo ase mo-gewuragi mo do. O wolaa loto nno yela sa feye lili ko-o abere abono o lee soso de gese mo.

35 I kya nyiile yee owi obono akon a de me mo, fe sa me agyudo; bolefɔ kya mo me mo, fe sa me nkyu, n gye isafo feye-isowole so mo, fe keda me-gisafo,

36 men bo gikuru bunse abee gegbe suuse mo, fe sa me; ne lo mo, fe kere me so; ne me keda me tii de obu mo, fe kpaa laa me.'

37 Nfono mo, ilaa dense aworabo mo me laa taase me yee, 'Aye-wura, gemenke ne a wu fo yee akon a de fo ne a sa fo agyudo, abee bolefɔ kya mo fo ne a sa fo nkyu?

38 Gemenke ne fo ba aye-osowole so ne a keda fo gisafo, abee a wu yee fon bo gikuru abee gegbe ne a sa fo?

39 Gemenke ne a wu fo fo kya lo abee me tii fo de obu, ne a kpaa laa fo?'

40 Me obono n gye wura mo nan lee geno sa momo yee, 'Gesintin ne n' kya toge feye faa, owi obono fe wora genen ilaa ideana sa menanboana ade do oko, ba-a gebii pii ne o gye mo, me ne fo wora sa genen.'

41 "Nfono mo, nan toge sa abono me yele me-bene gibaa so mo yee, 'Feye bere, Wurubuaare gi toge nno wora feye. Fe' naa me ase kpe ogya

ɔbono ɔŋ kya wu' gɛkaako mɔ dɔ! Wurubuaare gi baala ɔgya ɔbono yela sa ilaa nyenyen pɛwu gɛmu mɔ mɔ-rɛ mɔ-isɔɔ.

⁴² I lii fɛɛ owi ɔbono akon a dɛ me mɔ, fɛŋ sa me agyudo; bolefɔ kya mɔɔ me mɔ, fɛŋ sa me nkyu;

⁴³ nɛ gyi gisafo fɛye-isowolɛ so mɔ, fɛŋ sɔɔ me abaa anyɔ; mɛŋ bo gikuru bunɛ abɛɛ gɛgbɛ suusɛ mɔ, fɛŋ sa me; nɛ lɔ abɛɛ mɛ keda me tii de obu mɔ, fɛŋ kpaɔ laa me.'

⁴⁴ Nfono mɔ, mɛ laa taasɛ me yɛɛ, 'Aye-wura, gɛmenke ne a wu fo yɛɛ akon a dɛ fo abɛɛ bolefɔ kya mɔɔ fo abɛɛ fo kya gyi gisafo abɛɛ fɔŋ bo gikuru abɛɛ gɛgbɛ abɛɛ fo kya lɔ abɛɛ mɛ keda fo tii de obu, ne a mɛŋ kerɛ fo so?'

⁴⁵ Nan lɛɛ gɛnɔ sa mɔmɔ yɛɛ, 'N kya tɔgɛ fɛye gɛsintin yɛɛ gɛnɔɔbono fɛŋ kpaɔ me-nanboana adɛ dɔ ɔko, ba-a gɛbii ne ɔ gyɛ mɔ, me ne fɛŋ kpaɔ genen.'

⁴⁶ Nfono mɔ, genen asa abono mɛ laa kpe daa nfono Wurubuaare laa biidɛ mɔmɔ-giso gɛkpaɔ-gɛkpaɔ mɔ. Ilaa dɛnsɛ awɔrabo mɔ berɛ, mɛ laa nyɛ kyena Wurubuaare asɛ gɛkpaɔ-gɛkpaɔ."

26

Mɛ Da Gɛnɔ Yesu So

¹ Yesu gi nyiile asa ilaa idɛ pɛwu ta mɔ, ɔ tɔgɛ sa mɔ-akasebo mɔ yɛɛ,

² "Fɛɛ gɛnɔɔbono fɛ nyi mɔ, i san nke nnyɔ de a' gyi aye-Lɛwu Gi Seregɛ Aye So gɛkɛ belɛ. Genen gɛkɛ belɛ gɛbono gigyi dɔ mɔ, mɛ laa kyu

me, anyamese pɛwu mɔmɔ-daa mɔ, wɔra me-akyobo abaa dɔ de me' da me aɲanbi oyii so mɔɔ.”

³ Gyuda awura asunbi alɛbo abelense de mɔmɔ abelense sɛnsɛ mɔ mɛ kpaa gyan' Kayifase gɛwi. Kayifase ne n gyɛ mɔmɔ-asunbi alɛbo gɛmu.

⁴ Mɛ gyan' genen mɔ, mɛ da genɔ genɔɔbono mɛ laa ɲara keda Yesu de me' mɔɔ mɔ mɔ.

⁵ Mɛ tɔgɛ yɛɛ iɲ kaabore me' mɔɔ mɔ gɛsi mɔ gigyɪ dɔ; iɲ gyɛ genen mɔ, i laa naa bara ikɔ.

Ɔkyii Ɔko Gi Kyɛɛgɛ Anuwanterɛ Worogɛ Yesu

⁶ Yesu gi kpe Bɛtani ɔsowolɛ so. Ɔ bo nno mɔ, o kpe Simon ɔbono nkana ɔ gyɛ okononbu mɔ gɛten dɔ.

⁷ Mɛ wɔra agyudɔ, Yesu tɛ ɔ kya gyɪ mɔ, ɔkyii ɔko gi ba mɔ asɛ, ɔ dɛ puruntuwa dɛnsɛ ɔko de anuwanterɛ boɔgyalonɛ. Ɔ fo Yesu asɛ mɔ, ɔ kyɛɛgɛ anuwanterɛ mɔ worogɛ mɔ-gimu so.

⁸ Yesu akasɛbo mɔ mɛ wu genen mɔ, i loo mɔmɔ, ne mɛ taasɛ yɛɛ, “Mɛnɛ n wɔra ne ɔkyii baarɛ gi gyɪ anuwanterɛ mɔ gyɛrɛbi faa?”

⁹ Anuwanterɛ baarɛ mɛn wɔra ɔfɛsɛ mɔ, nkana a laa nyɛ aterenbi belɛ de a' kyu yɛ sa ayenbo!”

¹⁰ Yesu gi nu mɔmɔ asɛ, imɔso ɔ tɔgɛ mɔmɔ yɛɛ, “Mɛnɛ n wɔra ne fɛ kya nyala ɔkyii baarɛ? Ilaa dɛnsɛ ne ɔ wɔra sa me faa.

¹¹ Ayenbo abono fɛ darɛ faa, mɛ bo fɛyɛ asɛ adaa-adaa. Me berɛ fɛ maɲ nyɛ me n' kyena fɛyɛ asɛ kpaa lii.

¹² Ɔ kyɛɛgɛ anuwanterɛ baarɛ worogɛ me-gimu so faa mɔ, o gyɛrɛ me yɛla gyoo me-gipule ne.

13 Fe' sɔɔ gibui yela. Gesinkpan so gɛten kamaase gebono me laa tɔge Wurubuaare okalan konkonse kyu lii me so mɔ, me laa tɔge ilaa ibono ɔkyii baare gi wɔra sa me faa kee kyu nyingi mɔ.”

Gyudase Gi Kyule Yee ɔ Laa Kyu Yesu Wɔra Mɔ-Akyobo Abaa Dɔ

14 Imɔ ide gemara mɔ, Gyudase Isikaayɔte ɔbono ɔ gye Yesu akasebo gudu anyɔ mɔ dɔ ɔko gi kpe kpaa wu Gyuda awura asunbi alebo abelense mɔ,

15 ne ɔ taase mɔmɔ yee, “Nengyene ne taale kyu Yesu wɔra feye abaa dɔ mɔ, mene ne fe laa sa me?” Nfono mɔ, abelense mɔ me kale aterenbi boduduuse ako abi oko de saalaa kyu sa mɔ.

16 San kyu lii nfono mɔ, Gyudase gi san ɔ kya kere ɔkpa ɔbono so ɔ laa yeye abelense mɔ me' nye Yesu mɔ.

Yesu Mɔ-re Mɔ-Ade Me Gyi Geke Bele

17 Geke gebono Bodobodo Maadiise Agyibere mɔ ge kya yii gese mɔ, Yesu akasebo mɔ me ba mɔ ase baa taase mɔ yee, “Fone ne fo kya laare a' kpaa baala de a' gyi Lewu Gi Serege Aye So geke bele mɔ?”

18 Yesu gi lee geno yee, “Fe' naa loo nten dɔ de fe' kpaa tɔge sa ɔnyen ɔko yee, ‘Me, feye-onyiilebo mɔ yee, “Me-owi gi fo. Fo-gɛten dɔ ne me-re me-akasebo a laa baa kyena de a' gyi Lewu Gi Serege Aye So geke bele agyudɔ mɔ.” ’ ’ ”

19 Yesu akasebo mɔ me kpaa wɔra fee genɔɔbono ɔ tɔge sa mɔmɔ mɔ, ne me kere Lewu Gi Serege Aye So geke bele mɔ agyudɔ mɔ yela nno.

20 I fo gɛdɔɔde mɔ, Yesu mɔ-rɛ mɔ-akasebo gudu anyɔ mɔ mɛ kpe ogyiten mɔ.

21 Mɛ kya gyi mɔ, Yesu gi tɔge yɛɛ, “Gɛsintin ne n' kya tɔge mi-i sa fɛye faa, fɛye dɔ ɔko laa yɛge me-akyobo mɛ' nyɛ me.”

22 Yesu gi tɔge genen mɔ, i wɔra mɔ-akasebo mɔ ayen gikyɔ, ne mɛ san mɛ kya taase mɔ ɔko-ɔko yɛɛ, “Me-wura, imɔso me ne nan wɔra fo genen?”

23 Yesu gi lɛɛ genɔ sa mɔmɔ yɛɛ, “Ɔbono ɔ laa yɛge me-akyobo mɛ' nyɛ me mɔ me-rɛ kaase ne n kya wɔra abaa gyi lɛpɛ kolon dɔ.

24 I bo no yɛɛ me, anyamesɛ pɛwu mɔmɔ-daa mɔ, nan wu' lewu ɔbono ɔnan mɛ wolaa ŋmarase yela Wurubuaare agyebi dɔ kyu lii me so mɔ. Ɔbono ɔ laa kyu me, anyamesɛ pɛwu mɔmɔ-daa mɔ, wɔra me-akyobo abaa dɔ mɔ berɛ, mɔ laako. I mɛnɛnan koroge mɔ mɔ, i boran sa mɔ.”

25 Nfono mɔ Gyudase ɔbono ɔ laa kyu Yesu wɔra mɔ-akyobo abaa dɔ mɔ gi taase Yesu yɛɛ, “Ɔbelense, me ne nan wɔra fo genen?” Yesu gi lɛɛ genɔ sa mɔ yɛɛ, “Fo-genɔ dɔ ne i lii.”

Yesu Lewu Laa Lɔɔ Anyamesɛ Mɔ-rɛ Wurubuaare Nsana

26 Mɛ san mɛ kya gyi mɔ, Yesu gi puru bodobodo keda, o kyu afaala sa Wurubuaare, ne ɔ gbaa-gbaa mɔ dɔ kyu sa mɔ-akasebo mɔ yɛɛ, “Fɛ' sɔɔ de fɛ' gyi. Me-nyoro ne.”

27 O puru konkon de nta kee keda, o kyu afaala sa Wurubuaare, ne o kyu nta mɔ sa mɔ-akasebo mɔ yɛɛ, “Fɛye pɛwu fɛ' sɔɔ de fɛ' nun kɔɔlɛ.

28 Nta nbono n de mi-i sa fɛye faa, me-nkalan ne. Nan wu' mɔ, me-nkalan gi laa kyɛɛɛɛ fue sa asa sakyɔ de Wurubuaare ɔ' yɛɛ mɔmɔ-rɛ mɔ mɛ' nyɛ wɔra genɔ pobɔɔ.

29 N' tɔɛ fɛye yɛɛ pɛi ne nan kii nun nta fafaanan mɔ, genen mɔ, gekaabono me-rɛ fɛye a tɛ a kya nun nmɔ npobɔɔ me-sɛ Wurubuaare gɛwुरagi mɔ dɔ mɔ.”

30 Yesu mɔ-rɛ mɔ-akasebo mɔ mɛ gyi ta mɔ, mɛ bii afaala ɔlon sa Wurubuaare, ne mɛ lii kyon Nfɔ Iyii Gibii mɔ so.

Yesu Yɛɛ Piita Laa Soroge Yɛɛ Oɲ Nyi Yesu

31 Mɛ kya kpe mɔ, Yesu gi tɔɛ sa mɔ-akasebo mɔ yɛɛ, “Nde genyɛ gɛde fɛye pɛwu fɛ laa sele taa me yɛɛ. I kya nyiile yɛɛ mɛ wolaa ηmarase me-ilaa yela Wurubuaare agyɛbi mɔ dɔ yɛɛ, ‘Wurubuaare laa mɔɔ isandɛ ɔkparebo mɔ.

I ba genen mɔ, isandɛ gikpen mɔ gi laa yaase giyan-giyan.’ ”

32 Ne Yesu gi kii tɔɛ yɛɛ, “Nɛ kyingi lii ibuni dɔ mɔ, nan gyangbara fɛye kpe Galeli.”

33 Nfono ne Piita gi tɔɛ sa Yesu yɛɛ, “Ba-a me-nanboana pɛwu mɛ laa sele taa fo yɛɛ mɔ, me berɛ maɲ sele taa fo yɛɛ kpa-a.”

34 Yesu gi tɔɛ sa mɔ yɛɛ, “Sɔɔ gibui yela, ndɛ genyɛ gɛde gbaa, pɛi de kyaase gyangbarase ɔ' lɔɔ folɛ mɔ, fo laa soroge gikpadɔ gisa' yɛɛ fo mɛɲ nyi me.”

35 Piita gi lɛɛ genɔ yɛɛ, “Ba-a mɛ laa mɔɔ me-rɛ fo mɔ, maɲ soroge yɛɛ mɛɲ nyi fo.” Ne Yesu akasebo sɛnsɛ mɔ mɛ tɔɛ genen kee.

Yesu Gi Kpaa Dalaa Gesemeni

³⁶ Yesu mɔ-rɛ mɔ-akasebo mɔ mɛ kpe geteeko, mɛ kya tere nno yee Gesemeni. Mɛ fo nno mɔ, Yesu gi toge sa mɔ-akasebo mɔ yee, “Fe' kyena gere gyoo me. Nan tu kpe faanaa kpaa dalaa.”

³⁷ ɔ yegɛ Piita mɔ-rɛ Sebedi mɔ-biana anyɔ mɔ bere mɛ buu mɔ. Mɛ kya kpe mɔ, mɔ-gisen do i yii gese i kya dee mɔ, ne mɔ-nyoro gi kya toge mɔ.

³⁸ Ne ɔ toge sa mɔmɔ yee, “N kya wu' mi-i fue. I kya laare i' mɔɔ me gbaa. Fe' kyena gere de fe' dii ilaa kamaase ibono i laa ba mɔ kpaa me.”

³⁹ ɔ naa taa mɔmɔ yegɛ kpe ansi do ηmaraa, ne o kyu mɔ-nyoro da bun gesinkpan, ɔ kya dalaa ɔ kole Wurubuaare yee, “Me-se, nengyene i laa sa mɔ, yegɛ awɔrɔfɔ abono a kya ba me so faa a' kyon gibaafon. Ne daboɔ dalaa genen faa mɔ, yegɛ fo-leɛ fo-gelaare ne ge' wɔra, in gyɛ me-leɛ me-gelaare.”

⁴⁰ ɔ dalaa genen mɔ, o kii kpe mɔ-akasebo asa' mɔ ase. ɔ baa kpe mɔ, mɛ de ginsi gide. O kyingi mɔmɔ, ne ɔ taase Piita yee, “Imɔso feη taale kyena ba-a ηmaraa de fe' dii ilaa ibono i laa ba mɔ kpaa me?”

⁴¹ Fe' dii ilaa ibono i kya ba mɔ de fe' dalaa yee imɔ iko i meη' nyɛ feye penɛ de fe' wɔra ilaa nyenyɛn. Ne wu yee feye-asen do mɔ, nkana fe kya laare fe' wɔra me-gelaare, feye anyamese-leɛ olon ne meη kya taale.”

⁴² Yesu gi kii kyon taa mɔmɔ yegɛ ginyɔse kpaa dalaa kole Wurubuaare yee, “Me-se, nengyene i maη sa de awɔrɔfɔ abono a kya ba me so faa a'

kyon gibaafon sa me bere mɔ, yegɛ fo-gɛlaare ne gɛ' wɔra.”

⁴³ Ɔ baa kii kpe mɔ-akasebo mɔ ase mɔ, me kii de. I lii fɛɛ ginsi gide gi de mɔmɔ.

⁴⁴ Yesu gi taa ɔmɔ yegɛ ne o kii kpaa dalaa gesase. Gedalaa kolon gɛbono ne ɔ kpe ɔ kya dalaa.

⁴⁵⁻⁴⁶ O kii ba tu mɔ-akasebo mɔ, o kyingi mɔmɔ, ne ɔ taase mɔmɔ yɛɛ, “Fɛ san fɛ de fɛ kya kyoola? Owi mɔ gi fo. Kon ne ilaa nyenyɛn awɔrabo me laa nyɛ me, anyamesɛ pɛwu mɔmɔ-daa mɔ ne. Fɛ' kerɛ. Ɔbono ɔ laa kyu me wɔra mɔmɔ-abaa dɔ mɔ ne n kya ba faa. Fɛ' koso de a' gyangara mɔ.”

Mɛ Keda Yesu

⁴⁷ Yesu san ɔ kya tongɛ mɔ, Gyudase, Yesu akasebo gudu anyɔ mɔ dɔ ɔko, gi ba nfono. Sakpii belɛ buu mɔ, me de nki de nkpotii. Mɛ lii Gyuda awura asunbi alɛɛbo abelɛnsɛ de mɔmɔ abelɛnsɛ sɛnsɛ mɔ ase.

⁴⁸ Gyudase ɔbono ɔ laa kyu Yesu ɔ kya wɔra abelɛnsɛ mɔ abaa dɔ genen mɔ gi wolaa tɔgɛ sa sakpii mɔ yɛɛ, “Ɔbono fɛ wu nɛ faala mɔ da mɔ gya-gya mɔ, mɔ ne; fɛ' keda mɔ.”

⁴⁹ Imɔso mɛ kpaa fo nno mɔ, gesintin mɔ, Gyudase gi naa kpe Yesu ase, ɔ tere mɔ yɛɛ, “Ɔbelɛnsɛ,” ne ɔ faala mɔ da mɔ gya-gya.

⁵⁰ Yesu gi tɔgɛ sa mɔ yɛɛ, “Ɔnyɛn, ilaa ibono fo ba de fo' baa wɔra mɔ, wɔra.” Ɔ tɔgɛ mɔ genen mɔ, sakpii mɔ dɔ asa mɛ lii keda Yesu.

⁵¹ Nfono mɔ, asa abono mɛ bo Yesu ase mɔ dɔ ɔko gi loore mɔ-gɛki lɛɛ, ne ɔ nɛɛɛ dega ɔko giso fuɛ. Dega mɔ wura ne n gye asunbi alɛɛbo gɛmu.

⁵² Yesu gi tɔge sa mɔ yee, “Kiiri geki mɔ wɔra gemɔ-gifɔrɔ dɔ. Abono me kya kɔ de nki mɔ, nki lewu ne me kya wu’.

⁵³ Fe nyi yee man taale saawo tere me-se Wurubuaare de ɔ' baa kpaa me? Fee ne saawo tere mɔ mɔ, ayaa ade so mɔ, ɔ laa sun mɔ-isɔ akpen afonɛɛ-afonɛɛ de me' kpelege baa kpaa me.

⁵⁴ Ne fee me baa kpaa me mɔ, nne ne i laa nye kyena de Wurubuaare agyebi ɔwole mɔ dɔ ilaa? I bo mɔ-ɔwole mɔ dɔ yee i kaabore genen ilaa ide i' ba me so.”

⁵⁵ Me bo nno mɔ, Yesu gi taase sakpii mɔ yee, “I gye yee n gye oyu nyenyɛn daa ne fe kyu nki de nkpotii baa keda me faa? N kya kpaa kyena Wurubuaare ɔson obu gikpaara mɔ so geke kamaase n kya nyiile asa ilaa. I wone so ne feɲ keda me nno?”

⁵⁶ Imɔ ide pewu i ba me so faa, i kyena daa de ilaa ibono Wurubuaare ikalan atogɛbo mɔ me wolaa nmarase yela Wurubuaare agyebi mɔ dɔ mɔ.” Nfono mɔ, mɔ-akasebo mɔ pewu me sele taa mɔ yegɛ.

Me Kyu Yesu Kpe Nbele Agyibo Ansi Do

⁵⁷ Abono me keda Yesu mɔ me kpare mɔ kpe Kayifase gewi. Mɔ ne n gye Gyuda awura asunbi alebo gemu. Mɔmɔ-nbara anmarasebo de mɔmɔ-abelense sense abono me kya gyi asa nbele mɔ me gyan' mɔ-gewi.

⁵⁸ Me de Yesu me kya kpe genen mɔ, Piita gi buu mɔmɔ giyaa-giyaa genen-n kpaa loo asunbi alebo gemu mɔ gikpaara mɔ so. Ɔ loo nno mɔ,

o kpaa kyena saare Wurubuaare oson obu mo adiibo mo do de o' wu ilaa ibono i laa ba mo.

⁵⁹ Me kya gyi Yesu nbele mo, asunbi alebo abelense mo de nbele agyibo mo pewu me laare asa abono me laa baa kee abon gyan' Yesu so de me' nye mo mo mo,

⁶⁰ me men nye. Asa sakyɔ me baa kee abon gyan' mo so bere. Me men kii nye abon abono me laa yele amo so de me' mo mo mo. Laalaaloge mo asa anyo ako me lii yele

⁶¹ toge yee, “Onyen baare gi toge yee o laa taale boori Wurubuaare oson obu mo de o' kyu nke nsa kii kyu yii mo.”

⁶² Nfono mo, asunbi alebo gemu mo gi koso yele ne o taase Yesu yee, “Ibono pewu me de ma-a gyan fo so faa, fon bo geno lee?”

⁶³ Yesu men toge sei. Asunbi alebo gemu mo gi kii toge sa Yesu yee, “Ilaa ibono nan baa taase fo faa, ne fon toge gesintin mo, fo-re Wurubuaare obono o bo nno gekpaa-gekpaa mo abaa anyo. Imoso fo ne n gye obono Wurubuaare gi sun fo yee fo' baa gyi gewura mo-ade so mo? Fo ne n gye Wurubuaare mo-bi mo?”

⁶⁴ Yesu gi lee geno sa mo yee, “Fo ne n toge. N kya buu mi-i sa feye yee geakaako mo fe laa wu me, anyamese pewu momo-daa mo, n te Wurubuaare Ololonbo mo gyise gibaa so, n kya gyi gewura mo ase, ne nan kyena Wurubuaare awole so kpelege ba gesinkpan so.”

⁶⁵ Asunbi alebo gemu mo gi nu imo ide mo, o biide mo-gegbe kyade de i' nyiile yee ilaa i ba, ne o toge yee, “O de mo-nyoro o kya kesere de Wurubuaare! Ilaa imo ne a baa a kya laare de

a' baa nu lii mɔ ase baa don de ide? Ilaa ibono ɔ tɔge faa, ide kon feye gbaa-gbaa fe nu de feye-aso.

⁶⁶ Menɛ nwɔnsa ne fe de?" Mɛ lee genɔ sa mɔ yee, "Ɔ kaabore ɔ' wɔra ɔmɔɔse."

⁶⁷ Nfono mɔ, mɛ too akyɔle wɔra mɔ-ansi do ne mɛ ne ne mɔ akɔn. Ako mɛ da mɔ itan,

⁶⁸ ne mɛ tɔge mɔ yee, "Fo ne n gye ɔbono Wurubuaare gi sun yee fo' gyi gewura aye Gyuda awura so mɔ, bii ɔbono ɔ ne fo mɔ."

Piita Gi Soroge Yee Oɲ Nyi Yesu

⁶⁹ Piita te gikpaara mɔ so mɔ, obolonbu ɔko gi baa tu mɔ, ne ɔ tɔge sa mɔ yee, "Fo kee fo-re Yesu Galelinyen mɔ ne n naa."

⁷⁰ Piita gi soroge mɔmɔ pewu ansi do yee, "Men nyi ilaa ibono fo kya tɔge faa so."

⁷¹ Ɔ tɔge genen mɔ, ɔ koso lii kpe geten mɔ gebunono. Obolonbu ɔko kee gi kii wu mɔ, ne ɔ tɔge sa abono mɛ bo nfono mɔ yee, "Ɔnyen baare kee mɔ-re Yesu, Nasaretenyen mɔ ne n naa."

⁷² Piita gi ka sa mɔ yee, "Men nyi genen ɔnyen ɔbono!"

⁷³ I kii wɔra nmaraa too mɔ, anyen abono mɛ yelee nfono mɔ mɛ naa ba Piita ase ne mɛ tɔge yee, "Gesintin fo tansi fo gye ɔmɔ do ɔko. Fogede atɔgebi gbaa i kya nyiile genen."

⁷⁴ Nfono mɔ, Piita gi ka sa mɔmɔ yee, "Ne kere fee Wurubuaare. Men nyi ɔnyen ɔbono fe dare faa. Nengyene abon ne n' kya kee mɔ, me-re Wurubuaare abaa anyɔ." Ayaa abono so mɔ, kyaase gi folɛ.

⁷⁵ Nfono mɔ Piita gi nyingi ilaa ibono Yesu gi tɔge sa mɔ mɔ. Yesu gi tɔge sa mɔ yee, "Nde

genye gɛdɛ pɛi de kyaase ɔ' baa folɛ mɔ, fo laa soroge gikpadɔ gisa' yɛɛ fo mɛɲ nyi me.” Piita gi nyingi genen mɔ, ɔ lii gikpaara mɔ so kpaa su gensipɛɛɛ so.

27

Mɛ Kyu Yesu Kpɛ ɔbelɛnsɛ Pilato Ansi Dɔ

¹ Nyenyɛngɛ fu-u mɔ Gyuda awura asunbi alɛbo abelɛnsɛ de mɔmɔ abelɛnsɛ sɛnsɛ abono mɛ kya gyi nbelɛ mɔ pɛwu mɛ da genɔ genɔɔbono mɛ laa wɔra de Yesu ɔ' wɔra ɔmɔɔsɛ mɔ.

² Imɔso mɛ ɲminde mɔ, ne mɛ kpare mɔ kyu kpaa wɔra ɔbelɛnsɛ ɔbono ɔ tɛ sa Rom wura mɔ abaa dɔ yɛɛ ɔ' gyi mɔ-nbelɛ. Mɛ kya tɛɛ genen ɔbelɛnsɛ ɔbono yɛɛ Pilato.

Gyudase Gi Wɔra Mɔ-Nyoro ɔfɛ

³ Gyudase ɔbono ɔ yɛgɛ Yesu akyobo mɛ nyɛ mɔ mɔ gi nu yɛɛ Yesu laa wɔra ɔmɔɔsɛ. Imɔso ɔ nu mɔ-nyoro gɛsɛ yɛɛ ɔ wɔra ilaa nyenyɛn. Genen so mɔ ɔ kiiri aterɛnbi abi oko de saalaa mɔ kperɛ asunbi alɛbo abelɛnsɛ mɔ de mɔmɔ abelɛnsɛ sɛnsɛ mɔ,

⁴ ne ɔ tɔgɛ sa mɔmɔ yɛɛ, “Nɛ fɛ ɔnyɛn ɔbono ɔɲ wɔra ilaa nyenyɛn mɔ sa fɛyɛ kaabore ɔ kya laare ɔ' nyɛ lɛwu faa, nɛ wɔra ilaa nyenyɛn!” Mɛ lɛɛ genɔ sa mɔ yɛɛ, “Imɔ ibono in fɛ aye-giso. Fonkon ilaa ne!”

⁵ Mɛ tɔgɛ genen mɔ, Gyudase gi ɲmanyɛn aterɛnbi mɔ too mɔmɔ Wurubuaare ɔson obu mɔ gikpaara mɔ so nfono, ne ɔ naa kyon kpaa wɔra mɔ-nyoro ɔfɛ mɔɔ.

⁶ Asunbi alɛbo abelense mɔ me tɔse aterenbi mɔ ne me tɔge yee, "Aterenbi ade mɔ, nkalan aterenbi ne. I lii fɛe amɔ ne a kyu sɔɔ isa obono a laa yegge de ɔ' wɔra ɔmɔse mɔ, imɔso in de ɔkpa yee a' kyu amɔ kpaa saare aye-ɔson aterenbi dɔ."

⁷ Mɔmɔ pɛwu me tɔge kyule abara yee me' kyu genen aterenbi mɔ kpaa sɔɔ gesinkpan gebono me kya tere yee Nlɔbi ɔpɔrɔbo Gesinkpan mɔ de me' kyu nno wɔra asafo opuleten.

⁸ Imɔ ide so mɔ, asa me yela gesinkpan gebono ginyen giko yee Nkalan Gesinkpan. Me san ma-a tere genen ginyen mɔ baa lii de nde.

⁹ Imɔ ide mɔ i yegge ilaa ibono Gyɛremaya gi wolaa wu tɔge mɔ i wɔra gesintin. Gyɛremaya gi wɔra Wurubuaare ikalan ɔtɔgebo. ɔ tɔge yela yee,

"Isirale awura me kyule yee

me laa sɔɔ mɔ aterenbi boduduuse abi oko de saalaa.

¹⁰ Ne me kyu genen aterenbi mɔ kpaa sɔɔ nlɔbi ɔpɔrɔbo gesinkpan.

Genen ne Wurubuaare gi tɔge me yee n' wɔra ne."

ɔbelense Pilato Gi Taase Yesu Ilaa

¹¹ ɔbelense Pilato kya gyi Yesu nbele mɔ, ɔ taase mɔ yee, "Fo ne n gye wura sa Gyuda awura mɔ?" Ne Yesu gi lee genɔ yee, "Fo-genɔ dɔ ne i lii."

¹² Genɔten gebono Gyuda awura asunbi alɛbo abelense mɔ de mɔmɔ abelense sense mɔ me ten gyan' Yesu so mɔ bere, Yesu men tɔge sei kyu naa de imɔ so.

¹³ Pilato gi kii taase mɔ yee, "Fon kya nu ilaa ibono pɛwu me de ma-a gyan' fo so faa?"

14 Yesu men̄ baa bugi mɔ-ɣenɔ tɔɣe sei, imɔso i tansi de obelense mɔ ɣenɔ.

Pilato Gi Sa Ɔkpa Yee Me' Mɔɔ Yesu

15 Gesi kamaase Gyuda awura me laa gyi mɔmɔ-Lewu Gi Soroge Aye So geke bele mɔ, Pilato kya kyena tigi mɔmɔ-asa abono me tii de obu mɔ dɔ ɔko de kaase ɔ' nye mɔ-nyoro naa. Gyuda awura mɔ gbaa-gbaa ne n kya lee gibaa yii yee ɔde ne me kya laare, ne Pilato kya tigi mɔ.

16 Genen owi obono dɔ mɔ onyen ɔko tii de obu, me kya tere mɔ yee [Yesu] Barabase. Asa sakyɔ me nyi mɔ-ilaa so.

17 Imɔso asa me koola me yele, ne Pilato gi taase mɔmɔ yee, “N' tigi ane sa feye? [Yesu] Barabase abee Yesu obono me kya tere mɔ yee Kirisito mɔ?”

18 Pilato gi wu yee Yesu ilaa i bo Gyuda awura abelense mɔ gelaaloo daa so ne me kyu mɔ bara mɔ.

19 Pilato san ɔ te nbele ogyiten ɔ kya gyi nbele mɔ genen mɔ, mɔ-ka gi sun isa mɔ ase yee, “Onyen obono fo kya gyi mɔ-nbele faa men̄ wɔra ilaa nyenyen. Imɔso gen̄ sa fo' wɔra mɔ sei. Deeri genye ne kuu oderi wu mɔ, ne baa lii de nde faa, in̄ gye me ne n te.”

20 Gyuda awura asunbi alɛbo abelense mɔ de abelense sense mɔ me wolaa tɔɣe wɔra sakpii mɔ yee me' tɔɣe Pilato yee o' tigi daa Barabase de ɔ' yegɛ Yesu ne ɔ' wɔra ɔmɔɔɛ.

21 Pilato gi kii taase sakpii mɔ yee, “Genen asa anyɔ ade dɔ mɔ, ane ne fe kya laare yee n' tigi sa feye?” Mɔmɔ pewu me lee ɣenɔ yee, “Barabase.”

22 Με τῷ γενεν μῶ, Pilato gi taase mómō yee, “Μῶ, nne ne n' wōra Yesu obono me kya tere mō yee Kirisito mō?” Nfono mō asa mō pewu me lee genō yee, “Da mō aṅanbi mada de oyii de o' wu'!”

23 Ne Pilato gi taase mómō yee, “De i' wonε? Menε ilaa nyenyen ne ὀ wōra?” Nfono mō, me lōrō kpen ken-ken daa yee, “Da mō aṅanbi mada de oyii de o' wu'!”

24 Pilato gi wu yee ὀ buεεε sakpii mō kpon. I kya laare i' bara ikō. Genen so mō, o kyu nkyu foro mō-abaa sakpii mō ansi dō nfono, ne ὀ τῷ sa mómō yee, “Genen onyen baare lewu bere, meṅ nyi mō so sei. Fe' wolaa bii yee feye ne n yege ne ὀ laa wōra omōose faa.”

25 Sakpii mō pewu gi lee genō sa mō yee, “Yege mō-lewu mō ὀ' sola daa aye-re aye-biana de aye-naanaana!”

26 Με τῷ γενεν μῶ, Pilato gi tigi Barabase sa mómō, ne ὀ yege asogya me taa Yesu awulibi ne ὀ τῷ yee me' kyu mō naa kpaa da mō aṅanbi mada de oyii de o' wu'.

Pilato Asogya Mō Me Kyefoo Yesu

27 Nfono mō Pilato asogya mō me kyu Yesu kyu loo mómō-gesun ὀwōraten, ne me tere mómō Rom asogya gikpen pewu ba mō ase nno.

28 Με luu mō-ngbe nbono o suu mō ne me kyu giwurakuru kyu gyaabii bun mō.

29 Με luu iwe kyu wōra fee wura gepe kyu bun mō-gimu, ne me kyu oyii tugese kyu wōra mō-gibaa gyise dō fee ὀ gye daa wura. Με san me kya gyaabii me kya ḡmii mō me kya koso me kya

faala mɔ yɛɛ, “Gyuda awura wura! Fo-rɛ gimu dɛnsɛ!”

³⁰ Mɛ kya too akyɔlɛ ma-a bun mɔ, ne mɛ sɔgɛ oyii tugɛsɛ mɔ lii mɔ-gibaa dɔ kiiri taa mɔ-gimu dɔ.

³¹ Mɛ kyɛfoo Yesu genen ta mɔ, mɛ maragɛ giwurakuru mɔ, ne mɛ kiiri mɔ gbaa-gbaa lɛɛ ngbɛ kyu suu mɔ, ne mɛ san kpare mɔ lii de mɛ' kpaɔ da mɔ aɲanbi mada de oyii de o' wu'.

Mɛ Da Yesu Aɲanbi Lɛwu Oyii So

³² Mɛ dɛ Yesu mɛ kya lii ɔsowolɛ mɔ so mɛ' kpaɔ mɔɔ mɔ mɔ, mɛ gyangara ɔnyen ɔko, mɛ kya tɛrɛ mɔ yɛɛ Simon. Ɔ gye daa Siirinnyen. Ne mɛ nyise mɔ yɛɛ ɔ' sola Yesu lɛwu oyii mɔ.

³³ Mɛ naa genen kpaɔ fo gɛtɛɛko, mɛ kya tɛrɛ nno yɛɛ Gologota. (Gologota gɛsɛ ne n gye yɛɛ Gimu Giwuye Gikpalan.)

³⁴ Mɛ fo nno mɔ, mɛ kyu ilaa bololose iko kyu wɔra nta dɔ ne mɛ kyu sa Yesu; ɔ da kerɛ mɔ, o kine yɛɛ ɔ maɲ nun.

³⁵ Mɛ da Yesu aɲanbi mada de oyii mɔ, ne mɛ ye mɔ-nyoro so atɔ kyu. Mɛ kya ye atɔ mɔ mɔ, mɛ too ilaa iko kerɛ. Ibono ɔko gi gyi mɔ, o kyu.

³⁶ Mɛ ye atɔ mɔ ta mɔ, mɛ san sii mɛ tɛ mɛ kya dii mɔ.

³⁷ Ilaa ibono so mɛ da mɔ aɲanbi oyii so genen mɔ i mada mɔ-amu so yɛɛ,

YESU, GYUDA AWURA WURA Mɔ NE.

³⁸ Mɛ da iyu inyɔ iko kee aɲanbi lɛwu iyii so fɛɛ Yesu-lɛɛ mɔ. Ɔko bo de Yesu gyise gibaa so ne ɔko, mɔ, bo de mɔ-benɛ so.

³⁹ Yesu kyɔle oyii mɔ so genen mɔ, asa abono me kya kyon de nfono mɔ me kya tugi mɔ inosun, ne me kya saale mɔ yee,

⁴⁰ “Fo ne yee fo laa boori Wurubuaare ɔson obu mɔ de fo' kyu nke nsa kii yii mɔ mɔ? Kii mɔlege fo-nyoro! Nengyene fo ne n gye Wurubuaare mɔ-bi mɔ gesintin mɔ, kpelege lii lewu oyii mɔ so de a' kerɛ.”

⁴¹ Genen kee ne Gyuda awura asunbi alebo abelense mɔ de nbara anmarasebo mɔ de mɔmɔ abelense sene mɔ me yoole mɔ ne. Me kya toge

⁴² yee, “Mɔ ne n mɔlege asa. Ɔ man taale mɔlege mɔ-nyoro. In gye mɔ ne n gye Isirale awura wura mɔ? O' kii kpelege oyii baare so de a' sɔɔ mɔ gyi!

⁴³ Mɔ ne yee ɔ gye Wurubuaare mɔ-bi mɔ. Mɔ ne n kya ka gyan' Wurubuaare so. Imɔso nengyene Wurubuaare kya laare mɔ-ilaa mɔ, ɔ' mɔlege mɔ kon de a' kerɛ!”

⁴⁴ Ne iyu ibono me da mɔmɔ-re Yesu ananbi mɔ kee me saale mɔ genen.

Yesu Gi Lee Ɔhe

⁴⁵ I fo owi ken-ken gere-gere mɔ, i wɔra gibiri sirim genen gesinkpan mɔ pewu so kaabore owi gbaase.

⁴⁶ Genen owi gbaase obono do mɔ, Yesu gi kpen ken-ken toge mɔ-gede do yee, “Ilayi, Ilayi, lama sabakitani?” (Imɔ gese ne n gye yee, “Me-Wurubuaare, me-Wurubuaare, i wone ne fo lee ansi taa me yeye genen?”)

⁴⁷ Asa abono me yele nno mɔ ako me nu mɔ ase ne me toge yee, “Ɔ kya tere Oloobu Ilaagya!”

48 Nfono mɔ, ɔko gi sele kyu taato dufu-dufu ɔko kyu kpaa nyise wɔra mɔmɔ-nta bonyanse nko dɔ, ne o kyu de geyabii diire kpe Yesu genɔ ase yee ɔ' kyogyoo.

49 Abono me yeɛ nno mɔ ako me tɔge sa kaase mɔ yee, “Yeɛ de a' kere yee Ilaagya laa lii Wurubuaare dɔ baa mɔlegɛ mɔ?”

50 Yesu gi kii kpen ken-ken ne ɔ lee ɔɛ.

51 Nfono mɔ gikuru gibono gi tii Wurubuaare tudɔ-lee obu bele mɔ gi kyan ginyɔ lii soso baa yii gese kyim. Gesinkpan ge gyigisi, ne afole a boori-boori.

52 Nkyan nbono gi bo afole dɔ mɔ gi bugi-bugi ne asa abono Wurubuaare gi lɔɔ ɔmɔ yela sa mɔ-nyoro mɔ sakyɔ me kyingi lii ibuni dɔ,

53 ne me lii nkyan mɔ dɔ. Yesu gi kyingi mɔ, imɔ gemara mɔ, genen ibuni ibono me naa baa loo Gyerusalem ɔsowole ɔbono Wurubuaare gi lɔɔ yela sa mɔ-ɔson mɔ, ne me lee mɔmɔ-nyoro gɛwi nyiile asa sakyɔ.

54 Asogya ɔbelense mɔ mɔ-re asogya sense abono me kya dii Yesu mɔ me wu gesinkpan gigyigisibi mɔ de ilaa ibono i wɔra-wɔra nfono mɔ, i tansi de ɔmɔ-genɔ ne i wɔra ɔmɔ gifuu, ne me tɔge yee, “Gesintin, ɔnyen baare tansi ɔ gye Wurubuaare mɔ-bi!”

55 Akyii sakyɔ abono me buu Yesu lii Galeli ba Gyerusalem me kya kpaa mɔ mɔ kee me bo nno. Me yeɛ geta-geta wu ilaa ide pewu.

56 Genen akyii abono dɔ ako ne n gye Mariya Magadalakyii mɔ, de Mariya, Gyeemesi de Gyosefo mɔmɔ-nyi, de Sebedi mɔ-ka ɔbono ɔ koroge Yesu akasebo anyɔ ako mɔ.

Yesu Gipule

⁵⁷ I baa wɔra gɛdɔɔde mɔ, aterenbi wura ɔko gi ba. Mɛ kya tere mɔ yɛɛ Gyosefo. Ɔ gye daa Arimatiyanyen, ne ɔ sɔɔ Yesu gyi.

⁵⁸ O kpe Pilato ase ne ɔ kpaa kole mɔ yɛɛ ɔ laa kpaa saga Yesu gibuni mɔ lii lɛwu oyii mɔ so kyu kpaa pule. Pilato gi sa mɔ ɔkpa.

⁵⁹ Imɔso Gyosefo gi kpaa saga Yesu gibuni mɔ. O kyu gikɛlɛ kyabi-kyabi kyu mili Yesu gibuni mɔ,

⁶⁰ ne o kyu kpaa pule mɔ Gyosefo gbaa-gbaa gɛkyan pobɔɔ dɔ. Gɛ gye daa folɛbɔ ɔbono ɔ wolaa yɛgɛ mɛ logedi yela sa ibuni gipule mɔ. Nno ne o pule Yesu, ne ɔ belen gibui bele-bele baa tii ɔbɔ mɔ gɛbunono ne ɔ naa.

⁶¹ Ɔ kya pule Yesu genen mɔ, Mariya Magdalakyii mɔ de Mariya banban ɔko mɔ mɛ tɛ nno mɔmɔ-ansi a sa de gɛkyan mɔ.

Abelense Mɔ Mɛ Yɛgɛ Asogya Mɛ Dii Yesu Gɛkyan Mɔ

⁶² Gɛkaabono Yesu gi wu' mɔ gɛ gye gɛkɛ gɛbono Gyuda awura mɛ kya baala nyoro ma-a gyoo mɔmɔ-gɛkɛ kyoolase. Imɔ gɛde kɛsɛ mɔ, Gyuda awura asunbi alɛɛbo abelense de Farasii gikpen mɔ dɔ asa mɛ kpaa gyan' Pilato ase.

⁶³ Mɛ tɔgɛ sa mɔ yɛɛ, “Ɔbelense, a kya nyingi yɛɛ nke nbono genen ɔbonbo mɔ tɛ de ansi mɔ, ɔ tɔgɛ yɛɛ, ‘Nɛ wu' mɔ, imɔ gɛkɛ sase mɔ Wurubuaare laa kyingi me lii ibuni dɔ.’

⁶⁴ Imɔso sa fo-asogya genɔ yɛɛ mɛ' kpaa dii mɔ-gɛkyan mɔ dandan kaabore nke nsa mɔ gi' lɔɔ gyan'. In gye genen mɔ, mɔ-akasebo mɔ mɛ laa

naa kpaa yuuri mɔ-gibuni mɔ de mɛ' kyu naa mɛ kya kɛɛ abon yɛɛ Wurubuaare gi kyingi mɔ lii ibuni dɔ. Genen gemara-gemara abon abono a laa wɔra nyenyɛn don abono mɔmɔ-ɔbelɛnsɛ mɔ gbaa-gbaa tɛ de ansi ne ɔ kɛɛ mɔ.”

⁶⁵ Pilato gi tɔgɛ sa mɔmɔ yɛɛ, “Yo, nan sa fɛye asogya gikpen de mɛ' kpaa dii gɛkɛyan mɔ sa fɛye. Fɛye, mɔ, fɛ' kpaa wɔra ilaa kamaasɛ ibono fɛ laa taalɛ mɔ de ɔko ɔŋ sa ɔ' nyɛ kpaa yii folɛbɔ mɔ.”

⁶⁶ Pilato gi tɔgɛ genen mɔ, mɛ koso lii, ne mɛ kyon kpe gɛkɛyan mɔ gɛten. Mɛ kpaa wɔra adawo ako kyu daasɛ folɛbɔ mɔ. Ne mɛ san yɛgɛ asogya mɔ mɛ' yelɛ nno mɛ kya dii.

28

Yesu Gi Kyingi Lii Ibuni Dɔ

¹ Gɛkɛ kyoolasɛ mɔ gɛdɛ kɛsɛ mɔ, i gyɛ Kosida. Imɔ nyenyɛngɛ fu-u mɔ, Mariya Magadalakyii de Mariya nyɔsɛ mɔ mɛ kpe de mɛ' kpaa kɛɛ Yesu gɛkɛyan mɔ.

² Nfono mɔ, gɛsinkpan gɛ gyigisi ibono i wɔra ɔlon. Wurubuaare dɔ ɔsɔɔ ɔko gi kpelegɛ lii soso baa belɛn gibui belɛ gibono gi tii folɛbɔ mɔ gɛbunono mɔ yela nkan, ne ɔ dii ɔ tɛ gimɔ so.

³ Ɔsɔɔ mɔ kya nɛlegi fɛɛ nyangbon gi wiisɛɛ, ne mɔ-ilaa ibono o suu mɔ i fuuli pare-pare fɛɛ okurufɛpuu.

⁴ Asogya abono mɛ kya dii gɛkɛyan mɔ mɛ wu Wurubuaare dɔ ɔsɔɔ mɔ mɔ, i tansi wɔra mɔmɔ gifuu, ne mɛ kya seli faa gyin-gyin. Ne mɛ lii tɔrɔ gɛsinkpan, mɛ dɛ fɛɛ mɛ wu' daa.

⁵ Wurubuaare do oṣoṣo mo gi toḡe sa akyii mo yee, “Fe men sa fe' sele gifuu. In gye Yesu obono me da mo ananbi oyii so moṣo mo ne fe kya laare?”

⁶ Oḡ baa o bo gereṇaa. O kyingi lii ibuni do fee genobono o wolaa toḡe feye mo. Fe' baa kere nfono nkana mo-gibuni mo gi de mo.

⁷ Fe' kii belen kpaa toḡe sa mo-akasebo mo yee o kyingi lii ibuni do. Fe' toḡe sa momo yee o laa gyangbara momo kpe Galeli. Nno ne me laa kii wu mo. Mo-okalan obono o sa me yee n' toḡe feye mo ne.”

⁸ Imoso akyii mo me nu mo, me sele belen lii gekyan mo geten de me' kpaa toḡe okalan mo sa Yesu akasebo mo. Me kya kpe mo, okon bele bola momo-asen do, ne i kii koso i bo momo-gifuu.

⁹ Me baa kere mo, Yesu ne! Momo-re mo me gyan', ne o faala momo. Nfono mo, me tu sindi mo. Me nmii keda mo-ayaa do ne me yen mo.

¹⁰ Yesu gi toḡe sa momo yee, “Fe men sa fe' sele gifuu! Fe' kpaa toḡe sa me-akasebo, momo abono me de fee me-tedana mo, yee me' kpe Galeli. Nno ne me laa wu me.”

Asogya Mo Me Kpaa Buu Sa Abelense Mo Yee Yesu Gi Kyingi

¹¹ Akyii mo me kya kpe mo, asogya abono me kya dii Yesu gekyan mo do ako me koso kpe nten do kpaa buu ilaa ibono i tu omo gekyan mo gidii mo do mo pewu sa Gyuda awura asunbi alebo abelense mo.

¹² Abelense mo me nu genen mo, momo-re abelense sense mo me kpaa gyan', ne me da gede genobono me laa wora ne Yesu gikyingi mo i

man nyɛ lii gɛwi mɔ. Mɛ da gɛdɛ genen mɔ, mɛ kyu aterenbi bele kyu sa asogya mɔ yɛɛ,

¹³ “Ƒɛ' sɔɔ de Ƒɛ' naa tɔgɛ sa asa yɛɛ genyɛ Ƒɛ de mɔ, Yesu akasebo mɔ mɛ baa yuuri mɔ-gibuni mɔ koso.

¹⁴ Nengyene ilaa idɛ i kpaa nu ɔbelɛnsɛ Pilato mɔ, aye ne nan buɛɛɛ mɔ de ɔŋ sa o' kyu ilaa nyenyɛn iko kyu wɔra Ƒɛye.”

¹⁵ Gɛsintin mɔ, asogya mɔ mɛ sɔɔ aterenbi mɔ, ne mɛ san mɛ naa mɛ kya tɔgɛ genen ilaa ibono ma-a sa asa. Genen ilaa idɛ i gbigi mɔmɔ Gyuda awura mɔ do ne mɛ san mɛ kya tɔgɛ imɔ baa lii de ndɛ.

Yesu Gi Ka Mɔ-Akasebo Mɔ Gika Laalalogɛɛ

¹⁶ Yesu akasebo gudu ɔko mɔ mɛ kpe Galeli mɔ, mɛ kyon kpe gibii gibono so Yesu gi tɔgɛ sa mɔmɔ yɛɛ mɛ' kpaa gyan' mɔ.

¹⁷ Mɛ wu Yesu mɔ, mɛ ŋmii mɔ ne mɛ yen mɔ. Mɔmɔ ako berɛ, i wɔra mɔmɔ Ƒɛɛ i mɛŋ gyɛ Yesu gbaa-gbaa ne.

¹⁸ Yesu gi tu sindi mɔmɔ, ne ɔ tɔgɛ sa mɔmɔ yɛɛ, “Me-sɛ Wurubuaarɛ gi kyu soso de gɛsinkpan so ɔlon kamaasɛ kyu wɔra me-abaa do.

¹⁹ Imɔso Ƒɛ' kpaa yɛgɛ gɛsinkpan so asa kpɛi-kpɛi pɛwu mɛ' bingiri me-akasebo de Ƒɛ' kyu aye-sɛ Wurubuaarɛ ginyɛn, de me, mɔ-bi mɔ ginyɛn, de mɔ-Oduduu mɔ ginyɛn kyu gyere genen asa abono Wurubuaarɛ sagyere,

²⁰ de Ƒɛ' nyiile mɔmɔ yɛɛ mɛ' wɔra ilaa kamaasɛ ibono nɛ ka sa Ƒɛye yɛɛ Ƒɛ' wɔra mɔ. N bo Ƒɛye asɛ aberɛ kamaasɛ do kpaa lii owi ɔbono gɛsinkpan so gɛkyɛna gɛ laa yɛla ɔkara mɔ.”

Genþ Pobþrþ

The New Testament in the Gikyode language

copyright © 2020 Wycliffe Bible Translators, Inc.

Language: Gikyode

Contributor: Wycliffe Bible Translators, Inc.

All rights reserved.

2025-04-25

PDF generated using Haiola and XeLaTeX on 25 Apr 2025 from source
files dated 25 Apr 2025

4cc402b4-139a-5f33-9af9-fbf62307f663